

Miscellanea,

In quibus continentur

Præmonitio ad Lectorem de infantum
Communione apud Græcos.

Defensio libri de Græcæ Ecclesiæ statu
contra objectiones Authoris Historiæ
Criticæ, super fide & ritibus Orienta-
lium.

Brevis & succincta narratio de vita, stu-
diis, gestis, & Martyrio D. Cyrilli Lu-
carii, Patriarchæ Constantinopolitani.

Commentatio de Hymnis Matutino &
Vespertino Græcorum.

Exercitatio Theologica de causis remediis-
que dissidiorum, quæ orbem Christia-
num hodiè affligunt.

Authore THOMA SMITH Ecclesiæ
Anglicanæ Presbytero.

L O N D I N I,

Impensis Sam. Smith ad insigne Principis
in cœmeterio D. Pauli. M.DC.LXXXVI.

THE HISTORY OF THE

... of the ...
 ... of the ...
 ... of the ...
 ... of the ...
 ... of the ...

... of the ...
 ... of the ...
 ... of the ...
 ... of the ...
 ... of the ...
 ... of the ...
 ... of the ...
 ... of the ...

... of the ...
 ... of the ...

... of the ...
 ... of the ...
 ... of the ...
 ... of the ...

IMPRIMATUR.

C. Alston R. P. D. Hen. Episc. Lond.
à Sacris Domesticis.

Octob. 14.
1685.



*Præmonitio ad Lectorem
de Infantum Communione
apud Græcos.*



U M in argumento
de Infantum apud
Græcos sub sola spe-
cie vini communionē,
quam mirā confiden-
tiā Romanæ commu-
nionis scriptores as-
sertum eunt, ac si
istud dogma unanimi & constantissimā
illorum praxi stabilitum esset, pressius &
strictius versando, momenta rationum,
quibus inductus mutavi sententiam, prout
ingenuum & veri amantem decebat, latè
& pensiculatè explicaverim, non malas
spes mihi videbar concepisse, neminem id

(*)

aut

Præmonitio ad Lectorem.

aut levitate animi aut partium studio, à me, qui vietrici veritati manus dederim, fieri putaturum. Verum eam mutationem reverendissimo & non minus sapientiæ, eruditionis, & in tuendis Ecclesiæ Gallicæ contra Romani Pontificis usurpationes libertatibus zeli & fortitudinis famâ, quàm insulatâ dignitate illustri D. Episcopo Meldensi censurâ, placidâ licet, pro candore mentis, quo maximè pollet, perstringere visum est, quasi rejectâ hac de re vetustissimâ traditione, quod sponte & prompto animo in prima libri mei de hodierno Græcæ Ecclesiæ statu editione dixeram, id in secunda retraëtaverim, eo quod apud nos metueretur, ne ex hoc Græcorum exemplo parili Ecclesiæ Romanæ praxi quippiam munimenti & authoritatis inde accedat. Sed ejusmodi sollicitudo metusve nostras mentes non tenet, qui toti à sacris oraculis & incorruptâ antiquitate pendentes, quid jam degener Græcia & à fide majorum in quamplurimis desciscens, modò in mutilanda communione pariter errasset, præsertim in nuperis Synodis, amplectendum & credendum statuat, parum curamus: quos tamen maximè miserescit tantarum corruptelarum,

Præmonitio ad Lectorem.

telarum, quibus hodie adeo miserum in modum deformatur. Præterea, ut nemo probus illud à me exigere vellet, sic sanctissimum Numen verè & ex animo testor, tantum abfuisse, ut qualicunque modo præter justum & honestum persuasus, quippiam ejusmodi contranitante conscientia peptrem, ut non nisi post severius & diligentius examen, argumentorum vi & pondere victus, in contrariam partem concederem: quod benè novit vir optimus & eruditissimus D. Henricus Dodwellus, cujus fidei & utili amicitia per multos annos merito glorior, qui me literis hac de re missis solus monuit.

Non opus erit, ut prolixam de hac lite dissertationem hic interponam: pauca præfationi editionis iteratæ, quæ hanc rem dirimere plurimis ab omni præjudicio vacuis videtur, superaddere sufficiet.

Quod adulti apud Græcos universi, cujuscunque ordinis aut gradus, ex utrisque sacro-sanctis symbolis corporis & sanguinis Jesu Christi participant, testatissimum est. Hanc Ecclesiæ suæ praxim vindicant Græci Scriptores, potissimum Patriarcha Jeremias, ix cap. primi responsi ad Theologos Wirtembergenses, necessitatem illius

Præmonitio ad Lectorem.

aut levitate animi aut partium studio, à me, qui victrici veritati manus dederim, fieri putaturum. Verum eam mutationem reverendissimo & non minus sapientiæ, eruditionis, & intuendis Ecclesiæ Gallicæ contra Romani Pontificis usurpationes libertatibus zeli & fortitudinis famâ, quàm insulatâ dignitate illustri D. Episcopo Meldensi censurâ, placidâ licet, pro candore mentis, quo maxime pollet, perstringere visum est, quasi rejectâ hac de re vetustissimâ traditione, quod sponte & prompto animo in prima libri mei de hodierno Græcæ Ecclesiæ statu editione dixeram, id in secunda retraëtaverim, eo quod apud nos metueretur, ne ex hoc Græcorum exemplo parili Ecclesiæ Romanæ praxi quippiam munimenti & authoritatis inde accedat. Sed ejusmodi sollicitudo metusve nostras mentes non tenet, qui toti à sacris oraculis & incorruptâ antiquitate pendentes, quid jam degener Græcia & à fide majorum in quamplurimis desciscens, modò in mutilanda communione pariter errasset, præsertim in nuperis Synodis, amplectendum & credendum statuat, parum curamus: quos tamen maxime miserescit tantarum corruptelarum,

Præmonitio ad Lectorem.

telarum, quibus hodie adeo miserum in modum deformatur. Præterea, ut nemo probus illud à me exigere vellet, sic sanctissimum Numen verè & ex animo testor, tantum abfuisse, ut qualicunque modo præter justum & honestum persuasus, quippiam ejusmodi contranitente conscientia peptrem, ut non nisi post severius & diligentius examen, argumentorum vi & pondere victus, in contrariam partem concederem: quod benè novit vir optimus & eruditissimus D. Henricus Dodwellus, cujus fidei & utili amicitia per multos annos merito gloriator, qui me literis hac de re missis solus monuit.

Non opus erit, ut prolixam de hac lite dissertationem hic interponam: pauca præfationi editionis iterata, quæ hanc rem dirimere plurimis ab omni præjudicio vacuis videtur, superaddere sufficiet.

Quod adulti apud Græcos universi, cujuscunque ordinis aut gradus, ex utrisque sacro-sanctis symbolis corporis & sanguinis Jesu Christi participant, testatissimum est. Hanc Ecclesiæ suæ praxim vindicant Græci Scriptores, potissimum Patriarcha Jeremias, ix cap. primi responsi ad Theologos Wirtembergenses, necessitatem illius

Præmonitio ad Lectorem.

officii ab omnibus præstandi à verbis B. nostri Salvatoris vi. S. Joan. 53. urgentes. Cujus quoque effati vi solâ infantes ad communionem admitti debere concludunt. Ratio enim horum æquè ac cæterorum eadem est. Christus neminem excipit, ne laicos, ne infantes, quo minus integrâ communionem fruantur. Quâ enim necessitate ad alterutrum elementorum percipiendum, pari identidem ad utrumque obligantur. Igitur ex illorum sententia utrumque dari, aut istam necessitatem, quam tantopere urgent, tolli oportet. Neque enim norunt *αποσφύγιον* illud concomitantia, quod institutioni Christi male opponi solet. Sacro-sancta enim Sacramenta significant & mysticè repræsentant & reverè exhibent, prout instituuntur, non prout nos fingimus, & eorundem fructus ex integro usu, quem omnibus seculis ad usque mundi finem observandum præceperit Christus, pendet, non ex humani ingenii subtilitatibus, quasi alterum in altero necessario involvatur. Hoc figmentum Græcis adhuc incompertum esse, pro comperto habeo. Quod etiam ex illorum praxi cuiusvis erit manifestissimum; quam iterum hic explico.

Panis

Præmonitio ad Lectorem.

Panis consecratus in exiles partes comminutus maximâ cum curâ vino itidem consecrato immiscetur, ut sic ex utrisque jam commixtis simul Laici communicent. Ex sacro calice pro more ita preparato exhaurit Sacerdos cochleari, quod communicaturis dandum est: nec ex alio calice, hoc est, solo vino absque margaritis immistis impleto, communicant infantibus. Supponatur jam, ut argumentum fortius vibrem, cochlearis cavitatem, solo sanguine, nullis micis, licet præ parvitate, quam facile admittit panis fermentati fractura, quædam insensiles esse possint, adhaerescantibus, madeseri: at si juxta mentem Ecclesiæ Græcicæ unum elementum abundè sufficeret ad communionem infantum, quid opus erat, ut vino sacro tingatur sacer panis, aut sacro pani immisceatur sacrum vinum? Unde est, quod ex ejusmodi calice semper & necessario ritum istum sacrum administrari curant? Quod de pane quoque apud hodiernos Græcos in usum infirmorum reservato dicendum est. Quis enim non deridebit elaboratas Allatii in epistola de Græcorum communionem sub specie unica nugas? Si hoc intendisset Ecclesiæ Græca, non de

Præmonitio ad Lectorem.

pane intincto, qui ad Eucharistiam complendam necessarius est, adeo caveretur; neque panis madidi exsiccatione, quod ideo fit, ut melius & magis integrè servaretur, opus haberent. Neque enim alium panem consecratum in os moribundi ingerere pro instituto Ecclesiæ omnino licet. Cum ergo è calice, cui immixtæ panis micæ innatant, & solitâ maceratione in minutissimas partes, quæ absque periculo ab infantibus deglutiri possint, resolutæ, quasi fiunt concorporæ & indivulsâ connexionē adhaerescunt, desumatur vinum, quæ specie rationis aut similitudine veri quissimam infantes solo sanguine donari contendere possit, nisi etiam adultos eodem modo sub unica tantum specie communicare pari prætextu obtendat, non video: imò nullâ ratione id fieri posse certò mihi constat. Quod ex abundanti dictum est, etiamsi nullæ margaritæ, quod vix facile creditu est, in cochleari superfuissent.

Cum ex hoc ritu, quem exploravi penitus, res liqueret, Metrophanis Critopuli, & Archiepiscoporum Tiberiopolitani & Samii testimonia testimoniis Caryophili, Goari & Allatii, qui ex professione & instituto vitæ dogmata Romanæ Ecclesiæ

sua

Præmonitio ad Lectorem.

fiæ defendenda suscepert, opposui : neque ideo minùs idonei testes habendi sunt Græci in causa suæ Ecclesiæ, eo quod in Anglia rogati sententiam suam in re manifesta protulissent, aut quod apud Protestantes libri eorum publici juris existissent. Pudit sanè Samium olim, cum à me Parisiis hac dere rogaretur (iste enim est, quem in ista præfatione innuebam, tunc enim temporis favore Christianissimi Regis sedem figere in Gallia proposuit,) veritatem fictâ cavillatione corrupisse : at cum Londinum appulisset, tergiversationis suæ planè conscius, tum sermone tum epistolâ propriâ, sponte errorem istum, quem ex linguæ præcipitantia & præ defectu sedulæ & attentæ indaginis errasse fassus est, verbis à me prolatis castigavit. Sed ab hujus bonâ aut malâ fide non pendet, quæ agitur, controversia, quam aliunde & ex natura rei abunde satis expeditam decisamque eruditus Lector, uti non vanus auguror, censebit : nullusque dubito, quin illustrissimus D. Præsul, qui pacis Ecclesiasticæ inter Christianos diversæ communionis in-eundæ studio, Scholasticorum malè sanas opiniones & recentium seculorum placita
sub

Præmonitio ad Lectorem.

*sub venerabili fidei Catholicæ titulo orbi
obtrusa aut penitus rejecit, aut candidâ in-
terpretatione emollivit; si morem istum
corruptissimum in Latina Ecclesia (ut de
cæteris placitis articulisque doctrinæ te-
merè definitis hodieque obtinentibus nihil
dicam,) contra institutionem Christi in-
troducendum sublatum iri non cupiat, saltem
de Græcicæ Ecclesiæ praxi in futurum
aliter sentire velit.*

E Coll. D. Mariæ Magda-
lenæ Oxon. xxiv. Sep-
tembris, M.DC.LXXXV.



*Responsio ad Objectiones Authoris
Libri de Fide & Ritibus Ori-
entalium.*

NON diu erat, quin,
postquam libellus de
Fide & Ritibus Ori-
entalium in lucem
prodiisset, quamplu-
rimi ex amicis me
monendum duxe-
runt, Authorem in ejusmodi scriptis &
historiis Criticis satis exercitatum, qui
sub larvâ adscititii nominis delitescere
neutiquam potuerit, in Epistolam,
quam de hodierno Græcæ Ecclesiæ sta-
tu ferè ante decennium edidi, Criti-
cam suam quoque exercuisse. Cujus
videndi desiderio impendio quidem
& acriter urgebar; tum argumenti,
quod speciosus titulus præ se ferebat,

tum mei gratiâ, in quem virum nominis celebratissimi, amicè & citra omnem verborum injuriam, quod pro solito candore fecit, haud paucis animadvertisse aiebant. Exemplar tandem nactus, totum, omni sinistrâ suspicione ac præjudicio liber, perlegi semel iterumque, non sine delectatione, ne dicam fructu. Laudo ingenii subtilitatem, quæ ubivis se prodit, diligentiam, justam denique à communibus Missionariorum placitis dissentiendi libertatem, quam veritatis indagandæ & asserendæ studium, ut fas est credere, extorsit. An verò eam in omnibus assecutus sit, & Criticum verè & justè egerit, judicium meum nolo interponere. Officio meo probè satis, uti spero, apud viros cordatos defunctus videbor, si, quod idem veritatis, quam omni partium studio posthabito semper sacram habebam, amor jure merito postulat, censorium calammum in me malè districtum fuisse paucis ostendero. Neque enim in longum disputationem trahi, aut animus ab istiusmodi litibus neccendis prorsum alienus, fert, aut res ipsa patitur.

Cum

Cum in legendis Græcorum tum veterum tum cæterorum, qui sequioribus sæculis vixere, scriptis aut Eristicis aut dogmaticis nullibi, mihi saltem, occurrisset vox nova & plane barbara *μὲλυσσις*, neque quemquam ex istâ gente ante Gabrielem Severum Archiepiscopum Philadelphiæ eâ usum fuisse deprehendissem, non absque justâ causâ id mihi faciendum existimavi, si Gabrielem istum Scholasticorum tricus nimium quam irretitum, librosque controversiarum à Bellarmino cæterisque Romanæ Ecclesiæ defensoribus & Patronis editos quasi quotidie versantem, frequenti quoque hujusce vocis usu sibi mire placentem, eam effinxisse rotundè asseruissem. Quod procul à me habui, veritus, ne me ad rem istam non satis attendentem planè fugisset inobservata, aut apud alios Authores mihi neutiquam familiares redditos & planè incognitos reperiri potuisset. Ideo factâ deliberatione dixeram illum eidem effingendæ *primum vel saltem inter primos versatile applicuisse ingenium.* Parum metuebam, ne ob modestiam, quacum in re non adeò ma-

nifestâ cautè loquebar, à quoquam malè haberer, si in simili indagine melius & felicius ei successisset. Animosè tamen in me insurgit Historico-Criticus, quem procul omni convitio imò honoris causâ à me ita appellandum pro certo credat : quod quasi coactus facio, cum ille proprio nomine nolit dignosci, dicam læsæ veritatis impingens. Esto quod contendit, alium illo Gabriele antiquiorem istud vocabulum usurpasse ; non obstat tamen, quominus ille inter primos saltem, apud quos frequenti in usu habetur, recenseri & possit & debeat. Sed quis ille unicus scriptor, in Scenam hic productus, cui honos usurpandæ vocis ad Latinorum mentem feliciter satisfacere conferatur? Gennadius ille est, qui post expugnatam Constantini urbem ad dignitatem Patriarchalem primus promovebatur, h. e. plusquam centum annis ante tempora Gabrielis. Mirum fanè videbitur, neminem tot annorum intervallo, vocabulo, quod autoritate suâ munierat Patriarcha, usum : omnes qui de Sacramentis aut de industriâ aut obiter scripsere,

scripsere, scriptis sive Eristicis sive Apologeticis ab illo tanquam inauspicato quadam mentis religione abstinnisse. Innotuere sanè Hieremiæ, qui ad Ecclesiæ Græcæ clavum postea non sine ingenti laude assidebat, tanti Decessoris scripta, si in Archivis & Tabellariis publicis reponerentur aut alibi extitissent. Optimè norat Ecclesiæ, cui præerat, dogmata, nec in iis defendendis, quod abundè præstitit, defuere zelus vigorque animi. Si quippiam tale in ejus responsis ad Theologos Wirtembergicos, (neque enim marginalem annotatiunculam Crusii aut cujuspiam alterius, qui in Latinis Græcè vertendis non infeliciter lusit) occurrisset, planè convictus obmutueram: sed ab ejusmodi telis securus esse videbar. Ille antiquo Patrum vocabulo μεταβολή uti contentus, de altero novitio, modo id perspectum habuisset, quod meritò dubitandum est, parum sollicitum sese ostendit: aliud autem μεταβολή, aliud μεταστροφή non opus est, ut hic importunè ingeram, id suo loco inferius ostensurus. Omnes Gennadio anteriores siluisse

palam est. Miseret me cujusdam Monachi Benedictini Angli, cujus memorie parco, qui hujus vocis originem à tempore primi Concilii Nicæni intolerandâ plane stultitiâ an audaciâ deducit. Frustra quis speret se hoc quod quæritur reperturum in theoriâ rerum sacrarum S. Germani, aut in miscellaneis Joannis Damasceni operibus, cum nondum illo tempore Latinum vocabulum, quod jam adeò bellè Græcè exprimitur, excogitaretur, ut alios, puta Euthymium Zygabenum, Nicolaum Cabasilam, Symeonem Thessalonicensem, Barlaamum cæterosque posterioribus seculis longâ serie succedentes, qui scriptis diversi argumenti, ubi hujusmodi res sacræ tractantur, inclaruere, penitus omittam. Nescivit id quoque Manuel Calecas, qui Latinorum partes contra Græcos suos tantâ cum verborum acritate sustinuit. Denique in gratiam Romanæ Ecclesiæ, cui demerendæ diligentissimam impendebat operam, ob acceptam dignitatem Cardinalitiam, Bessarion Nicænus Episcopus, eadem voce libentissimè usus fuerat, potissimum in libro
de

de verbis consecrationis adversus Marcum Ephesium, si apud gentem suam vel minimum obtinuisset. Sed hisce diutius immorari planè piget. Nomen Gennadii apud me tantum non sacrum est, & magnæ authoritatis & momenti in hac re quâ de controvertitur. Ipsum ergo appellabimus & adibimus appellatum.

Quam pacis Ecclesiasticæ & unionis frustra toties tentatæ amans esset Georgius Scholarius, cum Concilio Florentino præsens adesset, & quantum Latinorum causæ in articulis, de quibus inter Græcos & Latinos illic convenisset, patrocina-retur, idem in Græciam reversus, & in solium Patriarchale assumptus, ab isto tempore mutato priori nomine, Gennadius nuncupatus, cuius harum rerum paulum studioso è variis ejusdem orationibus & Apologiâ, quam dabimus Allatio, contra quod contendunt Arcudius & Caryophilus, illum scripsisse pro quinque capitibus Florentiæ definitis, satis patet. Exstantque ejusdem Patriarchæ *ἑρτάξις* & *ομιλία* de præcipuis Christianæ Fidei articulis, quam
jussu

8. *Resp. ad Objectiones Authoris Libri*

jussu Mohammedis Imperatoris, non longe post captam Urbem conscripfit. Frustra erit, si quispiam testimonium istud, quod ex Gennadio producit H. C. inde petatum somniaverit. Fatendum est, hunc magni nominis virum, quem prudens moderatio, ingens tollendi Schismatis, quod per tot secula Orientem ab Occidente discerperat, desiderium, amor patriæ infidelium armis jamjam cessuræ æque illustrem ac dignitatis Patriarchalis apex fecerunt, multa inedita reliquisse, in

In diatriba
de Georgiis.

quibus investigandis & enarrandis laudabilem & sedulam navavit operam Al-
latius. Quantos triumphos egisset ille, si in hunc thesaurum à Romanensibus quovis pretio redimendum incidisset. Ex Possevino citat quasdam homilias in Evangelia; sed planè incertus erat animi, utri Gennadio Catholico an Schismatico essent adscribendæ: neq; enim viderat; sed dato quod non mentitur titulus, vix cordatioribus persuadebitur rem controversam hisce homiliis tractari, quod neutiquam tacuisset Possevinus, si quis unquam,
zelo

zelo ob honorem Ecclesiæ Romanæ
hoc in articulo laborantis ampliandum
quam maximè percitus. Auctoramento
adeò ingenti ac sacro munitus, quan-
to furore contra Transubstantiationis
everfores prodiisset, consensum Ori-
entalium hoc nomine non sine convitiis
objecturus. Quod verò Possentino,
quod Allatio, quorum utriusque dili-
gentia par erat, par quoque in defen-
dendis Ecclesiæ Romanæ *μεγίστην δόξαν*
contra Græcos zelus, hujus vero erudi-
tio summa, esse tam beatis non licuit,
id Meletio Syrigio, blandiente fortunâ,
licet, cui honos iste reservatur. Ex hoc
enim Græculo Tenebrione, partium
studiis addictissimo, & in Collegio
Græcorum Romæ, ni fallor, educato,
habet H. C. quod contra nos Genna-
dii nomen & authoritatem obtendat.
Deploro infortunium Caryophili in
refutandâ Gergani Episcopi Artensis
Catechesi & Confessione Cyrilli Luca-
rii pridem occupatissimi, qui planè ig-
norabat unde tantum subsidii causæ,
quam susceperat defendendam, po-
tuisset accrevisse. Proculdubio contra
Patriarcham hæreticum Patriarcham
ortho-

orthodoxum usu vocis aptissimæ Romanensibus consentientem allegasset. Felicem verò prædico Syrigum, in cuius manus incidebat hæc manuscripta Gennadii homilia : felicem etiam H.C. qui præclarum hunc Syrigi thesaurum utendum habuit. Non jam inquirere vacat in vitam & mores hujus novitii scriptoris, qui contra Cyrillum famoso libro debacchatur, qui, si tanti videretur extra cellæ cancellos in publicum erupisset, ne dicam homiliam Gennadii, qui rem confectam, uti illis fortè videtur, quasi dat, ut in dii luminis auras prodiret, dudum meruisse. Dolosè

agit Monachus iste, si velit, quod verba innuunt, post hæresin Berengarianam, ut

Histoire Critique p. 211. vocat, vocem *μετῃστοιωσις* inventam fuisse, quod gratis & absque vel minima probatione dicitur; nec tantus est, ut ejus nudæ assertioni fidem adhibeamus : quem malæ fidei merito suspectum habemus, ne alium pro alio supponens tribolarem ignotumque scriptorem aut sui ipsius effata sub venerabili Patriarchæ titulo orbi obtruserit. Quotus quisque enim est tam obesæ
naris,

naris, cui non suboleat dogma hoc ævo Gennadii apud Græcos non adeò recoctum fuisse, ut in hisce chartis supposititiis videre est. Non isto tempore ejusmodi subtilitatibus usi sunt Græcæ Ecclesiæ scriptores: (neque enim Græcos λαϊνόφρονας aut Romanæ Communions Alumnos ne teruncii quidem æstimo) ut
 irent assertum ^{Pag. 200.} τὰ συμβε-

βηκότα τῷ ἄρτι χωρὶς τῆς εἰσὶν τῷ ἄρτι, καὶ τῷ ἀληθινῷ εἶναι τῷ σώματι. κρύπτει δὲ ἐν συμβεβηκότιν ἄλλης εἰσίας, *accidentia panis esse absque ejusdem panis substantiâ, & veram corporis substantiam latere sub alterius substantiæ accidentibus*: & deinde, omnes Christianos absque ullâ hæsitacione cre-

dere oportere, quod ἐν ^{Pag. 202.} μυστικῷ τέτρῳ σώματι αὐτός ἐστιν ἀληθῶς κείμενος ἡμῶν Ἰησοῦς, ὁ ἐκ τῆς Μαρίας παρδένε γεννηθεὶς, ὁ ὑπὸ σταυρῷ, ὁ ἐν ὑρανῶν, αὐτὸς ἐκεῖνος ὁλόκληρος, ὑπὸ τοῖς συμβεβηκόσι τῷ ἄρτι συγκαλυπτῶς, *mysticum illud corpus ipsummet Dominum nostrum Jesum, Mariæ Virginis filium, qui crucifixus est, qui nunc est in cælo, illum eundem integrum esse, qui sub panis accidentibus*

12 *Resp. ad Objectiones Authoris Libri*
accidentibus delitefcit. Nondum ejuf-
modi explicationes apud Græcos in-
valuerant, quæ Scholafticis, quibus
erant inaffueti, fuam debent originem.
Planè fapiunt alium Authorem, qui
fe totum Romanenfium partibus ad-
dixerat, ab eo, fub cujus nomine ci-
tantur: quem utut unionis ineundæ
ftudiofiffimum, parum verifimile vi-
detur novis terminis ac dilucidationi-
bus adhærefcere, planè antea incogni-
tis, neminemque habere imitatore,
ufque ad tempora Metropolitæ Phi-
ladelphienfis, quem gratis & fine fun-
damento, modo fubleftam Syrigi fidem
excipiamus, quifpiam finxerit hoc vo-
cabulum in libris Græcorum, præfer-
tim in hac homiliâ Gennadii reperiffè,
quod reperire non potuit Hieremias
Patriarcha.

Quod dixi, *Gabrielem Venetiis diu*
agentem, Scholafticorum placitis ac com-
mentis abreptum, dubitantis in modum
addito, ne dicam Romanenfium fraudi-
bus circumventum, licet alias acerrimum
rituum Græcanicorum defenforem, illud
non malè nec temerè dictum credo,
cui fatis perfpectum erat, non paucos
è Græcis

è Græcis tum Episcopis, tum Presbyterii, præcipuè, qui Italiam & Galliam studiorum aut stipis colligendæ gratiâ aut peregrinandi amore petunt, emendicatis distinctiunculis ad eludendas hac in re, quibus inter disputandum premuntur, difficultates, uti solere, & in quamplurimis dogmatibus sive imbibendis sive elucidandis pruritu novitatis prope accedere ad fidem Romanensium, utpote imbecillitate aut levitate mentis huc illuc raptos, aut incertis otiosisque traditionibus miserè delusos: cum essent interim rituum suorum retinentissimi; neque ullis machinis possent dimoveri à placitis Majorum, puta de processione Spiritûs Sancti tantum à Patre, de primatu & potestate Oecumenicâ Papæ, de Eucharistiâ sub utraque specie, de Infantibus communicandis, de Purgatorio, ne cætera dogmata recenseam, quibus mordicus adhærescunt. Non illum prece aut pretio à Romanensibus corruptum volebam, sed vel frequenti cum ipsis consuetudine aut argumentis palàm inter disputandum prolatis aut in libris, quos versabat, exstanti-

exstantibus, quibus pro modulo ingenii expediendis plane impar erat, inductum, hanc facilem sacrosanctum illud mysterium aliquatenus explicandi methodum mirè deperiisse. Quod identidem sæpe usu venire quotidie experimur, multos ad novum dogma Theologicum amplectendum cæco impetu & amore ex levi causâ orto ferri : eo in cæteris dogmatibus propugnandis magis impendio occupatos. Quod fatum erat Gabrielis, cujus neque amicitia & necessitudo, quam habuit cum Meletio, acerrimo licet Ecclesiæ Romanæ hoste, uti appellatur, neque zelus in fuscipiendis Marci Eugenicæ contra Synodum Florentinam partibus, obstant, quo minus hoc in argumento illum studio Scholasticæ Theologiæ nimium abreptum ingenio indulgere potuisse, & explicationibus, quas in Scholis ubi-vis obtinuisse perceperat, impensius quam oportuit favere justè affirmari posset. Æque enim manifestum est, Gabrielem Scholasticis deditissimum esse, ac Patavii olim studuisse, & postea Venetiis vixisse. Id testatissimum faciunt

faciunt singulæ ferè opusculi de septem mysteriis paginae. Totum se ad formam & modum Scholasticorum ubique componit, quos imperite admodum quandoque transcribit, quod cæteri solent, aut imitatur, & quandoque parum aut perperam intelligendo pervertit. Quàm verò hisce in rebus deploratus fuerit Theologiæ Magister, satis superque ostendunt tot ineptæ allusiones, tot sacro-sanctæ Scripturæ loca miserandum in modum detorta, tot pueriles argutiunculae, tot tricae ineptiæque, ut iudicii facultatem, quâ homines maximè sumus, aut nullam aut prorsus imbecillam in illo fuisse citra omnem invidiam & odium quispiam meritò dicat. Optandum sanè foret, illum à sancto proposito, quod olim amplexus est, in literis ad Martinum Crusium Venetiis A. C. M. D. LXXX. Turco-Græciæ,
lib. viij. p. 523. datis non descivisse: Ἰδοὶ

μὴ ἡμᾶς τῇ ἀληθεῖ διδασκαλίᾳ ἐπομνύμεν,
καὶ τοῖς τῶν ἁγίων Ἀποστόλων ᾠραδοῦμεν,
ὅτι καὶ μὴν τοῖς περὶ τρεφᾶς λέξεων καὶ
λόγων εἰς ἄλλα χρομνύμεν ἐχολακῶσι, περὶ
ᾧ καὶ τὸ καὶ ἀφαιρέσειν ὁσημέραι περὶ βάλ-

B b

λομνύοις,

λοιποῖς. Scito nos vera doctrina affecta-
 tores esse, & horum, quæ à sanctis Apo-
 stolis tradita sunt: non autem illis assen-
 tiri, quorum otium & studium in argu-
 tiis dictionum, verbisque in aërem abeun-
 tibus, consumitur, qui quotidie aliquid
 doctrinae addunt aut detrahunt. Qui-
 bus verbis Scholasticos graphicè de-
 pingit, qui in saniori Theologiâ cor-
 rumpendâ otio & ingenio tantopere
 abusi sunt, quos tamen ille postea in-
 feliciter æmulatus est. Nec verba
 tantum & terminos, sed argumenta
 quoque avidissimè & affectatò arripit,
 quantum compendii ratio finit, quasi
 Græciam hac novâ arte & disciplinâ
 illuminaturus, ut jam per ipsum Theo-
 logiæ studiosi è Gente Græcorum non
 opus habeant Joannem Damascenum,
 nedum antiquiores, consulere in mate-
 riâ de septem mysteriis, quorum na-
 turam & essentiam, effectus, qualita-
 tes, & quicquid illa consequitur, per
 quatuor causarum genera è Scholasti-
 corum Commentariis adeò profundè
 tractavit. An verò laudandus sit, annon
 potius reprehendendus hâc de causâ,
 hoc est, quod novum terminum, quo
 paratior

paratior esset via, novo Transubstantiationis ad mentem & sensum Romanensium dogmati, introduxerit, iudicent æqui rerum æstimatores. In præsentī sola de ipsa voce lis procedit, quam si ex aliquo genuino Scriptore Græco, (Gennadius enim iste Syrigi *ἑποβολιμαῖος* videtur) qui Gabrielem antecesserat, protulerit H. C. ipsi gratias habebo. De sensu & significatione ejus statim videbimus.

Cum talis sit Gabriel, non ipsum Romanensibus invidebimus, hujus præclaro testimonio causam suam muniant ornetque: hisce auxiliis, hoc defensore per nos licet glorientur, nunquam tamen obtinebit Joannes Cabasutius præ zelo in furorem adactus,

ut exinde quorundam

hæreticorum Sacramen-

tiorum præstigiōsa impo-

stura de Græcanicarum Ec-

clesiarum religione apud rerum imperitos

mentiri audentium, liquido convincatur,

quasi contra Sacræ Scripturæ authori-

tatem, Ecclesiæ Catholicæ dogma, A-

postolicam traditionem, veterum Pa-

trum scripta, contra leges naturæ, con-

In notitia Ecclesiastica. Lugduni 1680. pag. 653.

tra sensuum certitudinem, contra denique fidem & experientiam, unius leviculi Scriptoris testimonium tanquam argumentum ἀναλλήλων obijci debuisset. Sed jam non mihi res est cum Cabassutio, sed cum viro ejusdem religiosi instituti, si famæ publicæ credendum sit, longè melioris ingenii, qui causam suam absque absurdissimis & iniquissimis convitiis, quæ Lex Christi bonique Mores vetant, tueri studet.

Quo excusatio sit Gabriel, & illius fama illæsa & integra maneat, fictis iisdem criminationibus (neque enim quisquam ipsi vertit vitio, quod Scholasticorum libros legerit, multo minus quod Patavii studuerit, sed quod studuerit novitatibus) Cyrillum Luca-rium involvere molitur H. C. illum nempe quoque Patavii literis operam navasse, neque à studio Scholasticæ Theologiæ alienum fuisse. Quibus hoc grave nec facilè piandum accessit scandalum, quod fidei confessionem, quæ tot tumultus concivit, Authorique invidiam, odium, exilium, cruentam denique mortem tandem conflavit ex Calvinii institutionibus penè ad
verbum

verbum desumpserit. Calvinum fortasse pariter ac Bellarminum præclarissimus ille Patriarcha legerat : & si in quibusdam placitis extra fidem positis, de quibus ne Theologi quidem omnes apud Romanenses idem sentiunt, in ejusdem abstrusioribus articulis, quos neque Scriptura nec Concilia definiverint, relictâ cuilibet judicandi libertate, Calvinum tanquam Magistrum sequeretur, hoc neutiquam aut fraudi aut præjudicio reliquis ipsius Confessionis propositionibus, non ex Calvino, sed ex Sacris Scripturis & Patribus primævæ Antiquitatis, quos accuratè perlectos, ad singularum probationem testes adhibet, collectis.

Quanto autem acri ac subactò judicio polleret Cyrillus, quam longè variæ eruditionis & ingenii laudibus ac famâ evehendus supra Gabrielem, & quam bene & sapientè exercitatus in studiis Theologicis, non lubet jam longâ oratione operosius persequi, nec, ut credo, illud H. C. probus ingeniorum æstimator diffitebitur.

Fatetur H. C. Patriarcham Hieremiam (à quo Gabriel in Metropoli-

tam Philadelphiæ consecratus erat
 Constantinopoli A.C. M.D. LXXVII.)
 in eruditissimis responsis, quæ ad Epistolas
 Theologicorum Wirtembergicorum
 ab iisdem consultus, adornaverat, hoc
 vocabulum nullibi usurpasse: sed ne
 quippiam hac liberali concessione lu-
 cremur, hoc duplici de causa factum
 asserit, tum quod vox ista μετσίωσις
 sit barbara, tum quod Priscis incog-
 nita, altera verò μελαβολή Græca, no-
 tissima & frequenti apud omnes usu.
 At res hæc meris conjecturis & ab om-
 ni specie veri alienis nequaquam tran-
 sigenda est. Non adeò delicatus erat
 elegantiarum captator Hieremias, ut
 ab usu signantissimæ vocis, quæ in Græ-
 ciam vocum novandarum satis cupi-
 dam, & quotiescunque necessitas po-
 stulaverit, peritam satis, ante centum
 annos, jubente nimirum Gennadio,
 transisset, tantopere abhorreret. Esto
 nova, esto barbara: at novitas dictio-
 nis ob sensum, quem exprimit, diluci-
 diorem tolerari, & barbaries quoque
 commodâ interpretatione leniri possit.
 Quanto ergo verisimilius videtur ipsi
 planè incognitam fuisse, cum nulla
 ratio

ratio ex ejusmodi fictis causis subsit, cur omitteretur, si vocem istam agnovisset. At unam eandemque rem alterâ usitatori signatam contendit H. C. Quam verè & justè paucis erit dispiendum. Quibus vocibus olim in hoc augusto sacramento elucidando usi fuerint antiqui scriptores, nemo harumce rerum adeò incuriosus, aut Græcè imperitus est, quin satis superque nòdrit. Occurrunt sæpissimè το μεταβάλλειν, μεταποιᾶν, μεταστοιχεῖν, μετασθᾶζειν, μεταρρυθμίζειν, etiam μεταφέρειν (inde μετένευξίς) Eas venerabundâ mente admittimus & absque vel minimâ hæsitatione amplectimur : neque quicumquæ est Christianis, qui rectè sapiunt, unquam negaverit, post debitam à Sacerdote ritè instituto consecrationem, è pane & vino fieri corpus & sanguinem Domini, vel quod idem est, panem & vinum converti in corpus & sanguinem Dominicum : at ex ejusmodi locutionibus inferri & concludi μετασώσω sive transubstantiationem (per quam intelligitur conversio physicæ substantiæ elementorum in carnem & sanguinem Christi, ita ut tota

eorundem substantia penitus deper-
datur, & è rerum natura evanescat;
utriusque nihilo secius accidentibus
solis remanentibus,) nec posse, nec de-
bere, invictis argumentis probarunt
Albertinus & Blondellus; nec opus
est, ut ea retexamus. Ex hoc vocum
cumulo τὸ μεταβάλλειν, μεταβάλλεαι, με-
ταβολὴ in hoc mysterio explicando, ut-
pote ad mentem veterum, quos sequi-
tur, accommodatè & appositè satis;
ubilibet & ex industria repetit Hiere-
mias, quem fidem Græcæ Ecclesiæ ex-
plicantem cum summa modestia &
veritatis laude prolatis verbis citavi.

Benè noram illum strenuè

(a) Pag. 100. astruisse panem (a) τῇ ἁλῃ-

(b) Pag. 97. θεῖα μεταβάλλεαι, (b) τὰ τί-
μα ταῦτα δῶρα εἰς αὐτὸ

τὸ κυριακὸν σῶμα, τὸ ταῦτα πάντα
δεξάμενον, τὸ φαγεῶν, τὸ ἀνα-

ψάν, τὸ εἰς ἕρπης ἀνελήλυ-

(c) Pag. 100. θῆ, (c) τὸ ἄρτον μεταβάλλ-
εαι εἰς ἐκεῖνο αὐτὸ τὸ σῶμα τῷ χριστῷ:

imò durius & improprie τὸ σῶμα τῷ
Θεῷ πεδεωμένον; *ipsum corpus Domini*
deificatum. Sed nonne luce clarius
videtur, illum hæc omnia urgere con-

tra-

tra nudorum signorum assertores ? de
deperditione & annihilatione elemen-
torum, de solis relictis speciebus (hanc
quoque vocem cum altera cognatâ
Græcâ (εἶδη) apud scriptores ab omni
retro Antiquitate quispiam vix reper-
turus est) altum silentium, ne verbum
quidem. Non magni interest ; quo-
modo Theologi Wirtembergenses il-
lum intellexerint : licet aliis ejus
mentem de admiranda elementorum
conversione longè aliter interpretari :
nec absque ratione. Dum corpus Do-
mini quod hasce subit mutationes, my-
sticum appellat, & planè statuit, ean-
dem conversionem jam fieri, qua fue-
rit, & eodem quidem modo, ac quan-
do Christus Sacramentum corporis &
sanguinis ipsius præsentibus Apostolis
institueret : at Christum illo tempore
carnem, quam gestabat, Apostolis de-
disse comedendam & sanguinem bi-
bendum æque ac jam de coelis corpus
Dominicum descendere, planè negat,
imo tanquam Βλάσφημὸν amoliri fata-
git : tamen ne nudam tantùm figuram
in hoc sacro ritu repræsentari quis-
piam imaginetur, eo sollicitius adstruit

μεταβολὴν

24 *Resp. ad Objectiones Authoris Libri*

μεταβολὴν & μεταποιήσιν, addens, τότε
 καὶ νῦν μεταποιεῖς καὶ μεταβαλλοῖς τῇ
 ἐπικλησίᾳ καὶ χάριτι τῶ παντοδυνάμει καὶ
 τελειάρχῃ πνεύματι διὰ τῶν δειῶν καὶ
 ἱερῶν κύων καὶ λογίων, τῶ μὲν ἄρτε εἰς αὐ-
 τὸ τὸ τῶ κρεῖς σῶμα, τῶ δὲ ὄντι εἰς αὐτὸ
 τὸ τῶ κρεῖς αἷμα. Sed & tunc & nunc
 invocatione & gratiâ omnipotentis illius
 sacrorum rituum antistitis sacrarum pre-
 cationum & divinorum oraculorum in-
 terventu panis quidem in ipsum Domini
 corpus, vinum verò in ipsum Domini
 sanguinem convertitur & transmutatur.
 Sanè ex labyrintho, in quem vehemens
 disputandi ardor illum conjecerat, se-
 ipsum extricare haud benè potuit aut
 norat. Hæc ὡς ἐξ ἐπιμέτρως à me addita
 sunt, qui non immerito aut injuste,
 uti videtur, tantum asserui, *Græcam*
Ecclesiam Hieremiæ Patriarchæ tempore
de modo conversionis, qualem supponit
Transubstantiationis dogma, nihil sta-
tuisse. Atque utinam intra hos can-
 cellos omnium Christianorum fides
 sisteretur, nec ultra fuisset processum.
 Coram iisdem altaribus provoluti,
 eundem crucifixum Salvatorem in ve-
 nerabili hoc Eucharistiæ Sacramento
 concordia

cōcordi pietate coluiffemus ; ab hisce
facris, communi Christianorum jure,
non tunc arcendi tanquam profani &
hæretici : hoc solo nomine iniquiffimis
cenfuris, diris & excommunicationi-
bus, ne dicam ferro & igni, obnoxii,
quod dogma vel ipsis fatentibus inex-
plicabile cum longâ consequentiarum
serie, quæ non solum intellectum & ra-
tionem, sed fidem quoque & imagina-
tionem transcendunt, amplecti respua-
mus.

Quod paucos admodum fuisse, qui
Gabrielem in hac *καίνοφωρία*, quâ sibi
tantopere placuit, sequerentur, dixi,
quivis lector, nisi qui seposito ingenuo
candore ex levibus aut nullis causis re-
prehendendi ansam captat, malèque
interpretando aut sensum fingit alie-
num, aut ultra rei propositæ scopum
quasi fidiculis detorquet, facile intel-
lexerit, illud tum ad tempora, quæ
Gabrielem & Cyrillum intercesserint,
tum ad Præsules aliosque, qui apud
Græcos eruditionis famæ aut dignita-
bus pollerent, non ad quosvis de tri-
vio scriptores, nullius famæ & existi-
mationis, nullius meriti, nullius apud
suos

suos authoritatis, multo minus ad Mo-
 nachos plane *νεωτερίζοντας* & Roma-
 nis artibus pro ratione instituti &
 educationis in Græcæ Ecclesiæ perni-
 ciem instructos, referri debere. Neu-
 trum horum, quod fieri oportebat,
 præstitit H. C. Quid ergo? tres no-
 vitios Græculos, qui post editam Cy-
 rilli confessionem scripsere nobis, ob-
 jicit, quasi ex horum testium, quos ut
 ineptos & liti decidendæ impares sub-
 movebimus, arbitrio tota contestatio-
 nis vis pependisset. Potuisset sane
 æquo si non meliori jure allegasse ip-
 sum Cyrillum, qui voce eâdem utitur.
 Ex quo enim tempore ille vir lauda-
 tissimus, quem nullæ difficultates, pe-
 ricula nulla à studio veritatis deter-
 rere potuerunt, qui ad mentem vete-
 ris Græcæ Ecclesiæ & nostræ Anglica-
 næ *ἀληθὴ καὶ βεβαίαν παρουσίαν*, veram,
 & realem, h. e. non fictam & inanem
 Præsentiam in Sacramento Eucha-
 ristiae ex animo agnovit, καὶ ἐφευρε-
 θεῖσαν εἰκὴ μετασώσιν, temerè excogita-
 tam transubstantionem, rejecisset, quis
 istorum temporum vel aliquantillum
 gnarus, non mirabitur, plures Romæ
 &

& alibi, imò in ipsa Græcia artibus Romanensium inductos non extitisse, qui labantem causam & penè desperatam tantâ vi ac authoritate oppugnatam quibusque machinis tuerentur? Hæc origo, hic fundus omnium calamitatum Cyrilli, quibus tandem oppressus infelicissimè occubuit. Si in ejusmodi scriptis millies reperiretur vox ista, ecquis inde argumentabitur illam longe antea in communem & vulgarem usum transiisse? De Gregorio isto Hieronomacho (sub cujus nomine Synopsis dogmatum Ecclesiæ Græcæ Venetiis A. C. M. DC. XXXV. prodibat) parum solliciti sumus, an verus Author fuerit, an Proto-Syncelli magnæ Ecclesiæ, h. e. Constantinopolitanæ titulum sibi justè vendicaverit, quod in dubium vocari debet, si de Ecclesia Chiensi, omnino præter morem, intelligatur, hoc nomen, quod quippiam grande sonât abit in meros fumos. Qui ista dignitate gaudet, Constantinopoli vix abesse solet, utpote à Patriarchæ, cui à consiliis est, latere vix aliquanto tempore avellendus: Hic verò Gregorius sedes fixisse
apud

apud Chienſes dicitur. Eſto verò Proto-Syncellus: non illum debito fraudabimus honore, at ſi cuiſpiam in mentem venerit, hanc inſulam, à quo tempore occupata fuerit à Turcis, Romanæ communionis Sacerdotes inſediſſe, nec Jeſuitas tunc abſuiſſe, non levis aut injuſta erit ſuſpicio, quibus *ὑποφίταις* adjutus, hæc oracula fuderit. Ille ſane, quo ſibi & opusculo major adſtruatur fides in partem laboris Georgium Coreſium advocavit, quaſi illius curis, conſiliis, dictaminibus maximâ ex parte debeatur, quem honoris cauſa eruditiffimum Theologum appellat. Gratas vices rependit Coreſius ὁ τῆς μεγάλης Ἐκκλησίας Θεολόγος, inſigni elogio librum cohoneſtans, quod doctrinam veram & orthodoxam continet. De quo libro cum eſſem Conſtantinopoli, ne ſando quidem audiverim: nemo ex Epiſcopis aut Calogeriſ, quibuſcum familiare habui commercium, de eo locutus eſt: apud quos ſi cuiuſpiam eſſet momenti & ponderis vel argumenti vel Authoris cauſâ, mirari ſubit memoriam illius tam cito perire potuiſſe. At quis

Coreſius

Coresius ille? num ille professione Medicus, jam ætate grandior, ut videtur, magnæ Ecclesiæ Theologus factus? ille, qui Ecclesiæ Græcæ placita variis libris ingenti zelo elaboratis propugnavit contra Romanenses, in quos aculeato stylo invecus est, & quorum errores in libro, quem συντομίαν τῶν Ἰταλικῶν ἀμαρτημάτων inscripsit, gravissimè perstrinxit? ille de quo petulantissimi oris Caryophilus in Iambis adversus Ogdoadem Græcorum Scriptorum Londini duobus voluminibus editorum.

Λαλῶν ὁ μὴ γνὼς ἱατρὸς ψυχρὸς.

Idem omninò videtur. Ille, ille est, cujus vel folius nominis patrocinio victrix & æterna Urbs in deformatam & jacentem Græciam in futurum triumphabit. Interrogabo tamen unde hæc levitas & inconstantia animi, unde hæc perfidia, quibus argumentis tam subito mutatus & alius à se Coresius? Cum à Patriarcha Constantipolitano sacris interdiceretur, à nemine colloquio & congressu familiari dignandus, quod

quod testatur Allatius, quidni conjecturam facere licebit impotentis animi hominem, qui infamiam hanc quam concoquere nequibat, iniquissime tulisse, & tandem bile & vindictâ motum, Romanensium gratiam & amicitiam aucupari, & quo se illis acceptiorem redderet, librum hunc Gregorii Chirographo suo munitum approbasse. De reliquis, quos laudat H. C. Meletio Syrigo, Michaelē Cortacio Crète, & Agapeto montis sancti incolâ (quem tamen in libro Venetiis edito A. C. M. DC. XLI. fatetur vocabulis *μετατρέπειν, μεταποιεῖν*, similibusq; uti, hoc est, omisâ voce, quâ de hæcenus contenditur, licet veritatem rei miraculis nescio quibus adstruere allaborat) idem quod de Gregorio dicendum est, quod sint tempore posteriores; nec rem cuius causâ tanquam testes adhibentur, ullatenus attingunt. Egone putaverim hosce doctrinæ Cyrillianæ oppugnatores à voce, quâ ille, dum rem ipsâ signatam damnaverit, usus est, abstinere voluisse? Illud pro æquitate, pro sagacitate quâ est præditus, vix censebit H. C. Cum verò in ho-
rum

rum sententiis refutandis, licet sint partibus maximè obnoxii, ut vel tantillum immorèr, neutiquam mihi ex necessitate incumbit, in præsentì contra hos Monachos indoctos, insulos, & superstitiosos, & veri controversiæ statûs parum intelligentes opponere faterit Gerganum Artæ Episcopum & Metrophanem Critopulum, si res non numero, sed pondere testimoniorum sit dirimenda, qui Cyrilli & Reformatorum causam scriptis suis propugnaverint. Veruntamen, utut pauci iique privati homines locuti fuerint, eâ de re non mihi adeò sollicitè laborandum existimavi, cum vox ista nullâ publicâ authoritate hætenus firmaretur aut invalesceret: ne duabus quidem Synodis Constantinopolitanis sub Cyrillo Berrhœensi & Parthenio hoc solo nomine coactis, ut Cyrillum Lucarium ejusque confessionem anathemate ferirent, quorum utramque dixi ex elementis per Sacerdotis benedictionem & spiritus sancti adventum verum corpus & sanguinem Christi fieri statuentem, nihil ultra definivisse, nullâ interim *μετὰσιώσεως* mentione factâ.

C c

Exclamat

Exclamat H. C. quasi re mali & inauspicati ominis visâ exterritus, nihil posse videri, quod fundamento magis careat, & ad hanc sententiam falsi convincendam vel micam communis sensûs tantum requiri. Quâ censurâ an quippiam aut magis in-
eptè aut injuste dici possit, ego à debito mentis statu hac calumniâ neutiquam dimovendus, adhuc dum ambigo. Dia veritas, cui me totum absque omni partium studio devovi, vetet, ut communis sensus me vel per unicum momentum destituat: nec magis mei quam illius causâ, ne quispiam de illius bona fide malas alat suspiciones, opto, quod hæc verba non adeò temerè effunderentur. Rem absque ambagibus & involucris proposui, duas hæc nimirum Synodos convenisse, ut censurâ damnatoriâ in articulos confessionis Cyrillianæ animadverteretur. Quid vero Cyrillus ille de hoc articulo senserit, & quomodo mentem suam explicaverit, cum neminem latere putaverim, ex libro cuivis fatis obvio, id conceptis verbis proferre nolebam: quibus tamen expressè

pressè & signanter damnat μέλεισιωσιν, hac solenni professione simul adhibitâ se credere fideles μέλαλαμβάνοντας ἐν τῷ δειπνῷ τὸ σῶμα τῷ ᾧ ἡμεῖς ἡμεῖς Ἰησοῦ Χριστοῦ, ἐκ αἰδιότητος τοῖς ὁδοῦσι ἱερουργίας, καὶ ἀναλύοντας καὶ μέλαληψιν, ἀλλὰ τῇ καὶ ψυχῇ αἰδιόσεται κρινωνέντας, corpus Christi manducare in cenâ Domini, non dente materiali terendo, (ut ad palinodiam coactus infelix Berengarius professus est, quod non ignoravit H. C. ignoravit insulsus Syrigus) sed animæ sensu percipiendo. Num isti assessores μέλεισιωσιν à Cyrillo damnatam adstruunt aut ῥηλῶς aut ex consequenti? Penè oculis diffiderem, nisi probe meminissem menti præoccupatæ tenebras, ne solitam perspicaciam exerat, à præiudiciis & affectibus offundi solere. Quid audio? Ambabus his Synodis placuit, si verba Gallica rectè verto, Cyrilli iisdem terminis propositiones proferre, & deinde anathemati subicere. Si Cyrillus iste in illa prætensa fidei confessione istâ voce μέλεισιωσις usus fuisset, non ipsi harum Synodorum Episcopi ab ejusdem usu abstinuissent. Vos omnes appello, quotquot divinam hanc artem profitemini,

an hæc Critica ritè jam exerceatur. Oculis vestris, si vultis, litem decidere faciliè potestis, non enim elaborato studio aut perplexis cogitationibus, quibus cerebrum diffindatur, opus erit. Opponunt primæ Synodi assesso-

res, Ἀνάδεμα Κυρίλλῳ δογ-
 Pag. 76. edit. μαλίζοντι καὶ πιστεύοντι μὴ με-
 Amst. 1645. λαβάλλεσθαι τὸ ὅτι τὸ περιέ-
 σσεως ἄρτον, καὶ ἐπὶ τὸ οἶνον διὰ τῆς τοῦ ἱερέως
 εὐλογίας καὶ πνεύματος ἁγίου ἐπιποιήσεως εἰς
 ἀληθὲς σῶμα καὶ αἷμα Χριστοῦ. *Anathema*

Cyrillo dogmatizanti & credenti non trans-
mutari panem Propositionis, & insuper vi-
num per Sacerdotis benedictionem & Spi-
ritus Sancti adventum in verum corpus
& sanguinem Christi. Post, in altera
 Synodo, dum Cyrilli sententiam il-
 lorum calculo reprobata[m] malè inter-
 pretantur, verba institutionis solum-
 modo explicant, sine vel minimâ cu-
 juspiam μεταβολῆς, multo minus μετε-
 στώσεως mentione. Num hoc est ad-
 struere μετεστώσιν; num juxta horum
 mentem annihilatur naturalis elemen-
 torum substantia? num his Judicibus
 solæ supersunt species! Præterea, ubi
 Cyrillus ex elementis ritè consecratis
 corpus

corpus Dominicum vere factum, aut ab ipsis fidelibus manducatam, vel quod idem est, panem & vinum in corpus & sanguinem Christi transmutari negavit! Solam istiusmodi transmutationem negat, quam supponit μετεσώσεις, quam hi iniquissimi censores expresse fateri nolunt. Illum vero, qui veram & realem Christi præsentiam in Sacramento Eucharistiæ firmissimè credidit, nihil aliud divinæ Eucharistiæ εἰ μὴ ἵπτον ψιλόν, nisi nudam figuram reliquisse, annon hoc est calumniari fortiter? Quibus argumentis criminationem impactam eunt probatum? hoc unico nimirum, εἰρησὶν εἶ) σῶμα Χριστοῦ ἀληθινόν τ' ὁρώμενον καὶ ἐσθιόμενον ἄρτον ἤδη ἁγιασθέντα, ἀλλὰ τὸ νοούμενον πνευματικῶς, ἢ μάλλον εἰπεῖν, φανταζόμενον, ὁ πάσης εὐσεβείας ἀνάπλεων, non dicit panem jam sanctificatum, qui videtur & comeditur, esse verum Christi corpus, sed spiritualiter tantum intellectum, aut potius imaginando fictum, quod omni impietate plenum est. At Cyrillus non negavit verum sive mysticum corpus illic adesse licet elementa

Pag. 128.

integram essentiam retinere absque
 omni fictâ annihilatione simul crede-
 ret. E præmissis satis constat, vocem
 μεσσιωσις veteribus Patribus incogni-
 tam, in Liturgiis Græcorum, symbolis,
 decretis & constitutionibus synodali-
 bus, confessionibus & catechismis ad
 illud usque tempus non admissam fu-
 isse, nihilque ab H. C. objectum, quod
 assertionum mearum fidem elevaret.
 Quibus vero artibus sibi postea impo-
 ni paterentur Græci, ut introductis
 jam voce & re, proximè accedant ad
 fidem Romanensium, tum ἐν ὁμολογίᾳ
 ἐκκλησίας τῆς Ἀνατολικῆς, quam ali-
 quoties disertim citavi, tum in nu-
 perâ Synodo Hierosolymitanâ, arcano-
 rum omnium revelator dies docebit.

Ut nova lux litibus hisce de fide
 Græcorum ortis præferretur, & genius
 moresque Cyrilli, de quo pro vario
 affectu tanta cum discordia alterutrîn-
 que judicatur, melius innotescerent,
 visum erat H. C. brevem de illo hi-
 storiam sive potius farraginem ex Al-
 latio aliisque nominis Cyrilliani infen-
 sissimis hostibus, incertisque rumûscu-
 lis corrasam inferere : cui quam mul-
 ta

ta à fide rerum gestarum prorsus aliena, non ex industria & sciens, absit ut hoc sentiam, sed subsidiis destitutus, neque satis benè informatus, commiscuerit, proximè secuturâ narratione, quam Anglicano nostro idiomate ante quinque annos à me editam, jam in ejus aliorumque gratiam Latinè verto, demonstrabo.

Jam opportunum erit, ut objectiunculis, quæ supersunt diluendæ, respondamus.

Tanta est vis veritatis, ut viam in mentes eorum, qui ipsam aut audaci inverecundia & aperto furore opprimere, aut subdolis technis & offuciis corrumpere moliuntur, aut inveniat aut faciat. Liberalitèr tandem concedit H. C. vocem *μετῃσώσις* neque apud Patres exstare, neque in Liturgiis & Symbolis reperiri, sed nescio an exinde gratiam referre debeam; cum hoc absque læsâ modestiâ paritèr ac veritate à quoquam negari nequeat, & malè existimationi & famæ, cujus ratio ab omnibus probis magni habetur, consultum fuisset, si aliter fecisset. At hoc argumento, quod negativum

appellat, nihil vanius adversus nuperum *μελίσσιωσις* dogma convellendum fingi posse audacter pronunciat, eo quod, uti ille criminatur, rem positivam ex simplici voce conclusum & assertum iverim. Potuit sane advertisse non de voce solâ, sed de ipsâ re signanter expressâ argumentum processisse, utramque nimirum veteribus Græcis incognitam fuisse; qualis primò statuebatur in concilio Lateranensi. Malè intelligit & applicat principia Protestantium, si velit illis eo absurditatis provectos exegisse, ut quibuscunque vocibus Ecclesia Catholica ad explicandos fidei Christianæ articulos uti consueverit, eæ, aut è scripturis sacris, aut è symbolis derivarentur. Quid nobis cum Socinianis, qui adeò altum ultra omnem modestiam sapiunt, ut id postulent quam iniquissimè. Si de fide dogmatum, quatenus in ipsis scripturis comprehenduntur, securi simus, de vocibus illorum explicatius elucidandorum causâ summâ Authoritate postea additis, frustra contenditur. Doctrinam de adoranda Personarum Trinitate in una eadem-

que

que Divinitatis individuâ essentiâ,
de consubstantialitate Filii, reliquis-
que fidei Christianæ mysteriis, sine
quibus nequit consistere, & quorum
explicita fides & professio necessariò
requiritur, ut quispiam verè Christia-
nus habeatur & sit, ideò amplectimur,
quod ab ipsis nascentis Christianismi
initiiis ejusmodi doctrina ab Apostolis,
revelationum Christi præconibus, qui
eam in usum omnium Christianorum,
quotquot in Christum usque ad con-
summationem seculi credituri sunt,
scriptis mandarunt, promulgata fue-
rit, & ab omnibus, qui isthoc sacro &
venerabili nomine gaudebant, admit-
teretur. Neque alio argumento usi
sunt Divinitatis Christi assertores
contra Arianos, uti & alii contra to-
tam hæreticorum, illos aut antece-
dentium aut subsequantium collu-
viem, qui doctrinam fidei perversis
glossematibus & interpretamentis incru-
stata aut addendo aut diminuendo
tantis viribus evertere fategerunt. Ab-
surdæ & arrogantissimæ obstinationis
reus est, qui receptissimis in Ecclesia
Christi vocibus, doctrinam ejusmodi
in

40 *Resp. ad Objectiones Authoris Libri*
in scripturis traditam sese accommo-
dare respuat: quod optimè monet
Calvinus, cujus præterea sententia,
quam produxit H. C. digna est, ut hic
quoque repetatur. *Quando temerè non*
sunt inventa nomina, cavendum esse, ne
ea repudiando superbae temeritatis argua-
mur. At justissimè querimur nomen
μετεσώσις temerè inventum esse &
absque rei substratæ fundamento. Nec
valet istud effugium, nondum ortam
fuisse Berengarii hæresim in Occiden-
te, quæ dedit barbaram istam vocem
[*Transubstantiatio*] in Scholis primò ef-
formatam inveniendi occasionem, ut
hujus subsidio eam felicius & facilius
oppugnarent, neque opus fuisse Græ-
cis, ut Latinum istud vocabulum, quod
tam bellè rem exprimit, Græcè ver-
terent, antequam ipsis Berengarianis
quippiam constitisset, hoc est, ex quo
Cyrillus confessionem suam edidisset.
Hanc esse veram omissæ per tot secula
vocis *μετεσώσις* rationem suaviter
somniaut H. C. & Meletius Syrigus.
Aliter oportuit H. C. mentem meam
interpretari, & Reformationum sensum,
non ita subdolè & more planè sophi-
stico

stico elusisse: quod ne ignoravit quidem nec ignorare potuit, quod ab isto Monacho libris nostris inassueto ne-
tiquam erat expectandum. Præscribi-
mus enim contra novitatem dogmatis,
quod vox nova signat, & hujus myste-
rii explicationem novis terminis in-
ductam novisque propositionibus ful-
tam, quæ per multa secula latuerat.
Quod de articulis fidei in symbolis
Apostolico, Constantinopolitano, &
Athanasiano, ut vulgò appellatur, com-
prehenfis, in quibus explicandis quæ-
dam novæ voces erant adhibitæ, ab-
sit, ut quispiam verè Christianus vel
minimum hiscere ausit.

Tandem ad ultimam cavillationem,
quâ mihi imperitiam Theologiæ Græ-
corum objicit H. C. devenio, hac cen-
surâ gravatus, eo quod dixi symbola
consecrata eodem tempore, quo ip-
summet corpus & sanguis Christi di-
cuntur, τὰ ἀντίτυπα τῶ ἀγίῳ σώματι
& αἵματι τῶ Χριστοῦ ab illis appellari.
Cuius maximè obvium est, (neque
enim illud diffitebor) me ad Litur-
giam S. Basilii, in quâ ista verba oc-
currunt, respexisse. Novi equidem
tum

42 *Resp. ad Objectiones Authoris Libri*
tum Epiphanium Diaconum in secun-
da Nicæna Synodo, quo Patribus
Constantinopolitanis contra cultum
imaginum, ne in rei Christianæ detri-
mentum & scandalum introducere-
tur, fortiter dimicantibus, hoc po-
tissimum argumento, Christum nul-
lum alium typum seu imaginem sui
ipsius reliquisse præter Sacramentum
Eucharistiæ, quâ verè repræsentatur,
ac ideò imagines Christi efformari
non oportere, recta iret obviam, ro-
tundè asseruisse, elementa post conse-
crationem non esse ἀντίτυπα, sed ip-
sum verum corpus & sanguinem Chri-
sti, ac proinde verba S. Basilii de ele-
mentis nondum consecratis intellex-
isse, tum Damascenum, alios, præser-
tim Marcum Ephesium & Hieremiam
Patriarcham, qui non nisi post oratio-
nem de invocatione Spiritûs S. mysti-
cum illum ritum peractum & consum-
matum esse acerrimè contendunt,
eiusdem Epiphanii interpretationem
secutos fuisse. Ideo dicebam elemen-
ta consecrata eodem tempore, quo ip-
summet corpus & sanguis Christi di-
cuntur, ἡ ἀντίτυπα τῷ ἀγίῳ σώματι καὶ
αἵματι.

αἱμαλῶς appellari. Neque enim se invicem tollere, sed inter se faciliè conciliari, nec ex asserta veritate corporis Christi, quatenus nudis typis & figuris contradistinguitur, μετέσθωσαν inferri debere, perfunctoriè tantum, & ὡς ἐν παρόδῳ innuebam. Nec putet H. C. se hoc grande Theologiæ Scholasticæ Græcorum arcanum mihi revelasse. Interim an S. Basilius hæc subtilitates in animo versaverit necne, planè incertus, plenissimâ fide mihi constabat, tum ne Græcos quidem superioris ævi talem mutationem in Sacramento, qualem requirit μετέσθωσις, fieri statuisse, quod totius, quam illic ingessi, disputationis de fide Græcorum, scopus clarissimè demonstrat, tum non paucos è Patribus, quod mihi erat cognitissimum, contra quam Synodi Nicenæ secundæ Assesores statuerent, elementa ipsa post consecrationem ἀνιτύπα corporis & sanguinis Christi disertim. & expressissimè nuncupare. Id de Gregorio Nazianzeno S. Basilii συγγράμῳ satis patet; qui oratione undecimâ de sorore Gorgoniâ hæc habet, quod, cum illa

Altari

Altari accedens τῷ παρ' ἐαυτῆς φαρμάκῳ τέτω τὸ σῶμα πᾶν ἐπαλειφῶσα, καὶ εἶπε ᾧ τῷ ἀνιτύπων τῷ τῆς σῶμα αἵματι ἡ χεὶρ ἐνησαύρισεν, τῷ το χαλαμυγνῶσα τοῖς δάκρυσιν, ὡς τῷ θαύματι, ἀπῆλθεν ἐνδὺς αἰδομένη τῆς σὺν ἡρώας, *boc suo Pharmaco* (h. e. quod apud se reservavit) totum corpus perfudisset, & si quid uspiam antityporum pretiosi corporis & sanguinis Christi manus recondiderat, (rem admirandam) statim liberatam se morbo sentiret—An hoc miraculum affrictione & inunctione elementorum non adhuc consecratorum, sed sacris mysteriis tantum destinatorum fieri quispiam crediturus sit S. Gregorium asseruisse? Cui addendus est Theodoretus, qui Dialogo secundo contra istud hæreticum dogma de humana Christi natura in divinam ita absorpta, ut plane cessaret esse: cum id Eranistes, cui inter colloquendum concessum fuerat, panem & vinum post consecrationem appellari corpus & sanguinem Christi, hanc arreptâ occasione animo conceperit se exindè evicturum, ὡς περ τοῖνυν τὰ σύμβολα τῷ δεσποτικῷ σώματι

μαλΘ. καὶ αἵματΘ., ἀλλὰ μὲν εἰςὶ πρὸς τῆς
 Ἱερατικῆς ὀπκλήσεως, μὲν δὲ γὰρ τὴν ὀπ-
 κλησιν μεταβάλλεται καὶ ἕτερα γίνεταί
 ἔσω τὸ δεσπολικὸν σῶμα μὲν τὴν ἀνάληψιν
 εἰς τὴν ἐσῖαν μετεβλήθη τὴν δὲ δειάν. Sicut
 ergo symbola Dominici corporis & san-
 guinis alia sunt ante Sacerdotis invoca-
 tionem, post invocationem verò mutantur
 & alia fiunt : ita Dominicum corpus
 post ascensionem in divinam substantiam
 mutatum est.

Confestim respondit Orthodoxus,
 Ecclesiæ Catholicæ fidem asserturus,
 ἐάλως αἷς ὕφηνες ἀρῶσιν· ἐδὲ γὰρ μὲν τὸν
 ἀγασμὸν πᾶ μύσικθ. σύμβολα τῆς οἰ-
 κείας ἰξίςεται φύσεως· μένει γὰρ ὅπῃ τῆς
 προτέρως ἐσῖας, καὶ τῷ σχήματΘ., καὶ τῷ
 εἶδους, καὶ ὁρατὰ ὅτι καὶ ἀπτά, ὅια καὶ πρὸς
 Ἱερὸν ἦν· νοεῖται ἅπερ ἐν ἡμέλῳ, καὶ πιστεύεται
 καὶ προσκυνεῖται, ὡς ὁκεῖνα ὅτῃα ἅπερ πι-
 στεύεται. Retibus, quæ ipsi texuisti, captus
 es. Neque enim symbola post sanctifica-
 tionem recedunt à sua natura; manent
 enim in priore substantiâ, ac figurâ &
 formâ, & videri tangique possunt sicut
 & prius. Intelliguntur autem ea esse,
 quæ facta sunt, & creduntur & adoran-
 tur, ut quæ illa sunt, quæ creduntur. Quæ
 hic

hic symbola appellat, prius ἀντίτυπα
 Pag 84. appellavit, εἰ τίνων τῶ ὄντι σώ-

ματῶ. ἀντίτυπά ἐστι τὰ θεῖα
 μυστήρια, σῶμα ἃ ἐὰν ἐστὶ καὶ νῦν τῷ θεσπο-
 τῇ τὸ σῶμα, ἐκ εἰς θεότητι φύσιν μέλα-
 βληθέν, ἀλλὰ θείας δόξης ἀνάπλεων.

*Si igitur veri corporis antitypa sunt di-
 vina mysteria, corpus ergo Domini nunc
 quoque corpus est, non in divinitatis natu-
 ram mutatum, sed divinam gloriam repletum.*

Eant nunc & Eranistam orthodoxè
 loqui & Theodoretum doctrinam
 istius ævi Catholicam veteremq; The-
 ologiam, præ æstu disputationis aut
 perperam intelligere, aut malè inter-
 pretari, si placet, credant. Procul
 dubio hujusmodi testimoniis con-
 victus H. C. concedit Synodi Nicænæ
 secundæ Episcopos in hac materia
 facti errasse, tandem aliquando de tota
 re, de qua illic & hic disputatum fue-
 rit, concessurus, ni horrendum istud
 μαρμολυκεῖον, Ecclesiæ præsentis infal-
 libilis, uti fertur, autoritas obstat.
 Sed nolo in hoc vastum & ferè immen-
 sum controversiarum pelagus memet
 immergere, bonas horas melius & uti-
 lius collocaturus. Quicquid senserint
 isti

isti Nicæni περὶ τοῦ ἀντιτύπου, licetque concederetur Patres pristinos corpus Christi in Sacramento Eucharistiæ agnovisse, quod vult H. C. tamen ex vero istius vocis ἀντίτυπα sensu, quem argumenti materia interdum ita restringit, ut omni destituatur ambiguitate, certissimè constat, nihil aliud quam symbolum, imaginem, signum intelligi posse; & Gregorii Nazianzeni & Theodoreti hac voce utentium sententiam tantum abesse, ut ad favendum dogmati Transubstantiationis absque manifestâ injuria detorqueri possit, ut id penitus evertat.

Brevis & succineta Narratio

DE

Vitâ, Studiis, Gestis, & Martyrio

CYRILLI LUCARII

PATRIARCHÆ

Constantinopolitani.

Narratio



*Narratio de Vita, Studiis, Gestis,
& Martyrio Cyrilli Lucarii.*



Cyrillus Lucaris in
Cretæ Maris Medi-
terranei insulæ prin-
cipe Urbe natus
perhibetur, cui, cum
tota Græcia cum
circumvicinis ferè
omnibus Insulis

Turcicâ barbarie inundaretur, & Ot-
tomanorum tyrannidi & armis ces-
sisset, per tot sæcula altâ pace frui fe-
licissimè contigerat; prudentiâ & in-
victâ fortitudine Venetorum, qui Pro-
vinciam illam, Reipublicæ imperio as-
sertam, summâ moderatione acquissi-
misque legibus administrarent, ut mi-
nus beatè olim sub propriis Impera-
toribus viveretur. Insulanî, sui juris ac

nullius libidini & arbitrio subditi, ritus sacri cultûs juxta Ecclesiæ Græcæ instituta, ab omni molestiâ & fastidio securi, retinuêre, nec à quoquam vis aliqua adhibebatur, quo minus integrâ religionis exercendæ facultate, ut in ipsâ Græciâ nondum captivâ, uti liceret. Tantæ & cæteris Græcis invidendæ felicitatis sensu tacti, omni studio fategerunt palam facere, se neq; ingratos neq; beneficii immemores fore. Inde ex libertate crevêre vis & robur animi, incorrupta fides, debitumque erga Principes suos obsequium & qui libertatis perpetuus comes est, Artium Scientiarumque amor. Si quæ semina virtutum aut doctrinæ mentibus juvenum enata prorupissent, arte & disciplinâ ea sedulò fovebant, donec ad bonam frugem maturuerint: & cum jam mera barbaries ipsas Athenas occupasset, ad capiendum ingenii cultum, Venetias & Patavium missi sunt, studiis politioris literaturæ & Philosophiæ sub Magistris & Professoribus, quos serenissima Respublica liberalibus stipendiis aluit, solidius & severius instituendi. Huc se ferre solebat

solebat studiosa juvenus, tanquam ad alteram parentem almamque ingeniorum nutricem, nec Athenas in Venetiis desiderarunt. Inter hos Cyrillus noster, tam ab ipsis parentibus, quam proprio, quo ferebatur, mentis impetu, literis destinatus, hic loci optimum nactus est Præceptorem, sub cujus tutelâ & magisterio tyrocinium deposuit, Maximum Margunium, Cythororum postea Episcopum, non vulgaris doctrinæ virum, quod tractatus iste Græcè olim Londini 1624. de processione Spiritus S. editus testatur. Cyrillus verò, peractis, quibus imbui solet juvenus, studiis, jam à longo frequentique usu & exercitatione, linguarum Italicæ & Latinæ apprime gnarus, pro innato animi, qui jam ad longè majora adspirabat, æstu, Italiam, quam totam peragraverat, relinquens, ad cæteras Europæ regiones invensendas, tum famâ literarum & religionis reformatæ, tum peregrinandi amore accitus, properabat, eo potissimum fine, ut uberiori doctrinâ, maturiori judicio, & certâ rerum experientiâ, optimâ illâ Prudentiæ Magistrâ,

quæ nunquam fallit, instructus; tandem redux, quibuscunque subsidiis & quantis posset viribus, miserrimum in modum afflictæ & laboranti Patriæ succurreret.

Ideo omnia curiosis oculis rimatus est, & quâ pollebat sagacitate sedulâ & fideli mentis applicatione in profunda rerum penetravit, nec se meris titulis aut nominum pompâ à recto abduci passus, dogmatum Theologicorum, de quibus tantâ cum acritate à diversæ Communionis hominibus disputatum erat, veritatem momentis rationis expendebat, ut hoc pacto Theologiam exactius calleret, & nervosius tractaret. Hic enim videtur si non unicus, saltem præcipuus disquisitionis ipsius scopus: nec talem animum rei tam sanctæ intentum, neque ejusmodi laboriosam investigationem destituit eventus. Hunc enim fructum capiebat tum è libris, quos diligentè versabat, tum è conversatione familiari, quam habuit cum Theologis aliisque reformatæ religionis, ut Romanæ Ecclesiæ placita, de quibus non adeò bene sentiebat, cultûsque
sacri,

facri, inductis tot superstitiosis ritibus, ad pompam & splendorem plurimum, ad pietatem ingenerandam parum aut nihil facientibus, deformationem, indies ab illo tempore magis magisque fastidire & odisse inciperet, simulque tenerrimo affectu miserescere fortis contribulium suorum, qui longâ servitute oppressi, hac ex parte quoque laborarent, nec sibi de erroribus & abusibus, qui sensim obrepant, tollendis, in ista fatali rerum vicissitudine, subsidiis quibusque, quæ mens libera, bonis literis adjuncta, utpote in investigandâ veritate alacrior, suppeditare solet, destituti, prospexissent. Non jam mirari subit, si hac mente veri cupidâ præditus, reformatas Ecclesias, à quibus neutiquam alienus discessit, propter veritatem ab offuciis errorum purgatam, postea in Patriam reversus, quo ætate, quæ judicium firmat, magis proveheretur, majori in veneratione habuerit. Hisce dotibus, quas sancti mores pulcherri-
mè ornabant, omnium in se oculos convertibat, bonâ spe hinc conceptâ, quam magnus & qualis futurus esset,

& quam ingens labantis Patriæ columen. Nec diu latere poterat Meletium Pegam, genere quoque Cretensem, ad Patriarchalem Alexandriæ dignitatem postea promotum, qui juvenem eruditum, pium, industrium summo favore, humanitate, gratiâ, amore, prout par erat, excepit, inque ipsius familiam, quo de illo melius, prout res tulerint, mereretur, cooptavit. Ab illo in ordine Sacerdotali constitutus erat Cyrillus, & post factus Archimandrita. De Meletio pauca interferere omnino oportet. Ille quoque per multos annos in Italia studiis Theologicis occupatus, artibus & scientiis Latinorum Græcum ingenium temperavit: sed tantum abfuit, ut argutiis Scholasticorum tanquam victus, propius accederet ad fidem Romanensium, ut inde illa ipsi fastidio planè esse cœperit, quod simultatibus præjudiciisque gravioribus auctum, relicta Italiâ, per totum vitæ curriculum retinuit altâ mente repositum; utpote, qui sive invidiâ sive veritatis amore accensus, in Romanam Ecclesiam acerrimis censuris invehi nunquam

quam cessaverit*. Illum tamē summe eruditum & subacti iudicii fuisse ne Adversarii quidem, placido ore & absque omni bile sententiam prolaturi, negaverint: at si per æstum & indignationem Virum, quem tantopere oderint, iustis suffragiis cohonestare nolint, id evictissimum dabunt libri multiplici eruditione referti, ut liber ille contra Judæos primū Latinè, deinde Græcè & postea Leopoli A. C. 1593. Græco-Ruthenicè editus; dialogus, cui titulus, Ὁρθόδοξος Χριστιανὸς Vilnæ 1596. tractatus in Ogdoade Scriptorum Græcorum Londini 1624. 4^o. Epistolæ variæ tam linguâ Latinâ quam Græca conscriptæ, ut illa †, quam ad Janum Douzam A. C.

* V. hujus laudes apud Georgium Douzam in Itinerario Constantinopolitano, pag. 42. 45, &c.

† Pag. 112.

1597. tunc temporis Constantinopoli degens scripsit, & * altera, quam ad Sigismundum Regem Poloniae Cyrillo nostro transmittendam curaverat: in qua adversus œcumenicam Pontificis Romani potestatem

* Apud Regenvolscium in systemate Historico-Chronologico Ecclesiarum Sclavonicarum. Trajecti ad Rhenum 1652. p. 467.

solidè

Constantinus dux Ostroviensis idemq;
Palatinus Kioviensis, (cujus piâ munificentiâ Sacro-Sancti utriusque Instrumenti codices exstant Ruthenicis characteribus, & linguâ, A.C. 1581. impressi) cæterique Græcæ Ecclesiæ fautores, è quâ fidem Christianam illorum majores acceperant, protestatione se de submissione istâ neque scivisse, neque consensisse interpositâ, sese strenuè opposuerunt. Legatis, quos Roma omni blanditiarum genere complexa est, & facile concessâ, quam petiverant, gratiâ, benignissimè dimisit, reversis, indicebatur Synodus Ecclesiastica Brestæ mense Octobri 1596. celebranda, ut totum hoc negotium unionis consummandæ, ab ipso Rege tantopere expetitæ, tandem ad optatum finem perduceretur. Quod ut facilius daret effectum, tres maximî nominis viros, Nicolaum Christophorum Radzvilium Ducem Olicensem una cum Cancellario & Thesaurario Ducatûs Lithuanix autoritate suâ, ut ejus vice coram essent, munivit. Hic quoque comparebant Dux Ostroviensis, Episcopi ex altera parte, Archimandrita,

mandritæ, aliique, quibus firmissimè constitutum erat, Græcæ Ecclesiæ, exemplo majorum, adhærere. Illis vero conventus suos seorsim agere placuit, tandemque concertationibus frustra adhibitis, publico instrumento, propositæ Unioni renunciare. Inter hos nomen suum professus est Cyrillus, qui

Pag. 470.

tunc temporis Vilnæ operam, si Regensvolcio fides, juvenibus Græcâ linguâ instituendis navavit. Post cum res quasi in præcipiti steterint, & de Græcæ communionis sequacibus penè actum videretur, quo sibi & fortunis vitisque suorum melius irent prospectum, convenerunt una cum illis Vilnæ 1599. multi ex Protestantibus de unione in rebus quoque, quæ ad religionem spectant, si quo modo fieri potuisset paciscendâ. Sed frustra cessere ista pacifica concilia: spem enim omnem primum præripiebat Lithuanorum pervicacia, qui tandem molliores facti, frequenti consultatione habitâ, se concordia Ecclesiasticæ satis cupidos ostenderunt; sed cum illis incommodum videretur in rebus ejusmodi quicquam,

quam, inconsultis Patriarchis Constantinopolitano & Alexandrino, statuere, ab hisce disceptationibus cessatum est, & sanctum istud negotium Communionis inter Græcos & Evangelicos arctius stabiliendæ, unde ingens emolumentum in rem Christianam accrevisset, in nihilum planè abiit.

Circa hoc tempus Sigismundi pro ingenti, quo inflammatus erat, propagandi Romanæ Ecclesiæ doctrinam desiderio, edicto cautum erat quam severissime, ut * nemo ex-
 terus quanta libet ipsius
 ditionis regiones, nisi veniâ
 prius impetratâ, ingredi
 auderet: ab his enim advenis valde metuebatur, ne Græcanica religio, quam diminutam & excisam cupiebat, latius serperet & diffunderetur. Cum verò compertum habuerit, quantæ authoritatis apud universam Græcorum gentem esset Meletius, ad illum literas scribere dignatus est, consulens, ut Romanum Pontificem agnoscat & reve-
 reatur, tanquam supremum Ecclesiæ Christianæ caput & Monarcham. Responsorias in Ægypto scriptas A. C.

* V. Literas
 Meletii apud
 Regenv. P.
 467.

1600. omni obsequio, quod augustum illud nomen meritò exigebat, plenas, commisit Patriarcha fidei & curæ Cyrilli, quem, utpote negotio quo de agebatur, parem, ipsius Exarchum constituerat, & Regi hisce in literis tum ob probitatem, tam ob eruditionem maximè commendatum voluit. En ipsa verba Meletii, à tuâ verò clementiâ hoc quidem tempore petimus, ut reverendum Patrem Cyrillum Lucari, Exarchum hujus Apostolicæ Sedis, & filium nostrum, favore Regio dignetur, hominem & probitate & eruditione, Regio favore dignissimum.

Sed non Unitis grande periculum jam, ut olim, impendebat, quod ausi sint Regis consiliis contra ire, & in externos animadvertebatur*. Nicephorus sedis Constantinopolitanæ Exarchus captus, gulâ fractus miserè periit. Prudentiâ & dissimulatione non nisi difficultè admodum evasit Cyrillus, easdem poenas aliter capite luiturus. Cum enim partibus Unitorum, jam gratiâ & præsidio regali fultorum, obniti summæ temeritatis

* V. Hottin-
geri Analec-
ta in appen-
dice, p. 553.
544.

meritatis esse videretur, probe quoque
consciis, ex afflicto suorum statu, re-
sponsum Meletii ad Theologos Pro-
testantes, illum de ineunda pace Ec-
clesiasticâ consulentes, Regi maxi-
mopere displicentiam, eam penitus
supprimere consultius existimavit: &
metu mortis tempori cedens, animo,
prout conjectari licet, dejectus, quo
se à periculo, quod capiti immine-
bat, expeditius eriperet, literis, quas
reliquit apud Archiepiscopum Leo-
poliensem istâ urbe mense Januario
1601. scriptis, confessionem fidei Ro-

manæ conformem protu-
lit. Quod * sola fide Scar-
gæ dictum volo, nisi fortè

* Apud Re-
genv. p. 479.

quispiam dixerit, illum ex odio Cy-
rilli ad infamiam ipsi conflandam, &
in opprobrium causæ, quam adeò tur-
piter deseruit, hæc effinxisse. Esto,
vitio humanæ infirmitatis cecidit Cy-
rillus, quod tandem mente obfirma-
tior, posthabitis spretisque imperter-
ritâ mente minis, vita & sanguine re-
demit, nullis periculis, machinis nul-
lis expugnandus, propositi sui usque
ad extremum halitum tenacissimus.

Ad suos reversus magis magisque
inclaruit,

inclaruit, tum ob mentis inquietæ & ad ardua quæque enixissime contendens ardorem, non deliciis, non torpore aut otio ignobili extinguendum, tum ob prudentiam, quam tot itineribus repetitis confectisque, tot periculis, tantisque negotiis defunctus acquisiverit; cum res quoque Christianorum alicubi terrarum & in Oriente potissimum illi essent cognitissimæ, omnium consentiente iudicio dignus habebatur longè excelsiori dignitatis Ecclesiasticæ gradu, in quo tanquam in amplo Theatro cumulatae dotes solertis ingenii & sapientiæ latius explicarentur. Vota & desideria adeò auspicato emissa non sine ingenti gaudio tandem rata vident amici, quorum junctis operis, Meletio fatis functo, quem pietate, eruditione, zelo, ac studio procurandæ pacis publicæ æmulatus est, ad Thronum Alexandrinum evehitur. De illius gestis in Ægypto, cum nulla monumenta superint quibus ejusmodi notitia haurienda est, nihil habeo enarrandum. Pauca hæc delibare sufficit præfationis quasi vice, antequam de eo, cum solium Patriarchale Constantino-

tino:

tinopolitanum infedisset, verba sim facturus. Credibile tamen est, nec ulla-tenus dubitandum, Ecclesiam quaqua per Ægyptum sparsam, quæ Græcis sacrorum communione conjungebatur, illius curâ, quantum passa est vesana Mohammedanorum in Christianos insultantium impietas, floruisse, illumque per novemdecim annos † (eo usque enim illius Ecclesiæ clavum tenuit,) sanctum illud ac arduum munus optimè sustinuisse. Frequenti usu venit, ut cæteri Patriarchæ, tum ob honorem primæ sedis debitum, tum casuum, qui sub tyrannide Turcarum crebro contingunt, varietate adacti, Constantinopolim subinde petant, in commune totius Ecclesiæ Orientalis commodum unâ consultaturi. Hac de causa, cum Cyrillus A. C. 1612. Constantinopoli adesset, lites illæ agitari cœperant, quæ non nisi cum vita ipsius finem essent habituræ. * Feriis enim

† Hotting. p. 555. ex Antonio Legero, qui, dum Constantinopoli ageret, arctissimam cum Cyrillo Patriarcha coluit amicitiam, illoq; usus est perquam familiariter.

* Ex Literis D. Pauli Pindari Equitis Aurati tunc temporis Serenissimi Regis Jacobi primi apud Portam Ottomanicam Legati.

quadregesimalibus, cum Kalogerus quidam è Neapoli oriundus, Jesuitarum, quibuscum familiare ac pene quotidianum exercuit commercium, artibus instigatus, maloque animo erga patria instituta propensus, concione habita, multa, quæ Romanensium doctrinæ faverent, effræni audaciâ effundisset, animique Græcorum hisce novitatibus distraherentur; facile subodoratus Cyrillus Græcam Ecclesiam non diu permansuram & integram fore, nisi his versutiis illam pessundaturis maturè occurreretur, totis viribus, quas Pietas in patriam Religionem, quas zelus submittit in subsidium bonæ causæ, collectis, ad hosce conatus oppugnandum sese accinxit. Non ignoravit, quales quantosque Adversarios, qui ingentibus Patrociniis in ipsa Constantinopoli securi, & doctrinæ, ingenii, eloquentiæ pariter ac nummorum copiis nimium quam fidentes, res Græcorum hætenus quietas commiscere moliebantur, quasi de paupere & afflictâ Græciâ faciles triumphos acturi, esset habiturus. Quos tamen sibi neutiquam terrori esse ostendit:

ostendit: sed vis animi eò fortius & violentius erupit, nec sivit illum interquiescere, donec repressâ hâc insolentia lites istæ sopirentur. Cum autem jam pro comperto haberet, ab hisce subdolis hostibus Græciam selectâ Græcorum manu debellaturis Ecclesiæ ruinam impendere, à Jesuitis, quos ab hoc tempore penè execratus est tanquam pacis Christianæ in ipsa Turcia perturbatores, maximè cavit, iisdemque bellum ἀσπονδον indixit, cum ipsis nunquam in gratiam rediturus.

Vertente anno aut paulo serius, (neque enim minutias temporum expendere jam vacat) Neophytus Patriarcha Constantipolitanus Sedi ante quinque annos denuò restitutus, ab Achmete Imperatore, qui imperium capeffivit A. C. 1604. pulsus, in insulam Rhodum relegatur in exilium; quo absente Cyrillus Patriarcha Alexandrinus, utpote gradu & dignitate proximus, ἐκὰς διαβεβηλεγµένως, ut loquitur † Philippus Cyprius, h.e. junctis Episcoporum suffragiis summam

† Chronico
Ecclesiæ Græ-
cæ, p. 16.

regendæ Ecclesiæ Orientalis potestatem
& curam sibi habuit concreditam, quod
jus quoque ejus antecessor Meletius se-
de vacante pridem obtinuerat, ὁπλη-

ρητῆς τῆς Δεῶνς ἡγουμένης,
V. Douze vel ὁπληρητῆς Κωνσταντινουπό-
litan. p. 122. λεῖς, (quo titulo ille usus

est) donec sufficeretur novus, aut
exauctoratus pristinâ dignitate, quâ
exciderat, ex gratia Imperatoris re-
donaretur; quod non illi iterum con-
tingebat. Mortuo Neophyto de sub-
rogando Successore consulitur. Dolen-
dum est sæpenumero id usu venire, ut
litibus ex invidia, ambitione, cæteris-
que malis affectibus ortis, Metropolitæ
reliquique Episcopi, penes quos, Im-
peratoris permissu, indicto Ecclesiasti-
co conventu, Patriarcham eligendi fa-
cultas est, inter se quam indecore
committantur, inque diversas abeant
factiones. Quod fit maximo cum
gaudio & risu Infidelium, qui pecuniæ
qualicunque prætextu & quocunque
modo corradendæ avidissimi, inde an-
sam expilandi Græcos captant. Vizi-
rius enim cæterique Bassæ, quorum
gratiam utraque pars contendentium
aucupatur

aucupatur, non sine cumulatis muneribus adeundi sunt. Accedit etiam, quod nemini quidem, quanquam unanimi omnium consensu eligeretur, neque quispiam repertus fuerit, qui ambitu intervenisset indeptâ dignitate frui aut quicquam Patriarchicæ potestatis ex jure debitæ exercere liceat, nisi electionem, utut maxime legitimam canonicamque, ratam esse jubeat Imperator. Quod si vero ille quempiam ex ordine infimo, tantæ dignitati imparem plane & ineptum, ex mero arbitrio aut animi lascivientis motu, quasi ludens, aut ex consilio Bassarum commendaverit, invitis licet suffragiis cooptandus est, nec dedecus hoc & dehonestamentum à se amoliri possunt.

Aliquanto post captam Urbem tempore, Græci hac ex parte sui juris esse videbantur, neque in rebus hujusmodi Ecclesiasticis sese immiscuere Turcæ, donec * Trapezuntii mille aureos Imperatori obtulissent in gratiam cujusdam Monachi Symeonis, ex eadem urbe prognati, ut aliqualis

* V. Historiam Politic. in Turco-Græcia, p. 22.

honor in Patriam redundaret, modo ad istud fastigium eveheretur. Illico duplicata summa eo usque eundo crevit ex avaritia & rapacitate Quæstorum publicos redditus procurantium, ut dudum in Legem transferit, neminem, nisi munere amplo, & quod dignitati Regiæ aliquatenus respondeat, prius exhibito, in Pontificatu isto inaugurandum fore. Ita mali homines impiis largitionibus sibi posterisque servitutem adscivêrunt, eo magis magisque dolendam, quod post se trahat mala, quæ Græcanica Ecclesia in omne ævum luitura est. Quo quisque enim profligatissimus magis opibus abundat, eo causâ superior evadit, Ecclesiæ & conscientiæ pacem titulorum splendori affectatâ ambitione posthabiturus.

Omnes boni cupiebant totius Ecclesiæ curam, quam pro tempore precario & per modum delegationis summâ laude administraverit Cyrillus, in illum tandem plenario jure collatum iri: sed ille amicorum, qui id strenuè egerunt, postulatis intercedens, dignitatem istam sub iniquissimis conditionibus, hoc est, aucto muneris pretio &

& *περοεσίς* sive annuæ pensionis tributo, comparare noluit. Non defuere invidi, quorum oculos tantæ integritatis splendor præstrinxerat, malè conscii se vix tutos fore, nec impunè laturos, quod nuperis novitatibus studuissent, qui pervicacissimè refragarentur. Horum ope apud Turcas, qui rem pecuniariam maximè curant, adjutus, veterum Patrarum Episcopus Timotheus, Patriarchale solium planè ἐνθρόνισεν ascendit, pactum illud, dato pignore, ex integro præstiturus. Hac re tam prosperè gestâ, dum ille, dum alii, quos habuit fautores, sese efferunt, lætantur, triumphant; cæteri, quibus hæc infamis & turpis Simonia displicuerat, dolent, horrent, execrantur. Hæc dissimulavit Allatius, vir cætera maximus, & de Græcis literis præclare meritus, sed præter omne jus fasque partium studio nimirum quantum addictus, qui implacabili odio adversus Cyrillum agitatus, inanes rumusculos; meras fabulas, calidissima quæque mendacia, & calumnias nullâ veri specie subnixas, pro oraculis venditare

V. Hotting.

P. 555.

solet: eo quidem lubentius ac avidius, quo uberiores calumniandi materiem suppeditent, ejusque memoriam nigrioribus maculis inurant.

Ingenti hac licitatione Turcis charus redditus Timotheus, illorumque praesidio fretus, in quoscunque, qui aut consilio aut opera impedimento, quantum in ipsis, fuerint, quo minus supremæ hujus dignitatis potiretur, impotenti astu animi animadvertit, his aut fugatis, aut in ordinem redactis; Cyrillo maximè infensus, quasi cum ipso de Patriarchatu contendere auso, cui jam non ultra licuit Constantinopoli vitam incolumem agere. Ideo variorum itinerum anfractu tandem ad suos revertitur Alexandrinos. Timotheus, cui nihil jam ex Adversariorum prostratis viribus erat metuendum, per octennium & quod excurrit, summâ pace & otio fruitur; nisi de hoc uno fortasse aliquantisper sollicitus, quomodo ingens illud æs alienum, quod contraxerat, Turcis efflagitantibus, nec tamen differendis, dissolvi posset. Tandem ætate confectus fato omnium hominum communi cedit.

cedit. Sed quid non fingit mens exulcerata, & ad maledicendum propendens, quo vindictam & odium exerat fortius. Non puduit * Al-
latium famæ mendaci, quæ
incautum credulumq; vul-
gus non raro decipit, sapi-
entes verò rarissimè, fidem
adhibere; Patriarcham ad mensam
Batavici Oratoris adhibitum ferale
istud poculum exhausisse, & ne virus
illud exitiale in venis diffusum tor-
pesceret, Pharmacis potentiori veneno
infectis, Medico ad id sceleris exequen-
dum mille aureis conducto, mortem
acceleratam fuisse.

* De Ecclesiæ
Occident. at-
que Orienta-
lis perpetuâ
consensione,
p. 1074.

Jura hospitalitatis tam horrendo
scelere pollui, aut his impiis artibus
patere mentem ingenuæ simplicitatis
amantem & dissimulandi nesciam, qua-
lem præ se fert Batavorum gens, &
mores naturâ insitos, & apertissimam
humanitatem, quæ amicos hilariter
quidem sine omni malo dolo tractare
solet, exuere, re melius perspectâ, penè
tædebat dixisse. Sed post epulas Fos-
phatus Archimandrita Andrius venenum
propinaverat, in hujus sceleris quasi
mercedem

mercedem & pretium Archiepiscopatu Chalcedonensi donandus à Cyrillo, qui licet isto tempore procul abesset in Ægypto, in partem trahendus est. Quale hoc commentum & quam absurdum, quod aliis se mutuo tollentibus suffulcitur! Cyrillum gratiam malè referentem & omnis consilii stupidissimè expertem illum, cujus malo ministerio usus fuerat, novâ hac dignitate spoliatum, satellitibus Turcicis gutture prius eliso in mare demergendum dedisse, & impium istum hominem, quem mala mens exagitaverat, totam rem aperuisse. Quibus vero! num illis ipsis Græculis, quibuscum confabulatus est Allatius? cujus vindicta nullos noverat fines quin in mortuum inhumanissime sævire usque gestiebat, hoc unicum magno cum molimine agens, ut Cyrillus, quem falsissimis spurcissimisque proscindit convitiis, omni pudore, fide, humanitate, religione vacuus, & sceleratissimus habeatur.

Cyrillus consentiente Antistitem cæterorumque, ad quos jus eligendi, pro more, qui dudum obtinuerat, quoquo

quoquo modo spectat, suffragio 5
 die Novembris A. C. 1621. renun-
 ciatur Patriarcha, freudentibus licet
 Græcis, qui steterant à partibus Ro-
 manensium, maxime verò Jesuitis,
 aliisque religiosi, ut vocant, instituti
 zelotis, qui non contenti res suas &
 suorum sub præsidio Legatorum ejus-
 dem Communions securè procurare,
 pro innata, quam acuebat zelus, do-
 minandi libidine alienam Provinciam,
 animo quidem res Græcorum inter-
 turbandi, invadebant. Malum hoc
 omen jam cessaturæ, quæ sese in gen-
 tem obnoxiam, & speciosis fictæ hu-
 manitatis & amicitiae officiis facilè
 deludendam, gratiæ, & moliminis sub-
 dendi Græciam ruituri videbatur iis
 qui facili fide metuebant, Cyrillum,
 cui inerat invictum mentis cedere
 nesciæ robur, follers ingenium, inde-
 fessa industria & acerrimum vindi-
 candæ avitæ religionis studium contra
 quascunque molitiones, quod antea
 satis experti sunt, non sibi defuturum;
 & quo majori apud suos polleret au-
 thoritate, eo magis sedulò curaturum,
 ut sublati, qui sensim gliscente super-
 stitione

stitutione obreperant, nævis, pristinus Ecclesiæ decor restitueretur. Ex metu odium, ex odio enascebantur conspirationes summa arte & ingenio elaboratæ, adversus Cyrillum de fama, de dignitate, de vita jam ab hoc ipso tempore periclitaturum, ut non ad dignitatem novam, sed ad novos labores, quibuscum deinceps confligendum erat, assumptus videretur. Cum enim id haberent perspectum, se adulatoriis artibus, simulatæ & infidiatricis amicitia specie & aucupio commodi inde percipiendi, parum aut nihil proficere, omnibus modis illum pessundare sategerunt, iis quidem, ut justa metuendi plane subesset causa, ne Christianum nomen in Oriente extinctum penitus excidisset: nec cessatum erat, donec illorum operâ & importunâ delatione, quâ nihil ad illum perdendum potuit excogitari efficacius, suspectæ & dubiæ fidei Turcis nimium credulis, istud crimen implacabiliter ulciscantibus, redditus, obstinationem cruentâ morte luisset.

Horum motuum initia & progressum, saltem per quinque aut sex priores

priores Cyrilliani Patriarchatûs annos enarrabo, non tam ex historiola omni fide dignâ, quam ab oculato teste Galatæ 1628. scriptam edidit D. Rivetus 1633. cujus veritatem frustra vellicat Allatius, quam ex chartis D. Thomæ Rowæi Equitis Aurati tunc temporis Serenissimi Britanniarum Regis ad Portam Oratoris ordinarii, qui rem istam continuâ serie, & quidem longe cumulatius, multis, quæ istum Authorem latuisse videntur, additis, optimâ fide contexuit. Eas, quas in Musæo nobilissimi Viri D. Guilielmi comitis Denbighiæ reperi, jam in compendium redigam, integras tandem aliquando in publicam lucem daturus.

Hujus vero illustris Viri hoc qualequale breve elogium, suis meritis longe inferius, ut hic interponam, & pietas & gratitudo à me exigunt duplici ex causa, tum, quæ mihi cum cæteris, qui illius thesauro literario uti norunt, ob codices Græcos & Arabicos manuscriptos quantivis pretii, quos redux in Angliam Bibliothecæ nostræ Oxoniensi dono dedit, tum, quæ me propius

propius tangit, ob operam fidelissimè
& strenuè admodum Constantinopoli
navatam, cujus non mediocre sub-
sidium & momentum ad hunc diem
usque, quotquot ibi degunt, experi-
untur. Vir erat subacti in rebus Po-
liticis judicii, quod eruditio, studium,
diligens rerum observatio & usus, va-
riæque legationes in Germania, India
& Turcia summa cum laude obitæ
consummaverant; literis etiam huma-
nioribus insignis & ingenio florentissi-
mus, sed quem multo spectabiliorem
eddebant sancti mores & incorrupta
fides; animi quoq; imperterriti, & qui
nunquam passus est dignitatem, quam
sustinuit, vel apud barbaras gentes
vilescere; in legatione Turcica post
varias cum periculo capitis, prudenti-
tamen summa administratas concer-
tationes, hoc tandem consecutus, ut
sacrum illud jus Legatorum, quod ar-
rogantissimi mortalium Vizirii ante
per multos annos conculcaverant, ab
omni violentia immune & integrum
servetur, & commercium mercato-
rium, quod admodum nutavit, erat-
que continuis Bassarum rapinis ob-
noxium,

noxium, novis privilegiis & sanctionibus Imperatoriis muniatur, & denique qui de Græca Ecclesia, ne malis quorundam artibus, quod unice vellent, excinderetur, optimè meritus est, nec de hac sola, sed de universo orbe Christiano, cujus paci & commodo prudentissimè ierat consultum, quod literis ad ipsum datis, quas vidi, generosè admodum & gratanter agnovit serenissimus Polonorum Rex Sigismundus.

Cyrillus in hoc fastigio positus, nihil prius habuit, quam universæ, cui præerat, Ecclesiæ prodesse, & rem Christianam sub Turcica tyrannide ubilibet oppressam prudentissimis consiliis sanctisque laboribus promovere. Interim invidiâ turgebant & ringebantur οἱ ἐξ ἐναντίας: tum Græci, quorum ignaviam & imperitiam ipsis tanti nominis splendorem ferre neuti-quam valentibus exprobrasse videbatur, tum Jesuitæ qui ex hisce initiis edocti, se suasque res, quas dudum in Oriente moliti sunt, vix in tuto fore, simultatibus, quas clam in pectore à longo tempore aluerant, in contumelias apertum-

apertumque odium erumpentibus, favore & patrocinio Gallici Oratoris illum submovere, inque ejus locum Gregorium Amasiæ Antistitem, qui agnitâ Pontificis Romani potestate, ab illorum arbitrio penderet, substituere junctis consiliis operisque annisi sunt. Doluit illis Cyrillum cum Legatis Anglico & Hollandico arctam necessitudinem coluisse, mutux charitatis & fraterni amoris officiis hinc inde redditis, qui eo magis exacerbati, & zelum Religionis tuendæ malignitati prætexentes, infami Hæreses ex familiari eorundem conversatione contractæ notatum tollendi speciosiore ansum captant. Quod cum per totam Urbem innotuerit, (neque enim res jam clanculum agebatur) quo sese & pacem Ecclesiæ contra hosce audaces perniciososque insultus tueretur Cyrillus, assistentibus quatuor Archiepiscopis cum reliquo Clero, quem pro more solenni in Ecclesia magna congregaverat, in Gregorium irreligiosi ambitus manifestum & ritè damnatum, excommunicationis sententiam tulit. Hæc censurâ ad incitas quasi redacti, & ab ipsa

ipfa desperatione consilium fumentes, facinus horrendum & Christianis maximè propudiosum aggrediuntur. Coram Vizirio, quem muneribus corrumperant, sistitur Cyrillus, à submissis delatoribus læsæ Majestatis postulandus, quod jamjam illius consilio insulæ cujusdam sitæ in mari Ægæo incolæ sese in fidem & clientelam magni Ducis Hetruriæ, cujus triremes, frustra reluctantibus Turcis, insulas illic sparsas, maritimásque oras infestabant, essent tradituri. Hâc criminatione obrutus, frustra innocentiam suam coram iniquissimo Judice obtestatur Cyrillus, frustra testes in examen vocandos adjurat, frustra de ficti criminis falsitate importunis lamentis conqueritur: nil profunt preces, exceptiones legitimæ, argumenta, Apologiæ; tanquam reus capitur, & à dignitate Patriarchali pulsus, jubente Vizirio, qui tum omnia potuit, (rebus miserè turbatis ob infelicissimum expeditionis Polonicæ sub Osmane Imperatore susceptæ, qui isto anno Prætorianorum tumultuantium seditionibus amotus, inque carcerem septem Turres dictum

80 *Narratio de Vita, Studiis, Gestis,*
trusus elisis faucibus strangulabatur,
eventum,) mox Rhodum deportatur.

Jam Gregorio anathemate percusso, si per conscientiam liceat, licet per Vizirium solium vacuum occupare, modò ingentem summam viginti mille thalerorum pro stipulatione initâ soluturus sit. Græci verò, mussitationibus jam in acres queremonias & convitia conversis, grave hoc onus, cui planè succubuère, sibi irrogatum iri ægerrimè ferentes, detrectant quippiam ex privato peculio conferre, quo Turcarum rapacitati satisfiat: nullisque pecuniis, quas avidissimè expectarunt, Româ in subsidium allatis, facile persuasum erat Gregorio, postquam per decem septimanas sese pro Patriarcha ostentasset, ne perpetuo carcere aut morte, quasi Regium Fiscum defraudaturus, malè mulctaretur, locum cedere commodè intervenienti Anthimo Episcopo Hadriano-politano, (ille enim inter egestatem & sordes Græcorum opes non modicas coacervavit) quem repetitis importunitisque precibus urserunt ad oblatam dignitatem amplectendam. Ambitioni
velifi-

velificaturus miser iste opes profundit, numeratâ Exactoribus Turcicis pecuniâ, jamque in Thronum adscitus, quicquid erat reliqui, à Græcis suis, assignatâ pro libitu proportionem, vi extorquet, armato Milite, si opus fuerit, muniendus.

Hujus victoriæ fama, quæ Romam citò advolaverat, omni cum lætitia excipiebatur. Summis laudibus ad coelum usque quisque efferebat Comitum de Cesi, cujus heroicis virtutibus acrique promovendæ Catholicæ Religionis studio effectum erat, ut Græcia, quæ hætenus schismatis foverendi amore obstinatissima perstiterat, jam quasi agnito errore victa & triumphata manus supplices æternæ Urbi porrectura videretur. Tanti nempe erat exulasse Cyrillum, ut hac de causa ab Urbano octavo in ipsis Pontificatûs initiis, * literis biennio post hoc egregium facinus peractum Româ

* Quid autem Constantinopoli egeris, jam pridem plaudens laudibus pietatis tuæ Romana Ecclesia audivit. Filium illum tenebrarum & inferni athletam, Pseudo-Patriarcham, scimus quæ calamitates perculerint, quantumque hæresi vulnus inflictum sit, dum venerabilem Patrem Antimum isti Ecclesiæ præfici curasti. V. ad finem Codini, de Officiis & Officialibus Curie & Ecclesiæ Constantinopolitanæ, Paris. 1648.

Constantinopolim missis, gratulationem & Apostolicam benedictionem meruerit Legatus ille Gallicus, in quibus in Cyrillum jure sedis olim æmulum Patriarcham, & τὰ ἴσα πρεσβεία obtinentem, acerbissimâ & maximè indecorâ indignatione invehitur.

Sed spes istæ, quas læti conceperant, in irritum celsère, plaususque & triumphus, quos perpetuos fore somniarunt, alternantibus Providentiæ vicibus, quasi ex improvise evanescere. Illustri enim Rowæus serenissimi Regis Jacobi, quem hac de re consuluerat, jussu opportunus advenit, & laboranti Ecclesiæ Græcæ & pene exspiraturæ succurrit, violentiam Legati Gallici, quem, licet ingenio præfervidum, stimularunt Jesuitæ, sufflaminaturus. Hoc ille aliique primum obtinuere, ut Cyrillo, quem à ficto crimine purgaverant, libertatis compoti Constantinopolim redeundi venia concederetur. Quo nuncio recreatus ille, festinat ad Urbem proficisci, quam Septembre repetiit, ibique privatis ædibus Galatæ sese occulens, ad declinandam invidiam & periculum inde **orturum,**

turum, rerum secundiores exitus forti animo pacatisque affectibus præstolatur. Interim Græci frequentes accedunt salutandi causâ, omne obsequii genus illi, utpote vero Patriarchæ, deferentes. Quod cum intellexisset Anthimus, jam sibi usurpatæ potestatis satis conscius, partim conscientiæ stimulis exagitatus, partim metu, illum quoque omni cum debita humilitate clam adiit, fide datâ, modò Cathedram vellet resumere, se illico à Patriarchatu, quem invasisset, cessurum, moxque à Patriarchio se proripuit: non amplius illic habitaturus. Cujus defectio ita exasperavit mentem Legati Gallici, sese hisce litibus immiscentis, majori quam antea zelo, famæ & dignitatis tuendæ, quam restituto Cyrillo apud omnes diminutum iri credidit, causâ, ut Jesuitarum consiliis inductus, Anthimum ad Palatium suum accersiverit. Ibi coràm cum illo graviter expostulans, hominem animi nutantis & invalidi partim largis pollicitationibus aggreditur, illum nempe sub protectione, de qua securissimum esse jusserit, Regis Galliarum tutum

fore, seque, ut jus illud asseratur, quadraginta millia thalerorum erogaturum, partim minis, ut his machinis expugnatus Anthimus planè cesserit, ac novo vigore quasi animatus, dignitatem retinere apud se constituerit. Quo factò, illum, quasi res ista ab ipsius arbitrio pependisset, publico Præconio Galatæ, quasi iterum annunciatum Patriarcham, & Dragomanorum sive interpretum satellitiò stipatum ad Ecclesiam Cathedralem reducendum curavit; insolentiâ planè inauditâ & quæ ultra omnes tum prudentiæ tum modestiæ limites evagata est. Sed postquam rem sedatis affectibus & seriò iterum pependisset Anthimus, veritus, ne si Cyrillus, illo invito, jussu Imperatorio restitueretur, crimen admissum, novo reatu ex obstinatione auctum, infamiam, carcerem aut mortem post se traheret, inconsulto Gallico Oratore, planè mente consternatus, noctu Cyrillum denuò accessit, crimenque fassus, misericordiam ipsius humillimè imploravit, seque à munere penitus abdicavit, atque solenni voto suscepto protestatur ne intentatâ

tentatâ quidem morte fallaciis quibuscunque in hac re nunquam pati se deinceps deludendum.

Tanto labore & impensis illi constabat Patriarchatum, vel per tres ferè menses, tenuisse. At ille metu & noxâ liberatus, jam mundi planè pertæsus, se in montem sanctum subducit, in Monasterio S. Athanasii, quod *αγία λαύρα*, honoris causâ, nuncupatur, reliquo vitæ tempore rerum cœlestium contemplationi vacaturus.

Solus jam remansit Patriarcha Cyrillus, non tamen sedi absque ingenti pecuniæ vi restituendus, quam Turcæ, ad lites injuriasque Græcorum inde consequentes alioqui parum advertentes, jure novæ investituræ exigebant.

Januario A. C. 1623. Calogerus quidam nuper Monasterii præfecturâ donatus, Româ Constantinopolim apulit, Cyrilli hostibus fidem faciens, nummos inde submittendos, modò de Cyrillo deponendo illorum operâ certò constiterit. Sed res hæc intempestivè propalata citò in fumos abiit. Utcunque propositum assequendi illud

arte & prudentiâ non omnem spem
abjecere. Cum enim id apertâ vi
nequicquam fieri tristi experienciâ
edocti essent, quid effecturæ sint frau-
des & versutiæ experiri placuit. Sæpe
enim fit, ut qui vim elato animo re-
pulit, neutiquam expugnandus, blan-
ditijs laxatâ mente cedat. Hac me-
thodo facilè quidem hoc negotium
expediri poterat, quippe si pronas au-
res istiusmodi propositionibus adhi-
bisset Cyrillus, de illo actum fuisset,
& sub violatæ fidei & pietatis infamiâ
apud amicos laborasset. Hac de causa
Februario 1624. tres Emissarii Româ
erant ablegati, quorum primus Beril-
lus, Jesuita sagacis & subtilis ingenii,
curaturus erat, ut Cyrilli ope & hor-
tatibus ad bellum cum Turcis geren-
dum incitarentur Cosaki, Patriarchæ
Constantinopolitani authoritati in
spiritualibus obnoxii: crimen, quod
mille mortibus, si quispiam totidem
vitis renovatis donaretur, apud Tur-
cas in læsæ Majestatis reos quam max-
imè sævientes erat luendum. Alteri,
qui Laicus erat, viam sternere fœderi
inter Hispanos & Turcas ineundo pro-
positis

positis articulis incumbibat. Tertius, Cannachius Rubeus Nauplius, in Romano Græcorum Collegio educatus, attulit instructiones manu & sigillo Cardinalis Bandini munitas de rebus cum Cyrillo Patriarchâ pacificè componendis ; quarum summa hæc erat, Pontificem Romanum animo satis prono inclinare ad erogandam non mediocrem pecuniæ vim, ut unio Græcæ Ecclesiæ fieret cum Romana, illum tamen non videre aliqualem hujusce ineundæ rationem, si verax esset, quæ de præsentî Patriarchâ spargeretur, fama, illum nempe negare Invocationem Sanctorum, cultum Imaginum, Transubstantiationem, quam ibi dolosè appellare placuit realem præsentiam Christi in Eucharistia, humani arbitrii libertatem, Conciliorum & Patrum authoritatem, Confessionis auricularis necessitatem, (confuso modo illum criminando hac articulorum strue, quorum penultimus omni veritate destituebatur : nemo enim Patres & Concilia secundum Scripturas majori in veneratione habuit) illum juvenes in Angliam & Germaniam educandos

88 *Narratio de Vita, Studiis, Gestis,*
educandos misisse, quo eadem dogmata per universum Orientem propagarentur, Catechismos ejusmodi erroribus refertos inter Antistites suos, quo morem gereret Legatis Hugonottis, distribuisse: denique si vellet illorum, qui Romæ degunt, gratiam & commendationem sibi acquirere, Florentinum Concilium amplecti oportere, ac Lutheranorum & Calvinistarum errores & blasphemias damnare & anathemati subicere. Hisce auditis, Cyrillus Legati Anglici palatium petiit, quid sibi faciendum esset, consulturus. Proposuerat autem animo fidem, quam profitebatur, ad singulas criminationes respondendo, scripto tueri: sed ab hoc proposito justis, quas allegaverat Legatus, rationibus convictus destitit. Silentium hoc in sinistram partem tanquam indicium obstinationis & contemptus interpretabantur Jesuitæ, qui diuturnionis moræ impatientes, quod articulis isthoc auctoramento propositis non consensisset, ad assuetas artes rediêre, quosdam suarum partium Episcopos ad illum iterum à sede deturbandum, admotis iræ stimulis facibus.

facibusque, excitantes, oblati viginti mille thaleris, ut quispiam ex ipsis in illa sede firmaretur. Hisce incalescentibus motibus, paululum secessit Cyrillus, donec amici ejus arcanum illud consilium totumque negotium, quod agitaverint Emissarii supra memorati, Bassis imperium isthoc tempore administrantibus patefecerint, quorum tamen vorax avaritia opimâ decem mille thalerorum offâ pro more explenda erat. Tanti aut pluris constat pax Ecclesiastica apud Græcos per hosce Cyniflones.

Græci sperabant se pacis, quam tam charo comparaverant, beneficio tandem frui posse: sed vanum hoc fuisse augurium tristis eventus monstrabat. Nam de Græcia novis motibus agitandâ, quousque victoriæ vel minima spes affulserit. Romæ erat consultum. Ad eam certius & securius obtinendam, commodissimum visum est, Anti-Patriarcham, licet solo suffraganei Apostolici titulo ornatum, mittere, adjuncto Quæstore, penes quos summa erat quidlibet, prout libitum fuerit, faciendi, quod ad rem magis conducere,

conduceret, facultas. Eadem de causa identidem multi ex ista communione titulo tenus creantur Episcopi, puta, Smyrnæ, Naxi, cæterarumque insularum, quos Græcis, gradu & ordine quidem paribus, sed ingenio & eruditione longè inferioribus, utpote subsidiiis, quibus istiusmodi dotes & vitæ decora acquiri solent, destitutis, opponant. Suffraganeus iste longâ expectatione expetitus, Naxum tandem appulit, quo honoris & salutandi causâ missi erant a Legato Gallico, Sacellanus ejus, titularis loci Episcopus, & duo Jesuitæ, ut inde majori cum pompa & splendidiore comitatu deduceretur. Proximè Chium appellit, ab insulanis tantâ cum veneratione exceptus, ut ne majori quidem ipse Pontifex Romanus, cujus subibat vices, potuisset. Sed ille planè animi impotens, præ nimio fastu, quo tumebat, quantum posset, intempestivè ostentavit, omnia ad se pro arbitrio rapiens, ut non mediocre scandalum apud suos ex hac arrogantia & dominandi libidine oriretur. Græcis verò, qui hujus insolentiam, temeritatem, audaciam non satis mirari poterant,

terant, suboluit de Ecclesiæ suæ libertatibus illico actum fore, si in iis subvertendis ita impunè & absque omni impedimento dehinc procederetur: ideoque mediantibus amicis se ac sua tanto successu Vizirio commendârunt, ut periculi ex longiori morâ subeundi jam satis gnarus suffraganeus iste, præcipiti fugâ, in quam metu exanimatus se dederat, satellites Turcicos vix tandem evasit: Episcopis novo vacuoque honore turgidis, quibus non suppetebat par elabendi copia, frustra intercedente Gallico Oratore, ne hoc malo infortunio afficerentur, in carcerem conjectis.

Græcorum rebus hoc modo pacatis, eo acrius mentes malevolorum ussit hæc infamia, quod eam neque ferre, neque ulcisci potuerint: inde dissimulatâ indignatione, sibi acquiescendum esse è re sua putarunt, usque dum rerum novandarum melior occasio sese obtulerit: quâ non diu se carere posse sub Turcarum imperio, qui vel leviuscularum suspicionum umbras captantes, quicquid novum aut insolens videtur, ne in detrimentum quoquo modo

inodo cedat, in sinistram partem interpretari solent, ingentis solatii loco habuere. Quod penè expectato citius accidebat.

Junio 1627. Navi mercatoriâ, quæ Londino solverat, vectus, Constantinopolim venit Calogerus quidam, Nicodemus Metaxa, ortu Cephaleniensis, qui, cum advertisset, quantam popularium suorum mentibus caliginem ex ignorantia ortam longa servitus obduxisset, pietate erga patriam subsidii, quibus solet propagari eruditionis, mentem captivo corpore liberam effecturæ, studium, carentem motus; prela, typos reliquumque rei Typographicæ apparatus advehi curavit, ut catechismis enchiridiisque vili pretio vulgatis, si non eruditi, saltem in fide & doctrina Christiana magis instructi redderentur. Quo instituto nihil laudabilius, nihil sanctius, nihil fructuosius laboranti Græcæ Ecclesiæ excogitari poterat. Verentibus autem iis, quorum maximè intererat, ne tota sarcinarum moles à suspicacibus Turcis, hac novitate offensis, diriperetur, Archiepiscopus Corinthiacus jubente Cyrillo

Cyrillo Anglicum Legatum convenit, orat, obsecrat, obtestatur, ut eam tanquam peculii sui esset, vindicaret. De re admodum difficili & periculosa alex plenâ aliquandiu erat deliberandum: mox repetitis Græcorum efflagitationibus vinci se passus est. Quo modo id fieri possit, præsentibus Cyrillo & Gerasimo Patriarchâ Alexandrino, ac etiam Oratore Batavico, in ipsius ædibus in commune consulitur. Ille ad omnem invidiam & malam suspicionem amoliendam consultius esse duxit, rem ipsam apertè & citra omnem ambagem, ut si quippiam malè successerit, omnis queremoniæ ratio cessaret & præcideretur, Vizirio referre: cujus permissu merx ista pretiosa rapaces Portitorum manus felicissimè evasit. Cuivis eorum planè perspectum erat, quantis difficultatibus & vix facilè superandis negotium illud Typographicum subesset ex per-
vicacia & superstitione Turcicorum Judicum & Sacerdotum, qui pro zelo tuendæ superstitionis Mohammedicæ ad alendas injustas opiniones apti nati essent, ne Christiani editis libris con-
tra

tra illorum fidem quippiam occultè molirentur. Sed longâ maturâque deliberatione habitâ, neinde periculum, justâ occasione datâ, oriretur, prudenti omnium curâ satis provisum erat.

Postquam verò Gallico Oratori & Jesuitis innotuerit, omnia jam parata esse, & de edendis libris Græcos Antistites seriò meditari, mille cogitationes mentibus illorum turbatis obversabantur, quasi jam Ecclesiam Romanam acribus invectivis essent impeturi, & mox publicatis in usum plebis facillimis Christianæ Religionis institutionibus, Scholæ Jesuitarum adolescentulis Græcis, quos ex perquam laudabili instituto gratis erudiendos curaverant, magno applausu Græcorum, qui hac benevolentiam inescati, ad partes Romanensium quandoque incautè & suavitè transibant, destituerentur.

Hisce incommodis occurrere plusquam unius diei consilium erat. Primò Metaxam operarum informatorem & ἐργασματοῦν, utpote qui artem hanc in Angliâ satis probè edidicisset omni blanditiarum genere aggrediuntur,

tur, quibus furdas obvertebat aures: deinde terribiles minas homini in os intentant, minisque admiscunt convitia, illum Lutheranum & Hæreticum appellando: sed hisce quoq; telis pectus habuit impervium. Ea propter in Metaxam bilis illorum maxime excanduit, quod cum sensisset, monitus quoque à quibusdam se de vita sive vi sive insidiis tollendum esse, impendentis periculi metu ita exhorruit, ut animo planè deficere videretur, lachrymas & singultibus D. Legatum rogatus, ut singulis noctibus à Typographio redux, in ipsius palatium reciperetur, præ ingenti scilicet metu, qui imis medullis refederat, ne sicariis conductis, si in suis ædibus pernoctasset, fracto gutture enecaretur.

En verò primitias preli Constantinopolitani. Cyrillus pro sagacitate sua, quatenus virum bonum famæque tuendæ cupidissimum decuit, præ studio sese à calumniis Jesuitarum, qui aures Græcorum perpetuis clamoribus obtunderent, illum nova dogmata à fide majorum aliena in Orientalem Ecclesiam introduxisse, vindicandi, libellum de

fide & doctrinâ Ecclesiæ Græcæ typis imprimendum dederat, quem, longe antequam appelleret cum supellectile Librariâ Metaxa, maturimâ deliberatione compositum, in Angliam, ut id publici juris fieret, transmittendum in animo habuerat, & mortuo serenissimo Rege Jacobo, cujus Augusto nomini inscriberetur, eundem jam sub nomine & patrocinio Regis Caroli primi, fortissimi Ecclesiæ Anglicanæ usque ad sanguinem Assertoris & Athletæ, beatissimæ & immortalis memoriæ, apparere voluit. Sed Zelotæ Pontificii, ne hoc in maximum Romæ & Galliæ dedecus cederet, malè metuentes, ad rabiem jam adacti, nova consilia adversus Cyrillum, qui id ausus fuerit, ineunt, quasi parum esset prelum illud infamæ evertere, nisi illum dignitate & vita simul quoque exuissent. At ! at ! Quis viros nobiles, Religiosos, Gallos, quibus non adeò benè convenit cum Romanæ Curiæ placitis, Christianos denique, facinus impium, turpe, irreligiosum & Christiano nomine indignissimum moliri crederet ? Quid verò non cogit facerrimi zeli infania !

infantia ! Cum enim alius Cyrilli liber in illorum manus diligenti curâ quæsitus, in Anglia pridem editus, tandem incidisset, in quo beatissimi nostri Salvatoris D. Jesu Christi divinitatem contra Judæos & Mohammedanos adstruxerat, quicquid acrius dictum adversus horum præsertim deliria, qui hoc necessarium Christianæ fidei dogma risu & sannis excipere solent, disputaverit, accuratè excerpunt, nimirum quod bilem moveat Turcis, quibus totum illud horribile arcanum revelandum curant, ope cujusdam callidi nebulonis apud Vizirium summâ gratiâ valentis, quocum propositâ mercede egêre, ut hâc, si Dis placet, infami & blasphemiarum plenâ charitâ in ipsius manus traditâ, simul in aurem diceret, Metaxam sub monachali habitu militem agere, illumque esse artis bellicæ peritissimum ; libris his editis Græcos ubi ubi per imperium sparsos ad seditiones incitari posse, & ad fidem Alcorani oppugnandam facilem patere viam, cujus rei libellus iste Cyrilli clarum erat indicium specimenque ; hujus copiam procurante

Metaxâ ex Anglia reduce jamjam ubique proflare venalem; totum hoc artificium conscio imo miris modis favente Anglico Oratore, administratum; denique exemplaria nuperrimè inter Cosakos distracta fuisse, ut illi, mox abfuturo Imperatore, qui isthoc tempore expeditionem in Asiam meditari visus est, ad opportunius invadendum imperium, spissis argumentis à religione petitis, impellerentur.

Hisce auditis, credulus admodum Vizirius, nullo prævio examine habito, an quippiam veri aut falsi impactis criminationibus subesset, (primo enim impetu omnem deliberandi curam suffocari peculiari vitio gentis frequenti usu venit) præ irâ & indignatione, quam tuendæ religionis zelus & imperii cura in animo accenderant, certus Metaxam, effractis ipsius ædibus, in quibus hæc mala cudebantur, in ipso actu deprehendendi, mandavit ordinis militaris ductori, ut centum & quinquaginta Janizariis in subsidium sumptis, rem istam sedulò curaret. Ingens hoc & præclarum facinus quarto die Januarii erat peragendum,

agendum, quod biduo, procurante Gallico Oratore, consultò differebatur: intellexerat enim, solenni Epiphaniarum festo ab Oratore Anglico Venetæ Reipublicæ Legatum, ejusdem cum Gallo Romanæ communionis, sed longe mitioris ingenii, salvo inter utroque amicitia jure, licet in quibusdam apiculis ad essentiam religionis ipsis neutiquam convenisset, Patriarcham Cyrillum aliosque è primoribus gentis Græcorum, ad convivium invitatos fuisse. Adulto jam die, ad hilaritatem istam superveniente incommodo & dedecore interpellandam, armati milites ædes Metaxæ occupant, à quibus ille isthoc tempore auspiciatissimè aberat Galatæ, nescius, quantum periculi ipsius capiti & fortunis impenderit inter redeundum, Oratoris Secretario comitante. Licet aliqui illum digito monstraverint, aliis tamen ob galerum, quem gestabat, eum esse Anglum & ex familia Oratoris afferentibus, per medios milites in platea ferocientes elapsus, tandem palatium ingreditur penè exanimis. Ductor iste, amissâ cui maximè inhiabat prædâ,

famulos, quos conduxerat Metaxa, manibus ad tergum revinctis, captivos detinet, arcas effringit, officinâ tot tantarumque machinarum arce accuratissimè lustratâ, quicquid inibi reperiri potuit, prela, typos, libros, papyrus, argentum, miscellamque suppellectilem statim corripuens, spoliis istis, quæ ad summam septem mille thalerorum excreverant, onustus, Constantinopolim revertitur, rerum gestarum rationem Vizirio redditurus. Cyrillus læsæ majestatis postulatus, pedem efferre non ausus, illic pernoctavit, donec re melius explorata, Turcarum ira deferbuerit. Die proximè insequente Vizirius, convocatis Turcicis Sacerdotibus, iis examinandum commisit feralem Cyrilli librum, blasphemias contra Mohammedem, quod illis à morione supra memorato persuasissimum erat, scatentem: paginam, ne oculos effugeret, ante plicatam interpretantur duo Græci Apostatæ. Cognitores loca & argumentorum circumstantias exquirunt, judicant, perpendunt, examine, prout credere oportet, subinde repetito. Tandem

dem convicti fatentur, nihil inde ex-
sculpi posse, quod per leges vel Au-
thorem vel Typographum in pericu-
lum capitis adducat. Discussio jam
metu, innocentia suâ fretus coram
Vizirio isto die comparuit Cyrillus, ut
fictas criminationes dilueret. Perendie
Legato Anglico consultissimum vide-
batur audientiam à Vizirio rogare,
tum ut de injuria illata expostularet;
tum ut suspensiones quasdam de Me-
taxa conceptas nondumque planè de-
positas amoliretur. Concessâ adeun-
di facultate, Vizirium primò puduit
temeritatis suæ, deinde prolatis sermo-
nibus dixit, se impudentiam eorum,
qui meras imposturas, figmenta & fa-
bulas ipsi nimium credulo obtruse-
rint, non posse satis mirari: & mox
curaturum, ut bona quæcunque ante
triduum expilata, si salva fuerint, re-
stituerentur. Occupatâ Vizirii gratiâ,
qui jam, ut olim, de illo optimè & ho-
norificè sentiebat, eadem, si non ma-
jor sollicitudo remansit animos Sacer-
dotum Turcicorum, quasi ad religio-
nem illorum evertendam conspirasset,
pacandi, ut res tum suæ gentis tum

Græcorum, quas nuperæ tempestates agitaverant, in tuto collocarentur, Mustium quoque adire placuit. Post, hisce gravissimis injuriis provocati, Legatus & Patriarcha, ille, eo quod omnem ipsius existimationem sparsis ingestisque calumniis, non in ipsum solum (has enim generoso & forti animo contempsit) sed in Regem, quem Cannachius pridie ante expilationem totius supellectilis librariæ, colloquiis cum Cyrillo habitis, Hæreticorum caput appellasset, apud Turcas adimere molirentur; hic, quod vitæ ipsius insidiarentur, justæ indignationi paulò indulgère, & facilè apud Vizirium impetrarunt, quicquid in contrarium intercesserit Gallus, ut Græcus iste & Jesuitæ, hujus conspirationis architecti, in carcerem conjicerentur. Quos omnes laqueo ab irato Vizirio destinatos, supplicatione interpositâ Anglicus Legatus misericordiâ & reverentiâ erga Christianum nomen, quod dehonestaverant, simul commotus, à poenæ capitalis jamjam infligendæ periculo eripuit, sententiâ ista damnatoriâ in mitiorem conversâ, ut Jesuitæ

fuitæ isti Constantinopolitani, una cum suis sodalibus tanquam pacis publicæ conturbatores, motuumque nuperorum promotores ab imperio Turcico expellerentur.

D. Rowæo jam brevi patriam repetituro, succedebat D. Petrus Wichius, equestri dignitate ornatus, præclarissimis verò animi dotibus longè ornatior, cui res Græcorum æquè cordi ac curæ fuere, & qui Cyrillum eadem benevolentia & amore complexus est. Ille verò rogatus, ad reddendas amicitia vices, & in affectûs, quo Ecclesiam Anglicanam persecutus est, indicium, Legati filium Constantinopoli natum, hodiè superstitem & tanto Parente dignissimum, imposito sui ipsius nomine, sacrum baptismatis ritum Anglico Sacerdote, Legato a Sacris, peragente, de lavacro lubens suscepit. Sed cum hujus literas (heu toties frustra quæsitæ) in Angliam, dum legatione istâ Constantinopolitanâ fungeretur, de statu Græcorum scriptas, obtinere non liceat, reliquam historiæ, quam exorsus sum, seriem ex aliorum Schedis & collectaneis pro virili pertexam.

D. Cor-

D. Cornelius de Haga Batavicus Orator, partium Cyrillianarum egregius quoque fautor, confessionem fidei Latine scriptam, quam Græcè editurus esset Author, si per nuperas tempestates, quæ universam rem Typographicam illic loci jacturâ irreparabili absorpserant, licuisset, in orbem Christianum transmisit publicâ luce donandam. Ut verò omnis justæ suspicionis ansa tolleretur, an Cyrilli fuerit necne; licet Cyrilli nomen præ se tulerit, ad finem ipsius, nomine & titulis, qui fidem vel à maximè timidis & ad malas suspensiones pronis extorquerent, appositis, rem signantissimè attestatur amplissimus Orator. Editæ erat A. C. 1629. cum hoc titulo, *Confessio fidei reverendissimi Domini Cyrilli Patriarchæ Constantinopolitani.*

Ex hoc classico exhorrescere visa est Roma, ac si bello indiæto hostis jamjam instaret portis. Primo quidem merâ fraude Protestantium orbi obtrusam esse geminatis vociferationibus quiritantur; Oratorem Batavicum publicâ suâ authoritate abuti calumniis subinde ingestis exclamant, omni fide,

fide, quam jus gentium ejus testimo-
nio deberi spondet exigitque, abnega-
tâ: hoc leviculo prætextu, solis fatuis
& obesæ naris hominibus persuasuro,
verisimile parum videri, Græcum La-
tinè scribere, aut velle aut posse. Ut-
cunque Matthæus Caryophilus, genere
& ortu Cretensis, titulo tenus Archie-
piscopus Iconiënsis, nescio an sponte,
an jussu eorum, ad quos propagandæ
religionis cura ex officio spectabat, re-
sponsionem paravit hoc titulo, *Censura*
confessionis fidei, seu potius perfidiæ Cal-
vinianæ, quæ nomine Cyrilli Patriarchæ
Constantipolitani circumferatur, Romæ
1631. quam sequente anno Græcè
edidit.

Postquam intellexisset Cyrillus, con-
fessionem ore omnium celebratam va-
rias subiisse censuras, sua quam maxi-
mè interesse putavit Januarii 1631.
Græcè conversam cum quatuor quæ-
stionum & responsionum appendice
sibi vindicare. Ea postea, nempe an-
no 1633. Genevæ procudebatur. Ab
hoc tempore omnis malæ suppositio-
nis suspicio evanuit: neque jam am-
plius quisquam dubitaverit, an genui-
nus

106 *Narratio de Vita, Studiis, Gestis,*
nus Cyrilli habendus esset partus.
Suum esse, interrogatus agnovit, nec
dubitanter aut meticolosè, sed tamen
modestè; & licet, animo constanti, ta-
men absque omni arrogantia notâ &
indicio. Neque enim eum rem, cujus
singula momenta perpenderat, negare
aut dissimulare siverunt aut probita-
tis studium aut veritatis amor: & ju-
diciu[m] firmavit dies: nullis enim pe-
riculorum denunciationibus, nullis
argumentis, blanditiis nullis, ne inten-
tatâ quidem morte, quam postea for-
tissimè subiit, ad retractandum flecti
potuit: quod ex vita secutura abun-
de patebit. Jam illustre exemplum
dabo, quam firmâ mente fuerit, &
quam sibi benè constaret, in mediis
difficultatibus & angustiis positus, quæ
quemlibet alium propositi minus te-
nacem dimovissent. Quod ex literis D.
Cornelii de Haga Januario xvij. 1632.
Constantinopoli datis exhausti, qui rem
istam fide sua hoc modo narrat.

Dicit Cyrillum honoris & gratu-
landi causâ Gallicum Legatum Comi-
tem de Marca Villa, qui nuperrimè
Constantinopolim advenerat, invi-
sentem,

sentem, omni cum observantiæ & benevoli affectûs demonstratione ab eodem exceptum fuisse. Colloquio linguâ Italicâ inito, Patriarcham titulo Eminentia & Eminentissimi Domini, qui pro more non ita pridem introducto Cardinalibus ex peculiari Pontificis gratia & jussu compete-
bat, insignire pro aulica comitate Legato placuit. Post prandium, Legatus porrectâ manu ipsi ostendit confessionem fidei, quam dixit se à Legato Gallico, qui Romæ residebat, accepisse, Pontifice sive ordinante sive consulente, ut Cyrillum vellet sciscitari, an composuerit, & si in eadem sententiâ perman-
ferit. Libello in manus sumpto, postquam diligenter inspexisset Cyrillus, fassus est se fuisse Authorem; citra moram addens, illos, antequam ad iterandam alteram quæstionis par-
tem, hoc est, an eadem planè adhuc dum sentiret, pergeretur, errores, si qui fuerint admissi, ex scripturis demon-
strare oportuisse: ante quingentos annos Ecclesiam Græcam à Roma-
na secessionem fecisse; nihil sibi esse cum Papa, neque ad rationem Pon-
tifici

tifici adpostulanti, aut cuiquam, qui ejusdem authoritate fultus exegerit, reddendam aliquo jure obnoxium; ipsius jurisdictioni plusquam centum metropolitas & Episcopos, præter ingentem minoris dignitatis clerum, subesse, quibus satisfaciendis, si opus fuerit, legitimâ totius Ecclesiæ Synodo convocatâ, semper fore paratissimum, & quicquid de hisce rebus controvertitur, Scripturis Sacris & priscis Patribus referre decidendum.

Replicavit Legatus, Romæ & etiam in Gallia Eminentiam ejus pro Calvinista haberi, Regem Christianissimum, Dominum suum, istam sectam odio habere : & opto, inquebat, Eminentiam vestram fore, quod ad religionem spectat, Romano-Catholicam, qualis est Rex Christianissimus, cujus gratiam & munificentiam hoc modo promereri licebit. Sapientissimo & fortissimo Patriarcha non opus erat longâ deliberatione, quid sibi esset respondendum : quod citra omnem verborum ambagem citissimè fecit, se nimirum in rebus maximi momenti, in quibus fides & æterna animæ salus

verteban-

vertebantur, neque Regis Galliarum neque cuiuspiam aliûs consilium aut exemplum temerè secuturum, neque quicquam facturum, nisi directrice conscientia præeunte. Mox finitâ disceptatione, summis gratiis D. Legato ob humanitatem, quâ lautissimè exceptus erat, actis, discessit: sed ne quippiam sinistri ex hisce colloquiis in mentes eorum, quorum benevolentiam fore integram summoperè studebat, irreperet, Legatis Reformatae religionis reliquisque totam rem nudè & planè aperuit.

Nullus dubito, quin ἡ καλὴ ὁμολογία, sive hæc proba & generosa professio coram Legato Gallico reddita, cuius quoque erat, quoad vixerit, retinentissimus, apud omnes veri amantes, quibus citra præjudicium aut affectum rem explorare integrum erit, valitura sit ad ipsius vindicias contra quasunque criminationes, quibus ab hostibus, quos flagrans iste zelus veritatis defendendæ, ad invidiam & odium planè irreconciliabile contra humanitatis & Christianæ charitatis jura excitulaverant, impetebatur. E supra dictis

dictis ultra omnem cavillandi aleam
 satis constat, studio ac arte quam
 maximè laboratum fuisse, ut à fide
 & mentis, quam tenuit, constantiâ di-
 moveretur : neque æquis rerum æsti-
 matoribus minus constare poterit, il-
 lum, si rem turpem, h. e. questum, &
 seculare commodum, & quietam lon-
 gamque dignitatis possessionem vel
 minimum curasset, simul atque nisi
 animum adversus omnes blanditias ac
 comminationes obfirmasset, spretis
 quibuscunque aggressionibus, à quibus
 nunquam cessatum erat, ut tandem
 lassatâ vel victâ patientiâ cederet; de-
 nique nisi solo veritatis amore & con-
 scientiæ stimulis excitus hæc omnia
 fecisset, facillimâ quidem operâ vi-
 tam, otium, & famam quoque redi-
 mere potuisset : & procul ab omni læ-
 sæ majestatis suspicione integrâ fide
 apud Turcas, senio confectum, siccâ
 morte ex hac vita decessisse.

Unicuique sententiam suam jam pro-

* In discussi-
 one Apolo-
 getici Rive-

ferre licet, an * Grotii crimi-
 natio, quod hanc fidei for-
 tiani ; sumenda est Ecclesia Græca, non qualem ex suo
 capite Cyrillus nuper inductus pretio continxerit.

mulam

lam è cerebello effinxerit Cyrillus pretio inductus, aliquâ vel minimâ veri specie suffulciri possit. Amplum sanè præmium retulit tantorum laborum: sed quale? non opes congestas, non ipso usu evanescentes mundi delicias, sed pacem conscientiæ, sed martyrii coronam. Num ex Anglia & Hollandia missi erant nummi, ut causam suam apud Turcas, qui magis munerum quam justitiæ amore & intuitu controversias decernunt, felicius tueretur? ne teruncius quidem. Non dixerit D. Grotius, Romanum Pontificem nullos in hac causa oppugnanda fecisse sumptus. Quinam illi, qui tot nummorum sacculos suppeditaverint? sanè ne hostium violentiâ opprimeretur, ad Legatos Anglicum & Batavicum se contulit, illorumque opem & patrocinium imploravit; hi verò non tam partium studio, quam justâ Christiani nominis reverentiâ moti, nihil nisi quod summa ratio, prudentia, charitas exegerint, nihil nisi quod se & provinciâ, quam sustinebant, dignum fuerit, præstitère. Non horum amicitiae procurandæ causâ de Græcia

H h reformanda

reformanda cogitavit ille, cui Romanensium errores à multis annis, antequam ipsis innotesceret, displicuerant: non lucri spe, quæ sanè nulla erat, nec esse potuit, multo minus pretio conductus: (quis enim sanæ mentis compos, si per conscientiam liceret, vexatissimis ærumnis & molestiis sponte & avaritiæ causâ implicaretur?) quod comminiscitur D. Grotius; de quo viro maximo & de literis omne genus optimè merito utinam longè justior & verisimilior suspicandi causa non suppeteret, hanc injustam criminationem tam ex immoderato conciliandi dissentientes in rebus religionis, magno cum dispendio veritatis, amore & studio, quam ex nimio erga Jesuitas, quorum gratiam omni modo, & potissimum conculcato Cyrillo, inire voluit, affectu processisse.

At D. Grotius cum Cyrillo paulò humanius egisse videbitur, si respiciamus, quam hostili animo, quam iniquissimis censuris horrendisque calumniis illum tractaverit D. Arnaldus. Quis crederet virum, merito suo maximi nominis, injustæ indignationi habenas laxare

are posse, & tanto cum impetu extra omnes Christianæ moderationis limites se velle abripere? In dogmata Cyrilli pro zelo, quo fertur, acriter animadvertere licuit, quod nemo vitio vertisset: at illum in personam favire, & indignissimis ac spurcissimis convitiis viri optimi famam proscindere, solius Allatii testimonio fultum, hoc est, quod ipsi obicimus, quod exprobramus, quod meritò querimur. Suspectæ fidei & ad convitiandum propensissimo testi, qui sibi hoc dari negotium credidit, ut falsis criminationibus exagigaret Cyrillum, non ita facile fides erat adhibenda. Duos integerrimos viros, titulis, gestis publicis & muneribus tam in patria quam foris in exteris regionibus illustres, Græculo opponimus, qui motâ hisce concertationibus Græciâ coram aderant, quorum testimoniis jam à me productis de Cyrillo ab his fictis criminibus purgato, annon magis credendum sit, omnibus relinquo perpendendum: nec mihi hæret, quin mitioris ingenii, probæque ac ingenuæ indolis homines vel Romanæ Communions, potissimum

splendidioribus natalibus orti & paulo liberius educati, pro iis, quorum dignitas & fides & rerum gestarum cognitio testes maximè idoneos & omni justâ exceptione superiores efficit, non obstante religionis dissidio, contra Allatum sententiam sint laturi. Quia

* La perpetu-
té de la foy
livre 4. cha-
pitre 11.

vero * D. Arnaldo visum est detestandæ dissimulationis crimen Cyrillo impingere, eo quod ritus Ecclesiasticos, quos superstitionis damnaverat, in sacris peragendis, pro institutis Ecclesiæ Græcanicæ, retinuisset, jam ipsius conscientiam appellabo, annon multi ritus in Ecclesia Romana ad hunc diem supersint, præsertim in officio Missæ, quos superstitionem vanamque pompæ affectationem redolere, utpote, veræ religiosi cultûs indoli parum congruos, novit & fatetur: & quos ad religionis hisce offuciis dishonestatæ decus melius conservandum, cupit amotos? à quibus tamen utendis credo illum non abstinere, hac de causa, eo quod Ecclesiasticis ordinationibus, quæ à longo tempore ubiq; obtinent, & apud omnes in usu sunt, morem

morem gerat ; & an patienti animo laturus sit, si quispiam inde pro certo statuatur illum contra conscientiam, quoties sacrum facit, agere, & pro insigni hypocritâ esse habendum ?

Quæ Bethleemiticæ Synodi Assessores, (sive potius libelli, qui illorum Decretis præfigitur, scriptor) de Cyrillo nuper retulêre, tantâ absurditate laborant, ut non possim non mirari ineptam illorum confidentiam, qui istorum temporum historiam & rem facti novis audacibusque commentis, quantum in

illis est, corrumpunt pervertuntque †, nimirum Cyrillum neque in Synodo, neque in Ecclesia, neque in ædibus cujuspiam Ortho-

† Synodus
Bethleemiti-
ca Parisiis
Anno 1676.
pag. 33.

doxi, nec publicè nec privatim ea aut dixisse aut docuisse, quæ ipsi adscribuntur ; hæc esse amicis, qui illum familiaritèr norant, planè incomperta ; * nullum scriptum, ejus chirographo munitum,

* Pag. 34.

quippiam hujusmodi continere, & jam sibi ipsis adeste mille testes τ παρρησιαστικῆς συβέλλης Cyrilli, qui asserunt illum ab omni Hæresews labe immu-

nem esse : hoc est, quod nihil eorum
 quæ sub ejus nomine publici juris fie-
 rent, in ejus mentem venissent. Quæ
 adeò frivola, puerilia & falsa sunt, ut
 ex supra dictis patet, ut non aliquâ
 refutatione egeant. Addunt, spissum
 librum Cyrilli propriâ manu scrip-
 tum supereffe, in quo continentur
 homiliae, quas diebus dominicis &
 festis Constantinopoli pronunciaverit,
 πᾶν ἑναντίον ἀπαφανόμεναι τοῖς ὑποβα-
 λημαίοις ἐκείνοις κερφαλαίοις, doctrinam
 istis supposititiis capitibus, h. e. con-
 fessionis fidei, contrariam declaran-
 tes. Ita hi præclari innocentiae, vir-
 tutis & orthodoxæ pietatis Cyrilli as-
 sertores : nempe οἱ ἐναντίοι five hære-
 tici, ut orbi palpum obtruderent, no-
 men & auctoritatem Patriarchæ con-
 fessionis ab ipsis effictæ, illo planè in-
 scio, illo repugnante & contrariam
 doctrinam docente, pro vanitate &
 vafritie suâ prætexebant. At! at! ve-
 cordiam hanc quis non obstupescit?
 quasi res coram mille millenis testibus
 per plures annos transactæ mera essent
 somnia, fabulæ, & imposturæ. Non
 puduit Cyrillum editæ confessionis,
 quam

quam sine omni metu, imo non sine quapiam modestâ exultatione & placido gestientis animi sensu coram omnibus, ut suam, ad mortem usque vindicabat. Hæc enim sola, ut dixi, inimicitiam, odium, asperrimas molestias, exilia, mortem denique ipsi conflavit. Miserum & stupidum Cyrillum, qui, cum hæc omnia, rejecto libello subdititio & spurio, effugere potuisset, innocentiam alienis criminibus conamaculari, & sub tali infamia carnificis manu mori gestiebat. Benè interim succedit, quod horum Synodicâ sententiâ Cyrillus orthodoxus, pius, & innocens habetur. Non jam in dubium vocabo, utrum spissus ille homiliarum liber sit Cyrilli necne: quod tamen merito quidem & absque omni injuriâ fieri potest. Veruntamen pace eorum dixerim, nihil in istis ἐνλογαῖς, quas publicæ luci donarunt, exceptâ unicâ (modo in hac quoque edendâ malam fraudem non adhibuerint, unicum aut alterum vocabulum, quod à Prototypo abesse poterat, immittendo) occurrere, quod πῖς ὑποβολιμαίοις κεφαλαίοις,

λαίους, uti confessionem Cyrilli falsissimè appellant, contradicat & refragetur. Lectoris patientiâ abuti videar, hisce nugis falsi revincendis tamdiu immorando. Quod verò objiciunt cum aliqua veri specie, neque Episcopos neque reliquum Clerum, qui Patriarchæ perpetuò adstant, ista capitula aut novisse, aut manu subscripta approbasse, quod quoq; urget † D. Grotius, justam responsionem suppeditant eadem literæ D. Cornelii de Haga, fide sua rem compertam enarrantis, vix aut ne vix quidem aliquem isthoc tempore è Metropolitæ cæterisq; Antistitibus Græcæ Ecclesiæ, qui multi & frequentes Constantinopoli aderant, reperiri potuisse, quin se fortunas, vitam, & quicquid vitæ charius haberi possit, pro Cyrillo, inque ejusdem confessione tuendâ, si opus foret, prodigere aperto ore professus fuerit. Sed omisâ Apologiâ, quam jam non ex professo molior, eam aliis relictu-

† Contra quam fecit Constantinopoli Cyrillus, qui sine Patriarchis, sine Metropolitæ, sine Episcopis novum nobis propinavit Symbolum. D. Grotius in append. ad Comment. de Antichristo. Amstel. 1641. p. 49.

rus, ad seriem narrationis intermissam redeo.

Cyrillo, licet jam victi & triumphati viderentur hostes, pax planè incerta & infida erat: ad nova enim prælia continuò vocatur.

Intercedente modico tempore, Româ Constantinopolim missi erant duo ex Græcis Antistitibus transfugis, unus Sophiae Metropolitæ, alter Achridæ, eo fine, ut rebus denuò agitatæ Cyrillus è cathedra pelleretur, aliusque, modò Romanæ Sedi debitum obsequium sit præstiturus, utut vitâ, moribus, animique dotibus inidoneus, in ejus locum succederet. Hos in ædibus suis excepit Gallicus Orator, cujus patrocinio ac tutelâ fisci, rem, cujus causâ illud iter suscepissent, protinus aggrediuntur. Cyrillum primo atrocibus dicacibusque convitiis insectantur, non alio titulo in privatis colloquiis, quam Hæretici, Lutherani, Infidelis, dignandum: deinde Metropolitæ, qui à Cyrilli partibus steterant, palam & seriò minitantes, se post receptas directrices literas, quas expectarunt, Patriarchatum à Turcis pactâ annuâ pensione

pensione conducturos. Obortâ hac novâ tempestate, Cyrillus, consultis prius Episcopis & Græcæ gentis Proceribus, qui alacres promptique in eandem sententiam consenserint, è re tum suâ, tum Ecclesiæ esse judicavit quid jam novi hospites ex condicito molirentur, Vizirio patefacere.

Sed cum specialem horum tumultuum per insequentes annos sibi invicem cedentium notitiam ex nostratium chartis authenticis comparare hæcenus non contigerit, curiosum Lectorem ad appendicem Hottingerianam remitto, è quâ pauca delibabo, quibusdam tamen insertis aliundè acceptis. Post tot varios conatus, & consilia, quæ ex Cyrilli & amicorum vigilantia & curâ, sive potius ex misericordi Numinis providentiâ in irritum cessere; mense Octobre 1633. Cyrillus Contarius Berrhaensis Episcopus, pecuniis, quas ordinante Cyrillo, cujus literis munitus erat, quo Ecclesiæ necessitatibus melius subveniretur, peragrata Moscoviâ aliisque Græcæ communionis regionibus, collegerat, Patronum optimè meritum ab illius sede

fede movere ingratiſſimus mortalium fatagit, exutâ veterum beneficiorum memoriâ ex indignatione & tædio novæ repulſæ, quam nuper ab eodem paſſus fuerat, ob negatum ſcilicet, quem petierat, Archiepiſcopatum Theſſalonicenſem; jam irarum plenus hanc injuriam & dedecus ulciſci omnibus viribus contendens, oblatis quinquaginta mille thaleris, muneris, ut in ſingulis mutationibus aſſolet, loco, ad ſolum Patriarchale adſpirat. Sed hominem, malâ illius fide irritati, quos inanibus promiſſis deluſerat, Turcæ, poſt ſeptiduum ad inſulam Tenedum amandant: inde exiliî pertæſus, ſimulatâ poenitentiâ, literis ad Cyrillum miſſis, poenam, quam ſubiit, ex crimine admiſſo jure irrogatam mœſtus fatetur: non diu poſt, ſedi priſtinæ, è qua exciderat, reſtituitur. Sed nimix lenitatis erga impium hominem exhibitæ Cyrillum mox poenitebit.

Mercimonium illud ſacrum, munus volo Patriarchicum, utpote ſpecie ſplendidum, licet malis artibus poſſidenti quam maximè infauſtum, Turcis quaſi ſub haſta videntibus, novos non raro

rarò allicit emptores. Martio 1634. Athanasius Patellarius Cretenſis, Archiepiſcopus Theſſalonicenſis, ad Sacerdotium primi ordinis ab ipſo Cyrillo adſcitus, infortunii, quod Berrhaenſem nuper premebat, immemor, & ſtultâ ſpe longe felicioris eventûs animum honoris plus a quò appetentem lactans, eodem pretio, (neque enim vel uno aſpro id diminutum vellent Turcæ) mercatur, relegato Tenedum Cyrillo. At non diu emptâ dignitate fruitur infamis Simoniacus, ille menſe vix exacto quoque pulſus. Sede aliquamdiu vacante, Junio ſequenti, Cyrillus multum adjuvantibus amicis, argento magis, juſ ſuum antiquum repetit.

Nondum malorum Cyrilli finis, quæ ſolâ morte terminabuntur. Anno enim 1635. Cyrillus Berrhaenſis ultricibus furiis & Jeſuitis, è quorum confiliis totus pendeat, adhuc dum ſub eorum diſciplina erudiendus, ſolutis quinquaginta mille thaleris, thronum Conſtantinopolitanum iterum occupat. Omnia jam ſiunt ex arbitrio magiſtrorum, quos habuit fautores & conſiliorum

consiliorum participes, nihilque infectum relinquitur, quod huic injustæ possessioni in longum diem stabiliendæ aliquatenus conducatur: quotquot Cyrillo favissent, à sedibus suis moti, Cyrillus ipse in exilium actus ad Rhodum usque. Invasor Cyrillus ab omni oppressæ partis molimine securus despoticum in Græcos exercet imperium, otio & deliciis tempus fallit, tam insperatâ felicitate quasi obrutus, ut vix sui compos esset. Vino exhilaratus in mediis poculis arcanum illud, de quo non inanes erant conjecturæ, recludens; gloriatur in hisce cum Pontifice Romano transigendis olim convenisse. At qualis homo! fordidissimæ indolis, ingenii procacis, lucri & gloriæ simul avidissimus, vindictæ & iræ impatiens (sæpe enim Episcopos furore actus pugno malè tractabat) & nullo modestiæ aut religionis vinculo retinendus. Ille quasi juramento ad tuendum regalia S. Petri obstrictus, profitetur, modo suppeditarentur nummi, se non solas Papæ manus, sed pedes etiam osculaturum: nec dubito, quin iisdem conditionibus gauderét cæteris

cæteris titulis addidisse, Imperatoris Turcarum & Romani Pontificis gratiâ. Interea Cyrillus tristi exilio fatigatus & penè confectus hoc habuit metuendum, ne nautæ Melitenſes aut Florentini, qui mioparonibus & triremibus Ægæum mare infestabant, factâ in terram exſcensione, illum in prædam captum Romam ad novorum triumphorum materiem ſuppeditandam deportarent. Ne vero hiſce opimis ſpoliis onuſti redirent, inſulæ Præfecto hujus propoſiti gnaro in præſidium magis introrſum recedens, non niſi ingenti periculo adeundum, Cyrillum ſubducere commodum videbatur.

De Cyrillo abſente benè mereri non ceſſant amici, de ipſius libertate procurandâ ſoliciti. Lentum procedit negotium, difficultatibus haud facile ſuperandis obſeptum. Poſt ſeſquiannum, plurimis apud Turcas, ſolò argento expugnabiles, intercedentibus, inter quos maximè eminuit Neophytus Metropoliſta Heracleenſis, gratum ſe præſtans Cyrillo, qui illum bonis literis erudierat, diſcipulum, tertio reſtituitur. Neophytus ille ipſius, ingenuæ

quæ cum exulasset, res non solum privatas, sed quæ ad Ecclesiam spectabant, procuravit. Quâ de causa à Philippo Cyprio dicitur, Παλαιάρχους νομίμως ἔχει κατονόμας, quod de solo jure delegationis videtur intelligendum. Cyrillo enim reduce cessit.

Hostibus Cyrilli non defuit nocendi voluntas, non vindictæ studium, non malitia, quæ mentes illorum novis facibus admotis exagitavit. Interdum victi, interdum victores, variatis quasi vicibus, de bello instaurando iterum cogitant. Quotquot novis dignitatibus, quas sub invasore Patriarchâ nuperri-
mè possederant, erant spoliati, ad pristinas sordes & incitas redacti, immortales alunt inimicitias, neque quiscumque facilè in animum inducat, Jesuitas depositis simultatibus, invidiâ & odio cum Cyrillo benevole acturos. De neutris illud erat exspectandum. Mœsti & indignabundi vident Cyrillum omnes eorum fraudes & insidias elusisse; toties depositum & exulantem, eorum ingratiis toties reducem, toties jus suum recuperasse; constantiam & firmissimum animi robur nullis malis,
nullis

nullis incommodis, non calumniis, non carcere, non exilio lassari potuisse; conatus ejusmodi irritos; illum omnibus superiorem; illo vivente spem omnem propositi obtinendi evanescere; cum illo omnem difficultatem simul faciliè amovendam, neque se salvos aliter fore. Igitur coelum terræ miscent, vociferantur, discurrunt, insaniunt, consiliisque initis omnes methodos sanguinarium istud decretum, quod impendio volebant, assequendi, idque fere per integrum biennium, explorant; quomodo id tandem Dei permissu effectum dederint, non tam ex relatione Nathanaelis Conopii Protosyncelli, quam ex ore reverendi, eruditissimi & præstantissimi viri D. Pocockii, ædis Christi Oxon. meritissimi Canonici, qui isthoc tempore Constantinopoli degebat, brevi enarrabo.

Cyrilli hostes, cum satis compertum haberent se frustra id aggressuros, marentibus in Urbe Imperatore & Vizardio, apud quos Legatorum Anglici & Batavici interpellationes multum erant valituræ, de excindendo Cyrillo egerunt cum Bairamo Basâ tum maximè

inè gratiâ florente, quod ille largis mun-
neribus corruptus lubens suscepit ;
moxque artibus subdolis effecit. Impe-
rator enim Morates anno 1638. belli-
cam expeditionem Persidem versus ad
Bagdadum expugnandum moliturus,
Bairamum, ut omnia in promptu ef-
sent, quæ Urbis munitissimæ longa &
difficillima obsidiō exigaret, cum ex-
pedita militum manu præmisit, dum
ille & Vizirius, bipartito pabulationis
causâ exercitu diversis itineribus, len-
to gradu sequuntur. Cuncta ex voto
fieri diligentia Bairami lætus Impe-
rator vidit, & coram gratulatur; sæpe
cum illo de castrorum munitionibus
& de Urbe oppugnandâ verba mis-
cens. Ille arreptâ hac occasione, adju-
tus operâ Husaini Bassæ, quem facino-
ris conscium admiserat, Imperatori
retulit, Cyrillum Patriarcham apud
Græcos suos maximâ authoritate va-
lere ; illo instigante Cosakos Azekam,
oppidum ad Tanaim non procul à la-
cu Mæotide situm, nuper aggressos di-
ripuisse ; hominem esse præcipitis con-
siliî, de quo hoc præsertim tempore
erat metuendum, ne jam, Constantino-

poli militibus vacuâ, Græcos ad feditionem cieret, neque hæc mala caveri posse, ni Cyrillus de vita tolleretur. Imperator irâ & suspicionibus tumens hujus consiliis cessit, & feralem mortis sententiam illico signat, Constantinopolim expedito cursore quam celerrimè perferendam. Præfectus Urbis Cyrillum, sibi triste illud ac ultimum fatum instare parum cogitantem, missis Janizariis in Patriarchio deprehensum, in Occidentale castrum, quod Bosporo imminet, amandat. Junii 27 die, vespere satellites illum in lembum trudentes dixerunt, se ad portum S. Stephani, qui paulo infra Constantinopolim est in litore Thracico, rectâ ituros, ut illic navi impositus ad quandam maris Ægæi insulam traducatur. At oram solventes, dum se ad carnificinam destinatam accingunt, ille flexis genibus ad Deum optimum maximum magna tum animi tum vocis contentione preces effudit, jamjam moriturus. Venerandum senem primo omni contumeliarum genere prosequuntur, deinde faciem colaphis cædunt, tandemque gutture chordâ eliso

eliso suffocant. Corpus, vestibus exutum, in mare projectum nacti Piscatores ad littus exponunt, quod aliquanto post ab amicis terræ mandatur. At hostium ipsius livor & odium non cessant: in mortuum enim inhumanissimè sæviunt. Malè enim offensi, quod tumultum reperisset, Kaimakamum (ita Urbis Gubernatorem nuncupant) adeunt, ut effosso tumulo corpus in mare projiceretur. Iterum ex aquis receptum corpus in quapiam ex insulis sinui Nicomediensi objacentibus, clam omni turba tumulabatur. Posteaquam vero Cyrillus Berrhoeensis, variis criminibus à Græcis Antistitibus apud Imperatorem, è bello Persico reducem, infamatus, sede, quam impietate summa invaserat, motus, Tunetum, ubi laqueo vitam finiit, relegaretur, Parthenius Patriarcha effossas reliquias cadaveris Constantinopolim efferrī curavit: inde post solennes in templo Patriarchali exequias, quibus ille, & è Metropolitīs non pauci, ingensque cæterorum Græcorum, qui viri optimi dirum ac triste fatum justā miseratione tacti veris lachrymis desle-

I i 2

bant,

bant, multitudo interfuere, decenti funebri pompâ, plurimis quoque comitantibus, in Templum apud Ortakui, quod ad Bosporum jacet, terrâ instratum corpus recondebatur. Ita hostium invidiâ, odio, & fictis injustissimisque criminationibus oppressus cecidit vir maximus, Cyrillus Lucarius, quem ob inculpatos mores nullis probris commaculatos, & ob acerbissimas vitæ calamitates, & cruentam mortem, quam obiit religionis Evangelicæ defendendæ causâ, quicquid censet D. Arnaldus, & Sanctum & Martyrem habeo.

Hymnus

Hymnus
MATUTINUS
GRÆCORUM.

Li 3 *Hymnus*

EXAMINE
M. A. T. T. I. N. I. S.
R. E. C. O. R. U. M.

113 H. 113



Hymnus Matutinus Græcorum.



CUM plurima de libris Liturgicis Græcorum, & præsertim de hymnorum & precum formulis illic reperiendis, quæ non minimam sacri cultûs partem constituunt, non inutilitèr observari possent, ex harum ingenti copiâ vetustissimam juxta ac piissimam Doxologiam paucis illustrare proposui, tum quod invictissimum Catholicæ veritatis argumentum contra nuperos Dogmatistas, qui sub sincerioris Theologiæ titulo antiquam & Apostolicam de sanctissimæ Trinitatis & Divinitatis D. nostri Jesu Christi mysteriis

I i 4 fidem

fidem subdole & impiè depravarunt, meritò debet æstimari, tum quod in Ecclesiæ Anglicanæ Liturgiâ, quæ resectis, quas assuerat superstitio, lasci- niis, juxta regulas primævæ Antiqui- tatis reformata & composita, post sus- cepta sacratissimi corporis & san- guinis Christi symbola, quasi ad complendum ritum Eucharisticum, cani, aut præeunte Sacerdote junctis omnium, qui sacris interfunt, vocibus, recitari solet.

Apud Græcos singulis diebus manè, ut ex ἀρχιιερά τῷ ὀρθρῷ patet, & ἐν τοῖς ἀποδείπνοις, sive precibus post cœ- nam peractam, antequam eunt dormi- tum, fusis, in Monasteriis, ubi indefes- sæ pietatis adhuc-dum vigent officia & ἀσκήσεις, legitur, diebus verò Domi- nicis & celebrioribus anni festis psal- litur μελωδικῶς.

Communissimè apud illos nuncupa- tur ἡ μεγάλη δοξολογία, sive magna doxologia, ut ab altera, (quam μικρὰν δοξολογίαν, sive minorem doxologiam, utpote in breve verborum compen- dium contractam, Sanctissimæ Trini- tatis glorificationem appellant) distin- guatur

guatur quam post singulas Psalmorum
 τράσεις five sectiones, & sæpe alias, ex
 præscripto & prout officiorum ratio
 postulat, subinde repetunt, hac for-
 mulâ, δόξα Πατρὶ καὶ υἱῷ καὶ ἁγίῳ πνεύ-
 ματι, * καὶ νῦν καὶ αἰεὶ καὶ εἰς τὰς αἰῶνας τῷ
 αἰώνων, *Gloria Patri, & Filio, & Spi-
 ritu Sancto, & nunc & semper & in se-
 cula seculorum. Amen.* De qua obiter
 (neque jam id ex professo agitur) an-
 notabo, hanc quoque apud S. Atha-
 sium περὶ παρθενίας exstare, nisi quod
 τῷ αἰώνων illic desit; & apud S. Basi-
 lium de Spiritu S. ad Amphilo-
 chium, c. 7. μὲν τὸ υἱὸν ἢ δόξολογίαν προσάγομεν
 τῷ πατρὶ & cap. 27. εἰρηλατῶν, ὅτι λαυ-
 τὴν ἔστι πρὸς διάνοιαν εἰπεῖν, δόξα πατρὶ
 καὶ υἱῷ σὺν τῷ πνεύματι τῷ ἁγίῳ, καὶ δόξα
 πατρὶ, καὶ υἱῷ καὶ τῷ ἁγίῳ πνεύματι. Cum
 verò hanc posteriorem formulam, cui
 ab antiquo populus assueverat, cum
 priori commutaverit, mirum quan-
 tam invidiam, & quam acres censuras
 sibi peperit apud plurimos, quibus
 hæc displicuerat innovatio; hinc il-
 lum criminandi ansam arripientes,
 quasi de Spiritu S. parum sanè & Ca-

* Quandoque τὸ καὶ ante νῦν omittitur.

tholicè

tholicè sensisset: ut inde istum librum Apologeticum sui purgandi causâ scribere fuerit coactus.

Alio nomine appellatur * Hymnus Angelicus, ob antelogium, quo recentissimos Christi natales celebrarunt Angeli, ἀινέσεις † Θεόν S. Lucae cap. 2. Antiquitus verò ob quotidianum Christianorum usum ‡ προσευχή ἑωθινή, oratio matutina, & rectiùs ὕμνος ἡωθινός sive hymnus matutinus. Iste enim titulus præfigitur post odas è scripturis desumptas, quæ Psalmos sequuntur, in codice Alexandrino, antiquitatis venerandæ, quam characteres præ se ferunt, gemmis ἀντίχάλανθις longè pretiosiori, quem ad serenissimum Regem Carolum primum dono misit reverendissimus D. Cyrillus Lucarius, qui ex Ægypto, ad Thronum Constantinopolitanum adscitus, illum extulerat. Hunc jussu serenissimi Regis Caroli secundi augustæ memoriæ utendum habui, ut diligentissima

* Apostolic. Constitut. lib. 7. cap. 47.

† Ita inscribitur in libro Hymnorum vetusto M.S. Bibliothecæ Bodl. de quo statim, pag. 72. Ymnus Angelicus Græcâ linguâ compositus; sed vide Reverendiss. Usserium, de symb. Apostol. p. 33.

cum Vaticano exemplari collatione factâ integer excuderetur. Quibus verò de causis in opere elaborando non processum fuerit, effari non licet, multo minus queri licebit.

Hinc sane videtur rectissimè concludi, hunc hymnum Davidicis annexum, in publicis Christianorum coetibus, quando *stato die* (h. e. dominico) *ante lucem convenire carmenque Christo quasi Deo dicere secum invicem soliti essent*, quod de illis testatur * Plinius, ab ultima antiquitate olim fuisse recitatum; inque eorum numero, quos ex libro adversus Artemonis hæresim memorat † Eusebius ἀπ' ἀρχῆς sive à primis Christianismi initiis à fidelibus, qui summis laudibus Christi Divinitatem concelebraverint, conscriptos, referendum || plusquam verisimile videri; & denique cum cæteri ψαλμοὶ ἰδιώτικαι, h. e. à privatis hominibus pro more istius ævi, quorum

* Epist. 97. lib. 10:

† Hist. Eccles. lib. 5. cap. 28. ψαλμοὶ δ' ὅσοι καὶ ὠδαὶ ἀδελφῶν ἀπ' ἀρχῆς ὑπὸ πρεσβ. γερουσίου, ἡ λόγον τῆς Θεῆς ἡ κεκόνον ὑμνεῖσι θεολογικαί.

|| V. Reverendissimi J. Vsserii Armachani diatribam de Symbolo Apostolico, pag. 34.

pietatis & zeli quam prudentiæ in ejusmodi sacris compositionibus potior ratio haberetur, contexti, vigore penultimi canonis Synodi Laodicensæ, quæ illos publicè in Ecclesia cani vetuerat, in desuetudinem abiissent, tanquam ab aliquo θεοπνεύτω dictatum, apud Christianos ubivis per universam Asiam, Syriam, & Ægyptum obtinuisse. Hoc innuere videtur * S. Athanasius, qui Virgines, ad quas scribit, monet, ut, quamprimum dilucesceret aurora, quo sacris pietatis officiis majori cum fructu seorsim vacare possint, hunc decantatissimum hymnum repetant, positis, quæ ab initio occurrunt, verbis, cum quod reliquum erat à cujusvis memoriâ facillimè potuisset suppeditari. Dum vero vulgatissimum hujus hymni usum, dum antiquitatem à primis seculis repetitam, dum apertissimos & simplicissimos Theologiæ veterum Christianorum

* Περὶ παρθενίας, versus finem. Πρὸς τὸ ὄρθρον ὃ τὸ ψαλμὸν τὸνδε λέγετε, ὁ Θεὸς θεὸς μὲν, πρὸς σὲ ὄρθεῖς, ἐδίψασέ σε ἡ ψυχὴ μὲν. Διαφύμα ὅν, εὐλογεῖτε πάντα τὰ ἔργα τῶ κυρίου, τὸ κυρίου. Δόξα ἐν ὑψίστοις Θεῷ, καὶ ὅτι γῆς εἰρήνη, ἐν ἀνθρώποις εὐδοκία, ὑμνεῖμέν σε, εὐλογεῖμέν σε, προσκυνεῖμέν σε, καὶ τὰ ἑξῆς.

Iensus feriò contemplor & ob oculos pono, planè adducor, ut credam, eundem prorsus esse cum ὡδὴ πολυώνυμος, cujus meminit Lucianus in Philopatri-
tride, in qua impiissimus iste scurra peculiaria Christianæ religionis dogmata, sacrumque, qui tum in usu erat, cultum ex industria traducit, hisce Triephontis ad Critiam verbis, ὡςτε ἕασιν ἴετας, ἢ ὠχὴν ἀπὸ Πατρὸς ἀρχαμύου, καὶ πολυώνυμον ὡδὴν εἰς ἑλὸς ὀπιθεῖς. Quæ sic intelligo, istius ævi Christianos preces ab oratione Dominica auspicatōs, hoc hymno, qui varias Dei & Christi appellationes continet, addito quasi colophone, iisdem defungi consuevisse. Mihi enim videtur ὠχὴν & ὡδὴν distinguere debere. Cæterum, si quispiam unicam eandemque orationem ex supplicationibus & laudibus simul compositam esse velit, non multum refragabor, modò concedat, quod mihi ex materia indè petita persuasissimum est, ad hanc insignissimam oden, potius quam ad Orationem Dominicam, licet in cultu sacro nunquam omisam, allusum fuisse.

Exstat Doxologia hæc Græcè edita in fine Liturgiæ S. Chrysoſtomi, ab Ambroſio Pelargo Niddano, ordinis Prædicatorum, Wormatiæ 4^o. an. 1541. quem Simeon Siracusanus (uti ille loquitur) Popponem Trevirorum Archiepiſcopum è Terra Sancta, quam religionis forte cauſâ inviſerat, redemptum comitatus, Treverim attuliſſe fertur. Codicem autem hunc miræ vetuſtatis eſſe deprædicat, ac ante mille annos deſcriptum fuiſſe, & ante octingentos plus minus annos Treverim allatum. Pauculas variationes in margine appoſui ſub nota Tr. Librum autem iſtum, rariſſimum quidem & vix alibi reperiendum, ex ipſius Bibliotheca, quantivis pretii ceimeliis reſertiffimâ, utendum dedit vir conſumatiffimæ eruditionis, & omni laude major, D. Thomas Marſhallus S. Theologiæ Profeſſor, Collegii Lincolnienſis Oxon. Rector & Decanus Eccleſiæ Cathedralis Gloceſtrienſis, qui, ut dolorem, quem ex deſiderio tam chari capitis, licet ægerrimè quidem, taceam, ingenti ſacrarum literarum damno nuper ex hac vita deceſſit. Facile quoque videbis

videbis formam istam, quæ in Libro Constitutionum Apostolicarum paulò amplior occurrit, cum Codice Treverensi magis convenire, quàm cum nostro Alexandrino. Sed discrimen utriusque adeò leve & nullius momenti est, ut in cæteris mirifica consensio perplaceat. Reperi quoque hunc divinissimum Hymnum ad finem duorum Psalteriorum Græcorum MSS. in Bibliotheca Bodleiana, quorum alterum num. 15. in 8^o. inter Codices Baroccianos, scriptum erat ante quingentos & septuaginta plus minus annos, ut ex circulis Paschalibus post præfationem S. Basilii, Theodoreti, & Cosmæ Indico-pleustæ illic descriptis abunde liquet. Horum enim primus incipit ab anno Creationis 6613. sive Christi 1105. ultimus verò desinit anno ejusdem Epochæ 6648. sive Christi 1140. Circa hujus intervalli initia codicem descriptum fuisse hæc tabulæ ad computum Ecclesiasticum spectantes, quæ futuris annis, uti solent Ephemerides & Calendaria, prospicere meritò censendæ sint, liquido testantur. * Alte-

(*) N.B. 2. 17. in quarto.

rum

rum vero in 4^o exaratum ante sex secula (nisi antiquioris exemplaris planè sit Apographum) ut edoctus sum è circulis Paschalibus non longè ab initio præmissis, quorum primus incipit A. M. 6459. ultimus, ni fallor, desinit in annum 6512. eo usque enim conjectari licet paschales illos circulos continuari in quatuor foliis esectis, in quorum extremitatibus manent vestigia circulorum.

Interim non negaverim verba subinde interspersa, puta *μῦθαι, ᾠδὰς*, & istiusmodi (ut nihil de characteribus Ruthenicis huc illuc occurrentibus dicam, cum à recentiori manu potuissent adjici) tantam antiquitatem haud sapere. Pariter quoque occurrit una cum cæteris odis ad finem Psalterii Græcè scripti in Bibliotheca Collegii sanctæ & individuae Trinitatis Oxon. quod olim fuerat insignissimi viri, D. Thomæ Pope, Equitis Aurati, Fundatoris. Id entidem S. Notkeri Antiphonarium sive librum Hymnorum MS. in * Archi vis Seldenianis pulcherrimè, additis notulis musicis, descrip-

* Num. 27. quarto, formæ minoris.

tum, monitu eruditissimi mei Amici, D. Edvardi Bernardi, S. T. D. & Savi-
liani Professoris Astronomiæ, consului,
in quo præter versionem Latino Ser-
mone expressam, (quam Ecclesia An-
glicana juxta Rituale in Ecclesiis Oc-
cidentalibus ferè ubivis locorum usu
receptum ad amussim sequitur) nisi
quòd ab antiquissimo Græco exempla-
ri paulò variatum sit, Græcè quoque;
characteribus licèt Latinis, exstat. Va-
riantes Lectiones literâ N. notatas
habebis.

Deniq; reperi bis Græ-
cè, sed Latinis literis, iisdem
prorsus verbis in alio non
mediocris vetustatis hym-
norum libro, tempore, ut
mihi videtur, quo Saxones
rerum in Anglia potirentur, descripto,
cui varii musicorum modulorum ac-
centus ad dirigendos cantores appo-
nuntur.

Membran.
quarto ob-
longo, num.
63. super Art.
A. in Biblio-
theca Bodlei-
ana, pag. 28.
72.

Ὑμνὸς Ἑωθινός

Juxta exemplar Alexandrinum, uti illic inscribitur, uti etiam in tribus aliis codicibus MSS. quos consului.

Δόξα ἐν ὑψίστοις Θεῷ
 Καὶ ὅπῃ γῆς. εἰρήνη,
 Ἐν ἀνθρώποις (a) ὑδοκία.
 (b) Αἰνῶμέν σε,
 Εὐλογῶμέν σε,
 (c) Προσκυνῶμέν σε,
 Δοξολογῶμέν σε,
 (d) Εὐχαριστῶμέν σοι,
 Διὰ τὴν μεγάλῃν σε δόξαν.
 Κύριε Βασιλεῦ
 Ἐπεράνιε,

(a) Ita pro more in isto codice vetustissimo scribitur προδοκία, uti quoque in Constitut. Apost. lib. 7. cap. 47. & apud S. Athanasium περὶ παρθενίας, Psalter. Oxon. & Psalter. Coll. Trin. Oxon. & alter iste tropariorum codex. Treverensis Codex & S. Notkeri Antiphonarium habent ὑδοκίας.

(b) Vice τῆς αἰνῶνός σε substituitur apud S. Athanas. in Psalt. Oxon. 80. Cod. Trin. & in Horologio ὑμνῶνός σε. In Cod. Tr. inter αἰνῶνός σε & εὐλογῶνός σε interponitur τὸ ὑμνῶνός σε, uti etiam in Constit. Apost. & Psalter. Oxon. 40.

(c) Postponitur τὸ δοξολογῶνός σε in Constit. Apost. post, immediate verbis plane interpolatis sequitur, διὰ τὴν μεγάλην Ἀρχιερέως, σε ἣ ὄντα δέδωκεν, ἀγγέλλων τὸν ἑνα, ἀπερὶ σὺν τῶν μόνων, deinde διὰ τὴν μεγάλῃν —

(d) Εὐχαριστῶνός σε, Psalt. Oxon. 80. malè deest omnino in Tr. & Constit. Apost. at habet vetus exemplar Wormatiense, uti annotavit Pelargus.

Θεὸς (e) πατὴρ παντοκράτωρ,
 Κύριε υἱὲ (f) μονογενῆ,
 Ἰησοῦ Χριστὲ,
 (g) Καὶ ἅγιον πνεῦμα·
 Κύριε ὁ Θεός,
 (h) Ὁ ἀμνὸς τοῦ Θεοῦ,
 Ὁ υἱὸς τοῦ πατρὸς,
 Ὁ (i) αἰών (k) τῶν ἀμαρτίας τοῦ
 ἡρώμε·

(e) Πάτερ παντοκράτωρ, Tr. Const. Apost. Psalter. Oxon. Cod. Trin. N. & Horolog. post παντοκράτωρ in Const. Apost. cætera, quæ sequi debuerant, ita confunduntur, Κύριε ὁ Θεός, ὁ πατὴρ, τὸ Χριστὸν, τὸ ἀμώμω ἀμνὸν, ὃς αἶρει τῶν ἀμαρτιῶν τὸ κόσμον, πρὸς δεξιά τῶν δέσποιν ἡμῶν, ὁ χαρὴν κῆρ· ὃν τὸ Χερυβὶμ· ὃν σὺ μόνον ἅγιον, σὺ μόνον κύριον Ἰησοῦς Χριστὸς τὸ Θεὸν πάσης γυννητῆς φύσεως, τὸ Βασιλεὺς ἡμῶν, δι' ἧς δόξα, πᾶσι καὶ σέβας.

(f) Ita quoque Psalter. Oxon. 4^o. at Tr. Psalter. Oxon. 8^o. una cum libris impressis rectius μονογενῆς. N. habet imperfectè μονογεῖ. Alter hymnorum liber Monogeni.

(g) Desunt hæc verba de Spiritu S. in N. utpote quæ in fine reponuntur. Cæteri codices, etiam liber alter hymnorum, hæc habent, uti in proprio & debito loco.

(h) Deficit articulus ὁ, Tr.

(i) αἰών Tr. mendose : & fortasse non Librarii sed Typothetæ mendum.

(k) τῶν ἀμαρτιῶν, numero singulari Const. Apost. Psalteria Oxon. Cod. Trin. uti etiam N. & alterum Antiph. & quantum est codicum impressorum, juxta Evangel. S. Joannis cap. I. v. 29. Schol. in Marg. in 4^o. ex Theodoro, τὸν Ἀδὰμ λέγει, ἢ τὸ δαίνασον τὸ αἰώνιον concordant verò omnes in sequente versiculo, habentque Pluraliter — τὰς ἀμαρτίας — ubi hoc Scholium eidem Codici apponitur & Theodoro, τὰς τὸ πλήθος λέγει.

Ἐλέησον. (l.) ἡμῶν,
 Ὁ αἰρων τὰς ἀμαρτίας τῷ κόσμῳ.
 Περὶ δεξαί τῶν δέησιν ἡμῶν,
 Ὁ καὶ δόξα. (m) ἐν δεξιᾷ τῷ Πατρὶ
 (n) Ἐλέησον ἡμᾶς,
 (o) Ὅτι σὺ εἶ μόν. αἴγι,
 (p) Σὺ εἶ μόν. κύριε,
 Ἰησοῦς Χριστὸς
 Εἰς δόξαν Θεῷ Πατρί. Ἀμήν.

(l) ἡμῶν. Tr. malé.

(m) Psalter. Oxon. 80. ἐν δεξιῶν.

(n) Græci in ἀκολουθία τῷ ὁρθρῳ, & alibi, nescio quâ
 auctoritate freti, semper hîc præfigunt &, quod planè redan-
 dare videtur.

(o) Deest. εἰ in Const. Apost. uti supra videre est, in N. &
 ἐν altero Antiph. Occurrit quippiam simile in Constit. Apost.
 lib. 8. cap. 13. εἰς αἴγι, εἰς κύριε, εἰς Ἰησοῦς Χριστὸς,
 εἰς δόξαν Θεῷ Πατρί.

(p) Post σὺ εἶ κύριε μόν. sequitur in N. & in altero
 Antiphonario σὺ μόν. ὁ ψις Ἰησοῦς Χριστὸς σὺν ἀγίῳ
 πνύματι εἰς—habet quoque Psalt. Oxon. 40. σὺν ἀγίῳ
 πνύματι εἰς—

Hymnus Matutinus (a) ex Antiphonario S. Notkeri.

*Gloria in excelsis Deo,
Et in terra Pax,
Hominibus bonæ Voluntatis.
Laudamus Te,
Benedicimus Te,
Adoramus Te,
Glorificamus Te,
Gratias agimus Tibi,
Propter magnam gloriam Tuam,
Domine Deus, Rex Cælestis,
Deus Pater Omnipotens.
Domine fili Unigenite
Jesu Christe,
Domine Deus,
Agnus Dei,
Filius Patris,
Qui tollis peccata mundi,
Miserere nobis,
Qui tollis peccata mundi,
Suscipe deprecationem nostram.
Qui sedes ad dextram Patris,
Miserere nobis,*

(a) Ita quoque in Psalterio Lat. NE. A. 3. 7. 40. minari.

Quoniam Tu solus Sanctus,
 Tu solus Dominus,
 Tu solus altissimus,
 Jesu Christe,
 Cum Sancto Spiritu,
 In gloria Dei Patris. Amen.

Sequuntur in eodem veneranda Antiquitatis Codice hi Versiculi, è Psalmis maximâ ex parte collecti, tanquam Hymni pars, iisdem uncialibus characteribus & planè ὡς descripsi; neque dubitandum videtur, quin simul ac eodem tempore olim recitarentur; quod hodie faciunt Græci, uti ex Horologiis manifestissimum est: malè ergo Hymni Vespertini, à quodam Viro eruditissimo, titulo insignitus est. Variantes lectio nes hîc quoque annexas habes.

(a) Καθ' ἐκείνην ἡμέραν ἐυλογίσω σέ,
 Καὶ αἰνήσω τὸ ὄνομά σε εἰς τὸ αἰῶνα,
 Καὶ εἰς τὰ αἰῶνα αἰῶνα (b) αἰῶν &

(a) Quando recitatur ἐν ἀποδείπνοις, reponunt, καθ' ἐκείνην ἡμέραν.

(b) Post hunc Versiculum sequitur in Psalter. Oxon. 80. καὶ εἰς καταφυγὴν ad finem; inde repetunt, καὶ αἰξίωσον— Immediate post finem sequuntur hi versiculi.

Κύεῖς τὸ ἔλεός σε εἰς τὸ αἰῶνα,

Κύεῖς τὰ ἔργα τῆς χεῖρας σου μὴ παύσεις.

Σοὶ πρέπει αἶνον. σοὶ πρέπει ὕμνον.

Σοὶ δοῦλα πρέπει τῷ πατρὶ καὶ τῷ υἱῷ, καὶ τῷ ἁγίῳ πνεύματι
 εἰς τοὺς αἰῶνας τῶν αἰώνων. Καταξίωσον

Καταξίωσον κύριε καὶ τὴν ἡμέραν (c) ταύτην
 Ἀναμαρτήτως φυλαχθῆναι ἡμᾶς.
 Εὐλογητὸς εἰ κύριε ὁ Θεὸς τῶν πατέρων ἡμῶν
 Καὶ αἰνεῖόν καὶ δεδοξασμένον τὸ
 Ὄνομά σου εἰς τὰς αἰῶνας. Ἀμὲν (d)
 Εὐλογητὸς εἰ κύριε, δίδαξόν με
 Τὰ δικαιώματά σου.
 Εὐλογητὸς εἰ κύριε, δίδαξόν με
 Τὰ δικαιώματά σου.
 Εὐλογητὸς εἰ κύριε, δίδαξόν με
 Τὰ δικαιώματά σου.
 Κύριε καταφυγὴ ἐλπίδος ἡμῶν
 Ἐν γῆρα καὶ γῆρα.
 Ἐγὼ εἶπα, κύριε ἐλέησόν με,
 Ἰάσαι τὴν ψυχὴν μου, ὅτι ἡμαρτόν σοι.
 Κύριε πρὸς σέ (e) κατέφυγα,
 Δίδαξόν με τὸ ποιεῖν τὸ θέλημά
 Σου, ὅτι Σὺ εἶ ὁ Θεός μου.
 Ὅτι ὧσα (f) σοὶ πηγὴ ζωῆς.

(c) Ἐν τῇ ἡμέρᾳ ταύτῃ, Psalt. Oxon. in 80. & Codices impressi.

(d) Post in ἀκολουθία τῶν ὁρθρῶν & in ἀποδείπνῳ μεγάλῳ & μικρῷ inseritur hic Versiculus, Γένοιτο κύριε τὸ ἐλεῶς σέ εὐ ἡμᾶς, καθάπερ ἐλπίζαμεν ὅτι Σέ. Uti etiam in Psalt. Oxon. 80. Occurrit quoque in altera repetitione hujus partis in 40 & post bymnum vespertinum, ubi tamen omnes versiculi non recitantur, sed alii etiam adduntur.

(e) Psalterium utrumque Oxon. habet κατέφυγον, uti etiam Codex C. Trin.

(f) Σου, Cod. Trin.

Ἐν τῷ φωσί σου (g) ὁψόμεθα φῶς.

(h) Παράτινον (i) τὸ ἐλαϊὸς σου

Τοῖς γινώσκουσιν σε.

(g) Ὁψόμεθα. Psalt. 40.

(h) Παράτινον.

(i) Itaque usu istius Codicis pro ἔλεος. In Psalterio Oxon. 40. in fine additur αἰγιό ο Θεός, αἰγιό ἰσχυρός, αἰγιό ἀθάνατος, ἐλέησον ἡμᾶς.

Per singulos dies benedicam Te,

Et laudabo nomen tuum in seculum,

Et in seculum seculi.

Dignare Domine die isto

Sine peccato nos custodire. (strorum,

Benedictus es Domine Deus Patrum no-

Et laudandum ac glorificandum est

Nomen tuum in secula. Amen.

Benedictus es, Domine,

Doce me justificationes tuas.

Benedictus es, Domine,

Doce me justificationes tuas.

Benedictus es, Domine,

Doce me Justificationes tuas.

Domine, refugium Tu factus es nobis,

In generatione & generatione.

Ego dixi, Domine, miserere mei,

Sana animam meam, quia peccavi in Te.

Domine, ad Te confugi,

Doce me facere voluntatem tuam;

Quia

*Quia Deus meus es Tu.
Quoniam apud Te est fons vitæ;
In lumine tuo videbimus lumen.
Præstende misericordiam tuam
Scientibus Te.*

Hymnus Vespertinus Græcorum.

FOrte non abs re erit, nec id pio
Lectori displiciturum credo,
Hymnum Vespertinum, cum sit cog-
nati argumenti, & ejusdem ferè cum
Matutino antiquitatis, in ejus con-
spectum hic quoque dare.

A Græcis, quod ex officio λυχνικῆ
sive Lucernarii manifestum est, sub
occasum solis, hodie recitatur, qui à
primis seculis longo usu eum deri-
vasse videntur. Nemini autem in du-
bium vocari poterit, quin prorsus
idem sit cum ὁπλυχνικῶν
γαλγία, de qua *S. Basilii

* Cap. 29.

de Spiritu Sancto ad Amphilo-
chium hoc modo disserit, ἐδόξε τοῖς πατέ-
σιν, μὴ σιωπῇ τὸ χάρις τοῦ ἑσπερινῆς
τὸς δ' ἐχέει, ἀλλ' ἐνδὺς φανέντων ἐνχα-
ριστεῖν.

ριζῆν. καὶ ὅστις μὲν ὁ πατὴρ τῷ ῥημάτι
 ἐκείνων τὸ πλῆθος ἐυχαριστίας, εἰπεῖν
 ἐκ ἔχουμεν. ὁ μὲντοι λαὸς ἀρχαίαν ἀφήσει
 τὸ φωνῶν, καὶ ἔθεντο πόπολε ἀσεβεῖν ἐνο-
 μιάσθαι οἱ λέγοντες, Ἀινῶμεν πατέρα καὶ
 υἱὸν καὶ ἅγιον πνεῦμα Θεῶν. *Visum est Pa-*
tribus nostris vespertini luminis gratiam
haudquaquam silentio arripere, sed mox,
ut apparuit, agere gratias. Quis autem
fuerit Author illorum verborum, quæ di-
cuntur in gratiarum actione ad lucernas,
dicere non possumus. Populus tamen an-
tiquam profert vocem: neque cuiquam un-
quam visi sunt impietatem committere, qui
dicunt, Laudamus Patrem & Filium &
Spiritum Sanctum Dei. De Authore
 sibi non constare ait expressissimè: ideò
 illos ratio maximè fugit, qui illum in
 sequentibus Athenogeni adscribere
 volunt. De alio enim hymno loqui-
 tur, quem sanctus ille martyrio per ig-
 nem * jamjam consummandus cecinit,
 & apud amicos reliquerat, in quo ea-
 dem de Spiritu Sancto effata occurre-
 bant. Athenogenes autem erat S. Cle-
 menti Alexandrino σύγχρονος, cujus
 ætatem longe exsuperare videtur hic

* Vide Martyrolog. Roman. ad xviii. diem Januarii.

hymnus,

hymnus, quem ob antiquitatem plusquam semel laudat * S. Basilius. Et videtur, (nam hic solis conjecturis agendum est) sive ex communi decreto institutus, sive invalescente consuetudine receptus, & apud populum maximè familiaris redditus, qui pro more solenni hanc gratiarum actionis formulam appetente nocte usurpabant. Malè igitur Græci, quo auctoramento freti nescio, hunc hymnum Sophronio Patriarchæ Hierosolymitano adscribunt. Hanc verò ὁπλὺχνιον εὐχαριστίαν perperam confundit Vir maximus D. Usserius cum ὁπλὺχνίῳ ψαλμῷ, qui est Psalmus CXL. juxta numeros Græcos, uti Psalmus Lxii. dictus est ὁρθρινόν: quod ex Athanasio in Epistola ad Marcellinum, & de Virginitate, & † ex constitutionibus Apostolicis abundè patet.

* Ante dixerat se coactum proferre hunc hymnum in testimonium διὰ τὴν τῆς χερὸν ἐρχαίοντες propter temporis antiquitatem.

† Lib. 2. cap. 59. & lib. 8. c. 35. nam proximè sequitur c. 36. περὶ τῆς ὁπλὺχνιῶν, sive Oratio Lucernalis, à Psalmo distincta, & εὐχαριστία ὁπλὺχνιῶν à nostra omnino diversa, & longè amplior, cap. 37. uti illa quoque, quæ post hymnum matutinum sequitur, & titulum præfert ἐσπερινόν, lib. 7. cap. 48.

Τμνόν

Ἕμνος ἑσπερινός.

Φῶς ἱλαρὸν ἀγλας δόξης ἀθανάτου
 Πατρός, ἑρανίου, ἀγίου, μακάροϋ, Ἰησοῦ
 Χριστέ, ἐλθόντες ὅπῃ τ' ἡλίῳ δύσιν, ἰδόντες
 φῶς ἑσπερινόν, (a) ὑμνῶμεν Πατέρα, (b)
 υἱὸν καὶ ἅγιον Πνεῦμα (c) Θεόν. (d) Ἀξιόν
 σε ἐν πᾶσι καιροῖς ὑμνεῖν φωναῖς, (e) αἰ-
 σίας, Ὡς Θεῷ, ζῶντι ὁ δίδως, (f) διὸ ὁ
 κόσμος σε δοξάζει.

Ita Hymnum hunc exhibent co-
 dices impressi.

(a) αἰνῶμεν, ita apud S. Basilium de Spiritu S. ad
 Amphilocho. cap. 29.

(b) καὶ υἱὸν apud S. Basil. uti etiam ad finem Psalterii in
 Bibliotheca Bodleiana in 4^o.

(c) Θεῷ, apud S. Basil. & in Psalt. Oxon. 4^o.

(d) Ἀξιόϋ, Psalter. Oxon. 4^o.

(e) ὁσίας Psalt. Oxon. 4^o.

(f) διὸ ὁ κόσμος ὑμνεῖ, Psalt. Oxon. 4^o.

Hymnus Vespertinus.

Lumen hilare sanctæ gloriæ im-
 mortalis Patris, Cœlestis, Sancti, Beati,
 Jesu Christe, quum ad solis occasum
 pervenerimus, lumen cernentes Vespertinum,
 Laudamus Patrem & Filium & Spiritum Sanctum Deum. Dignus es tempore quovis sanctis vocibus celebrari, Fili Dei, Vitæ dator, quapropter mundus Te glorificat.

ΕΝΩΤΙΚΟΝ

ΕΝΩΤΙΚΟΝ;

SIVE

De Causis Remediisq;

Diffidiorum,

Quæ orbem Christianum hodie affligunt,


Exercitatio

THEOLOGICA.

De Causis Remedii

Quod est Christianum
et Religiosum

THEOLOGICA



ΕΝΩΤΙΚΟΝ,
SIVE

*De Causis Remediisque Dissidio-
rum, quæ orbem Christianum
hodie affligunt, Exercitatio
Theologica.*

QUANTUM salutaris illa
Christianæ Religionis do-
ctrina conducat universæ
paci stabiliendæ, ultra
quam humani ingenii vi-
res in unum collectæ vel comminisci
possint, utinam id tum eventu con-
gruo, tum vitâ & moribus Christia-
norum adeò compertum haberetur,
ac ex designatione Christi éque debi-
tis sanctissimæ Institutionis finibus sit
testatissimum. Ne simultates in ini-
micitiam

micitiam erumpant, ne inimicitia in odium, quali severitate vel primos affectuum impetus in ordinem cogendos docet perfectissima illa vivendi norma! quale imperium dat menti, ut tumultus qualescunque, quos ira, quosve cupido ciet, facile compescantur! Quali curâ vel Deo dignâ illic cautum est, ne quis de proximo malè mereatur, ut neminem, ne hostem quidem, animo hostili tractet, magisque ab injuriis retorquendis quàm à morte subeundâ metuat, ut omnibus, non segniter quidem inertique voto, sed pro virili, benefaciat, ut denique vitam salutemque propriam alieno commodo posthabeat! Quali majestate verborum divinus ille legis Christianæ lator sancendum curavit, ut cuipiam jura, sorte nascendi, vel qualicunque modo, quem communis vitæ usus legumque civilium vigor introduxere, debita; ipsi consent, integrâque maneant! Quam felix autem mundum bearet pax nunquam interrumpenda, si nulla vis adhiberetur, si ab alienis invadendis penitus esset abstinendum, si propriâ,
quam

quam largitur Deus, forte quisque contentus, in illud quod aliorum est vi & armis non grassaretur ! Ita à Christo optimè consultum erat humani generis commodo, ultra omnem vel prudentissimorum Legislatorum institutionem. At de iis, qui ipsi nomina dederint, & in omne ævum daturi essent, quanto sanctiori curâ æstuatbat Christi pectus, ut mutuus ille amor, quem eadem Fides, quem eorundem Sacrorum communio, quem ejusdem beatissimæ sortis in cœlis fruendæ spes tot tantisque nominibus poposcerat, promptissimâ sibi invicem benefaciendi voluntate, charitatisque, cum frequens postulaverit occasio, officiis augeretur & in æternum perennaret ! in hoc adeò intentus erat, quasi animam effusus, antequam cruci affixus moreretur, utpote qui mundo valedicturus in illa divinissima Oratione, apud D. Johannem, cap. xiv. quâ Discipulos non tam docuit, licèt & docuit potentissimè, quam demissè, si ita loqui fas sit, & humillimè, & affectu planè obstupefciendo obtestatus est,) nihil antiquius potiùs-

ve habuit duxitque, nihil, quod ipsi charius, illisve utilius videretur, nihil, quod ipsius amorem ostenderet magis, aut magis ipsorum curam mereretur.

Huic autem postulato, cui præsidio erant tum summa illa, quâ nititur, auctoritas, tum æquissima ratio, ne sine impietatis & sacrilegii reatu, aut sine periculo propriæ salutis à quocumque violaretur, quis crederet ipsos Christianos, Christi juxta ac sui immemores, usque adeò audere, ut contra eant, quasi non amore mutuo aut animorum consensu, sed convitiis, sed partium studio, sed dissentionibus, sed odio Christiani esse dignoscerentur? Diu est, ex quo hanc vesaniam luens, tantis malis ingemuerit Ecclesia Catholica, infidæ, uti videtur, paci, à tot lanienis stragibusque, quibus ab Ethnicis Imperatoribus, qui collabentem Idololatriam his quasi tibicinibus suffulciendam putaverint, ubique sævitum erat, & sibi denuò restituta, ut à Christianis longè atrociora pateretur, per quorum ferociam vix habuit, quod de Neronibus, de Deciis, de Diocletianis

cletianis vel minimùm quereretur. Quos enim metus, quos pudor, quos Christiani nominis reverentia, quos commune periculum sibi invicem antea intimo affectu conciliaverant, cum jam non amplius à Gentilium Magistratum Tribunalibus, ab armatis militibus, à crucibus, à leonibus, à flammis metuendum esset, cum securissimèliceret esse Christianis, cum Imperium Romanum quantum quantum erat, in fidem, quam tanto furore nuper amolitum iverit, transisset, hâc stupendâ felicitate & otio, quod Deus fecerat, malè usi, in se, cum hostes deessent, procacitèr satis inolescere cœperant. Fidei simplicitate insuper habitâ, de opinionibus & ritibus, quasi salus æterna ab iisdem pependisset, acritèr certatum est, unde amisâ charitate, dum quisque altercando victoriam sibi meditatur, malæ suspiciones & jurgia Schismati viam aperuerint. Hinc altare adversus altare, cathedra adversus cathedram erigitur, & malefani seditiosique oratores è pulpitis classicum canunt ad bellum sacrum, tanquam cum hostibus Christi pro summa Religio-

nis conflicturi: hinc à mutua communione utrinque abstinendum esse pietati ducunt, quasi cum Ethnicis & Judæis minori cum periculo & reatu esset communicandum. Hinc odiosæ criminationes impactæ, execrabilésq; tituli, quasi à Fide Christiana penitus defecissent: è quibus iniquissimis censuris tandem oritur odium planè irreconciliabile, & nullâ arte, obsequio nullo, dum hæc malas opiniones animo insidere patiuntur, emolliendum.

Tantum verò abest, ut fatale hoc incendium, quo dudum exarsit Ecclesia, quicquam hodiè remittat virium, ut, novo fomite addito, majori impetu sæviat, ita ut flammis ipsius neutiquam sit obsistendum. Quotusquisque est à misericordia, à pietate, ab affectu humano adeò alienus, qui tumultuum, quibus adhuc dum concutitur orbis Christianus, meminisse totus non horreat? non illos volo tumultus, quibus, flagrante bello, iratis manibus tot opimis victimis impio & barbaro ritu immolatum est, sed quos hæc facerrima circa Religionis apices dissidia excitarunt, in quibus ne animabus

Dissidiorum Exercitatio Theologica. 163
mabus quidem parcitur, dum illæ ad
Gehennam, ad æterna supplicia diris-
simis excommunicationibus senten-
tiisque decretoriis, quantum valet fu-
riosus hic Zelus, damnantur. Ita ni-
mirum summæ pietatis esse videtur
malè iis augurari, a quibus vel in le-
viculis erit dissentiendum. Interim
dum quisque ambitioni, famæ, inge-
nio strenuè velificatur, dum parti,
quam vel fors ingerit, vel præjudi-
cium, institutio, aut commodum
suadent amplectendam, perquam
immoderatè favet, dum mundanus
amor, metusque, ne quicquam famæ,
honori, pompæ indè decedat, veritati
obstruunt, dum præfracta mentis ob-
stinatio omnem tolerantiaæ aditum
præcludit, licèt dissidia æterna for-
tasse nolimus, invidiamque tantæ
criminationis à nobis ipsis ingenti
cum industria amoliamur; per socor-
diam proterviàmque nostram planè
obstat, quo minus ea sopiantur, dum
non, juxta præscriptum Apostolicum,
in Epistola ad Romanos, cap. 14. v. 19.
*quæ ad pacem faciunt, sectamur, nec quæ
ad mutuam ædificationem.*

In horum tumultuum, quibûs Christiani in opprobrium tam sanctæ & venerandæ professionis tantâ cum acritate inter se hodiè committuntur, originem inquirendum proposui, unde nimirum ac quibus de causis ab hac mansueta indole, & ab hoc pacis & mutux ædificationis studio, quod his in verbis affectu paterno suadet, & authoritate Apostolicâ jubet Sanctus Paulus, discessum fuerit; deinde ecquid spei redintegrandæ pacis Ecclesiasticæ inter Christianos reliquum sit, quibûsque tandem remediis, horrendis istis malis, quibus orbis Christianus propemodum conficitur, occurrendum sit, exploratum ibo.

Quod ad primam disquisitionis nostræ partem spectat; Ea quæ Christianorum dissidiis originem dederint, & ne fraterno, qualem esse decet, affectu, eorundemque sacrorum consortio simul coalescerent, maximè fuerint impedimento, his sequentibus capitibus concludam, cæteris omissis, quæ sunt levioris momenti, vel ad hæc facile reducendis.

Quorum primum & præcipuum videtur,

videtur, eò quòd à simplicitate fidei Christianæ immane quantum discedatur.

Cum nascente Christianismo Apostoli miraculis reliquisque Spiritûs Sancti donis ad id muneris feliciter exequendum coelitus instructi, quilibet nempe in propria provincia, prout ipsi sortitò obtigisset, Evangelii præconium fecerint, non res erat adeò operosa, quod ad fidei doctrinam spectat, nec tantâ disquisitione indigebat, fieri Christianum: cujus equidem mysteria in ingentem non excrevisse numerum hinc abundè constat, quod summa credendorum in brevem epitomen formulamque ab iisdem redigeretur, eamque simplicem, ac sine difficilibus tortuosisque verborum nodis ambagibusque nudè & clare propositam, ut licet res ipsæ humani intellectûs vim planè exsuperent, & ab ingenio, utut subtili & curioso, frustra captentur, ne Idiotæ quidem, minusque gnari, siquid sapiant, sibi quoque hâc in re non consultum fuisse causari debeant. Hæc autem fides in regionibus maximè dissitis, quibus

nullum commercium intercesserat, una eademque emicuit ; non aliter Romæ aut Corinthi quàm Hierosolymis credebatur. Eodem spiritu acti, Christianos, quotquot uspiam erant, eadem creditu necessaria docuère : inde mirabilis ille istiusmodi Dogmatum apud omnes consensus erat, quasi non seorsim sed communi Apostolorum simul præsentium Consilio totum illud sanctissimum negotium perageretur. Extremo enim Orienti hæc ex parte cum Britanniis nostris conveniebat, quasi primis illis Ecclesiæ seculis sine beneficio & usu Pyxidis nauticæ, ingenti Oceano peragrato, paritèr ac hodie, hæc illâc facile esset navigatum. Quod utique de reliquis dicendum est, uti præclare ostendit Sanctus Irenæus in libro primo adversus Hæreses cap. 3. inde fidei veritatem, è tot nimirum Gentium, quas tanta locorum intercapedo, tanta tum sermonis tum morum dissimilitudo, & tot maria interfluentia à se invicem discriminârunt, consensu, ineluctabili argumento evicturus,

evicturus, * *Nam etsi, inquit, in mundo loquelæ dissimiles, sed tamen virtus traditionis una & eadem est, & neque hæ, quæ in Germania fundatæ sunt, Ecclesiæ aliter credunt, aut aliter tradunt, neque hæ, quæ in Iberis sunt, neque hæ, quæ in Celtis, neque hæ, quæ in Oriente, neque hæ, quæ in Ægypto, neque hæ, quæ in Libya, neque quæ in medio mundi sunt constitutæ: sed sicut sol creatura Dei in universo mundo unus & idem est, sic & lumen & prædicatio veritatis ubique lu-
cet, & illuminat omnes homines, qui vo-
lunt ad cognitionem veritatis venire. Ita Ille. Omnibus itaque in ejusdem fidei
professionem sacro Baptismi ritu re-
ceptis, si fortè fortunâ alter alteri in-
tervenisset, diversarum licet gen-
tium, agnitâ hâc Fide, quam uterque
habuerat communem, in mutuos am-*

* Καὶ γὰρ αἱ κατὰ τὸν κόσμον διαλέκτοι ἀνέμοιαι,
ἀλλ' ἡ δύναμις τῆς ἀποστολῆς μία καὶ ἡ αὐτή. Καὶ οὔτε
αἱ ἐν Γερμανίᾳ ἰδρυμέναι Ἐκκλησίαι ἄλλως πίπτου-
σιν, ἢ ἄλλως ἀποστολεῖσιν, οὔτε ἐν τῇ Ἰβηρίᾳ, οὔτε
ἐν Κελτίᾳ, οὔτε κατὰ τὰς Ἀνατολὰς, οὔτε ἐν Αἰγύπ-
τῳ, οὔτε ἐν Λιβύῃ, οὔτε κατὰ μέσσην τὸν κόσμον ἰδρυμέναι·
ἀλλ' ὡς πρὸς ἡλίου τὸ κτίσμα τὸ θεῶν ἐν ὅλῳ τῷ κόσμῳ
εἷς καὶ ὁ αὐτός, οὔτω καὶ τὸ κήρυγμα τῆς ἀληθείας πανταχῇ
φαίνει, καὶ φωτίζει πάντας ἀνθρώπους, τοὺς βουλομένους εἰς
ἐπίγνωσιν ἀληθείας ἐλθεῖν.

plexus

plexus hic & ille ruebant, quasi integram ætatem sub iisdem Magistris simul contrivissent. Neque aliter fieri potuit, quia nondum ab Institutionibus Apostolicis, per innocentiam, per zelum, per constantiam istorum temporum erat variatum: non quasi in omnibus convenisset, nullâ opinionum varietate interpositâ: (Hoc enim in tanta ingeniorum varietate neuti-quàm sperandum erat, & absurdus est, quàm ut id quispiam vel somnians fingat) modò de integra in Christum Fide constiterat, in cæteris impunè & sine censura licuit secus opinari. Neminem præjudiciis suspitionibusque iniquis prægravabant: à tali, tanquam à sacro & piaculari capite, non censuere aufugiendum.

At dum in Ecclesia constituendâ indefesso prædicationis labore per universum terrarum orbem insudatum esset, quo posteritati, post illos inter Coelites receptos, in omne ævum meliùs consuleretur, eandem, quam prædicarant, Fidem in æternis monumentis consignatam voluere iisdem sanctissimi homines, ut hæc oracula falli
nescia,

nescia, si quod dubium oriretur, si quis audaculus lasciviente ingenio fretus rebus studeret novis, si quod novum dogma Apostolicæ traditionis prætextu introducere quispiam malè ferriatus satageret, sciscitatum iretur. Ad hos itaque sacros codices, tanquam ad normam Fidei, ubique erat provocatum; ex hoc illibato fonte veritatis divinæ latices petebantur: hinc an quispiam de Fide rectè an malè senserit, disceptatum: modò veritati Evangelicæ non detractum erat, de quæstionibus subtilibus nulla lis cuiquam movebatur. Eodem communionis jure quisque gaudebat; iisdem sacris pietate concordî simul interfuêre, à quibus, si quispiam pro necessitatibus disciplinæ arceretur, illud malis ipsius moribus, quos hâc methodo Ecclesia emendandos cupiebat, unicè erat imputandum.

Cum verò Hæreticorum pertinacia, subtilibus malefani ingenii argutiis strophisque freta, scripturalibus Fidei propositionibus sibi minimè acquiescendum duxerit, cum in arcana cœli, quibus investigandis planè deficit intellectus,

telleetus, sacrilego ausu involârit, cum
 revelationibus rejectis insupérque ha-
 bitis, veritati Evangelicæ reclamârit,
 cum denique malis artibus à vera Fi-
 de retinendâ imbecilliores, quos hoc
 exitiale virus afflârat, avellerentur, de
 Consiliis œcumenicis indicendis, ne
 ex læsa Fide læderetur simul pax Ec-
 clesiæ, à Constantino reliquísque piis-
 simis Imperatoribus seriò erat cogita-
 tum. Tot verò heroum, qui illic con-
 venerant, labor non in condendis no-
 vis articulis, sed in veteribus expli-
 candis totus impendebatur : horum
 enim vetuère tum zelus, ne antiqua
 Fides ἀπαξ ὡς ἑδοξείτο, h. e. simul
 tradita facefferet abirétque in desuetu-
 dinem, tum pietas, ne nova procudere-
 tur. Quid enim aliud, ut Vincentii
 Lirinensis cap. xxxii. Commonitorii
 verbis utar, *Consiliorum Decretis enisa*
est [Christi Ecclesiâ] nisi ut quod antea
simpliciter credebatur, hoc idem postea di-
ligentiùs crederetur, quod antea lentiùs
prædicabatur, hoc idem postea instantius
prædicaretur, quod antea securiùs cole-
batur, hoc idem postea sollicitiùs excole-
retur? hæc Ille. Itaque quo penitùs
 obmu-

obmutesceret Hæresis, seque elisam victamque fateretur, Scripturarum sacrarum præsidio potissimum fulti, constantissimâ omnium Christianorum de Fide rectè sentientium, seculis retroactis; praxi, & antiquissimis iisque verissimis Traditionibus in subsidium quoque adhibitis, veritati Christianæ, quam Arius, Nestorius reliquique infames Hæresiarchæ offuciis & glossematis corruperant, brevibus symbolis optimâ quidem curâ prospexerunt, ut inde mysteria fidei, quibus religio Christiana salusque Christianorum innituntur, melius explicatiúsque perciperentur. Hoc insigni, quotquot ejuratâ perfidiâ ab ipsius partibus steterant, ab Hæreticis secrevit, hoc vinculo ipsos invicem firmiùs colligavit Ecclesia Catholica; utpote his tesseriis productis, pro Amicis, pro Fratribus, pro Catholicis, ubicunque essent terrarum, planè habitos. Neque enim alio auctoramento, commendatione aliâ opus erat; uti postea apud Orthodoxos formatarum Epistolarum commercio communionem Ecclesiasticam mutuò colendi & fovendi pia
&

& laudabilis invaluit consuetudo. Nec aliud veræ Fidei retinendæ exigebatur argumentum. Quàm benè Ecclesiæ Catholicæ cessurum sit, si intra hos limites obtinendæ Communionis ratio constaret, cuivis vel lippienti facile intueri est: si antiquâ Fide, quæ tot Christianorum myriades æternæ salutis compotes reddiderit, à novarum opinionum, quibus superstitio & innovandi libido originem dederunt, corruptelis assumentisque manente integrâ, iisdem conditionibus, quas vetus Ecclesia pro summa autoritate figendas curaverat, sacris interesse liceret, non adeò ubivis esset laboratum. Facili hâc methodo Schismati iretur obviam: concessâ hâc in cæteris, quæ Fidei fundamentum non attingunt, aliter sentiendi libertate, quod æquissimum est, paci æternæ consuleretur. Romanam ideò Ecclesiam violatæ pacis ream jure merito postulamus, quæ refixis primævæ antiquitatis regulis, novos articulos, tanquam Fidei magistra, licèt sub specioso Declarationis titulo & prætextu, orbi Christiano obtrudit. Qualis autem hæc tyrannis,
ut

ut nulla Scripturarum, nullâ veterum Ecclesiæ seculorum habitâ ratione, ex arbitrio Curia Romanæ, éque Sholafticorum opinionibus tota pendeat Christianorum fides, ut à Communione arceantur reliquæ Ecclesiæ, nisi se in clientelam ipsius turpiter dedant in fide erudiendas, ut denique odio Schismaticorum & Hæreticorum stigmatibus inurantur, quotquot jus suum adversus novaturientium machinationes eunt vindicatum? Ad Scripturarum normam exigatur fides; primorum temporum doctrina in criterium sanæ fidei statuatur; in usum revocentur antiqui Canones; nullâ vi conscientiis illatâ, facessant iniquissimæ conditiones; revocabitur quoque pax Ecclesiastica, omniâque in orbe Christiano salva futura sunt.

Inde enim aliud pacis ineundæ impedimentum oritur, quod secundo loco memorabo, nimirum quòd dogmata, quæ salvâ fide ignorari possint, longè majoris æstimentur, quam par est, inque rerum ad salutem creditu necessariarum censum præproprio zelo transeant.

Cum

Cum Romanis, ad quos scribit B. Apostolus, cap. 14. de Fide in Christum, æternum filium Dei, verumque Messiam & humani generis Redemptorem convenisset, ne in odium leviculis de causis exortæ dissensiones ulterius exardescant, hoc in capite cavet maximè. Non enim eadem erat omnium de cessatione Legalium opinio. Qui adultiorem Fidem nacti fuerant, sibi de erepto Judaicorum rituum iugo gratulabantur; dum cæteri, de libertatis Christianæ privilegiis haud satis firmitè instructi convictique, neminem, saltem Judæum neminem, ab iisdem ritibus observandis acriter contendunt eximendum. Hinc sententiis damnatoriis in sese tanquam in violatores legis divinæ fulminant, sibi que pessimè ominantur; quasi utrosque idem cælum non recipiat. Quid ad hæc Apostolus? Hanc animorum impotentiam ipsi maximè displicere docet, utpote à moribus Christianorum alienissimam; neminem tantillâ de re in æternum periclitaturum; infirmioribus, quibus veritas ista non adeò clarè patebat, hæc ex parte

parte paululùm indulgendum esse; nec ab his fidem Christi, quam susceperant, ejuratam, qui vim aliquam obligationemq; rituum retinendorum adhuc restare censuerint, nec ab illis Legem Divinam quoquo modo læsam, qui nullam; à mutua Communionem hac de causa non alterutrinque abstinendum; liberum cuique judicium permittendum, modò in Christum rectè credat; fidem hanc communem, de qua inter utrosque convenit, esse validum satis futuræ concordie fundamentum; & denique paci ædificationiq; mutuæ potiùs studendum esse, quàm inutilibus controversiis, quæ ad rem Christianam promovendam, quæ ad utriusque partis beneficium commodumque, quæ ad sanctitatem vitæ bonosq; mores, ne minimum quidem, nihil planè faciunt.

Quanto moderatiùs se gesserint, qui posthabitâ pace ob opiniones longè minoris momenti, quàm de quibus hic certatum erat, Ecclesiam Catholicam convulsam eunt, quasi ejusdem essent cum divinis oraculis authoritatis, & eâdem plenissimâ fide amplectendæ; si Apostolum ipsis in exemplum mansuetudinis hic præeuntem sequerentur! Fidem habes, uti ille vir sanctissimus, juxta ac pru-

dentissimus monet commate vicesimo secundo, apud temetipsum habe in conspectu Dei. Dogmata, si quæ sint, uti plurima sunt, quorum gratiâ non sine summa injuria in execrandas lites exardescimus, quisque sibi privatim habeat; saltem si tandem erumpant, si in totum suppressi nequeant, ne pro oraculis venditantor, quasi actum sit de iis, quibus nulla est hæc ex parte nobiscum consensus. De particularibus Ecclesiis idem, quod de privatis hominibus, judicium esto. Dum quod universa Ecclesia olim credidit, retineant singulæ, suis tantum figant Leges, Articulos, Constitutiones: cæteræ identidem hoc jure gaudeant. Si argumentis hinc inde in propriis dogmatibus firmandis à dissidentibus utrinque contortis disputationibusque incaluisse Scholæ, salvis interim liberi judicii & conscientiae juribus, iisdem rixis non adeò malè mulctaretur Ecclesia. Hoc quippe humano ingenio dandum est, ut in rebus abditis rimandis se ultrò exerrat, inq; novis speculationibus sibi maxime placeat, modò non extra debitos fines, quos sacra Scriptura, quos Ecclesiæ Catholicæ symbola, quos recta ratio statuunt, abripiatur. Æternum rixentur,
quos

quos hæc disputandi impetigo affricuit, Scholastici, licet fortassè in hac animosa & acri ingeniorum concertatione subtilitatis famæ magis quam veritati studeatur: hanc laudem per me licet vendicent habeântque, ut subtilissimi disputatores esse censeantur; sibi quoque abblandiantur, se dogma illud, de quo controversum erat, tot curiosis distinctiunculis evolutum, arte & ingenio tandem evicisse; suo sensu, judicio suo, cum vel error menti malè instructæ sit longè gratissimus, placidè & sine censura fruuntur. Addo, dogmata qualiacunque sint, summâ Religionis Christianæ illæsâ, à quavis Ecclesia particulari, sopiendis litibus, ne susque deque sententiarum divortiis omnia misceant novarum rerum cupidi, in articulos tanquam in instrumentum pacis & concordiae condantur, à suis ut pia, ut verisimilia habeantur, modò cum fundamentalibus fidei articulis pari passu non incedant; modò cæteris Ecclesiis, quæ alienæ jurisdictioni subsunt, non sint fraudi; modò ut ab universis Christianis quocunque sub axe positæ sub poena diri anathematis recipiantur, auctoritatis Apostolicæ prætextu, non decretum sit. Ut verò inter Scholastico-

rum placita, quæ novitatem sapiunt, & scripturæ effata nihil discriminis interfit, ut id honoris, quem sola infallibilis veritas exigit, humanæ authoritati, errori affectibusque nimium quàm obnoxia, deferatur, ut privatorum dogmata in numerum pro necessitate salutis credendorum transeant, ut tot temerariis definitionibus sanctionibusque cogatur assensus, qui optimo jure liber erat relinquendus; hoc est, quod hodiè urit orbem Christianum, & ipsius paci officit. Hoc omnium proborum, qui liberè sentiunt, cordolium, hæc superioris ævi, quo in reformanda Ecclesia tantoperè insudatum erat, justissima querela, quam ab ipsis quoque Romanensibus extorsit veritas. Hæc audacia in vectum Schisma vel feris nepotibus maximè deplorandum, tot tantisque malis gravidum, omnemque exinde redintegrandæ Communionis Ecclesiasticæ spem, ni hujus dissidii auctores ipsorum vesaniæ poeniteat, sublatam, impendiò dolemus.

Rem seriò perpendenti quàm maximè obstupefendum videbitur, alterum illud Sacramentum, quod in mutæ contestationis & fidei in eundem Salvatorem crucifixum, quem illud verè

&

& realiter exhibet, indicium instituerat Christus, astu Diaboli & hominum nequitiâ eatenus perverti potuisse, ut hinc illi, quos ejusdem corporis & sanguinis pretiosi compotes esse voluit, sibi invicem salutem mutuam isthoc pretio procuratam redemptamque invidendi occasionem arreptum irent. Ecqua enim alia ratio obtenditur furoris, qui zeli titulo arma capessivit, Dei causam quasi vindicaturus, intulitque hoc sacro prætextu tot strages mundo, nisi quod in sententiis de hoc mysterio augustissimo declarandis paulò variatum sit? Quantum sanguinis ubique effusum fuit ab exacerbatis, quæ mutuam spirant internecionem, partibus, litibus hisce Sacramentariis eheu! quàm infelicibus! in funestum bellum tandem conversis! Hinc quoque tum gladio tum igni sævitum est ultra omnem Ethnicorum rabiem, in tot millenos, omni alio scelere puros, hâc præcipuè de causa, eò quod à Transubstantiationis dogmate abhorruissent. Christum verè adesse sub sacris symbolis, seque verum corpus Christi, post Elementorum consecrationem, percipere, nemo non fatebitur: hanc verò fidem Christi instituentis verbis

fundatam, de qua generalis omnium consensio per omne Christianismi ævum increbuit, in veram sacrae Communionis tesseram acceptum iri, quis sanæ mentis non dixerit, nisi præceptis ira obstitisset? Si simplici hac fide contentus, neglectis curiosis inquisitionibus, rem sanctissimam quisque seriò egisset, si præsentia modum Ecclesia Romana, Consilio primum Lateranensi, deinde Tridentino, non temerè definivisset, si Lutherani cæterique sibi solis hac in re sapuissent, nemini præscribentes, damnantes neminem, diversæ licèt opinionis, coram iisdem Altaribus, à quibus hodiè arcemur tanquam profani nondumque initiati, à quibus etiam aufugimus, uti olim ab Idololatrarum sacrificiis, genibus provoluti, cum maximo tum pietatis tum concordia fructu iisdem sacris interfueramus. E Sacerdotibus nemo cuiquam Laïco ad venerabile hoc Sacramentum devoto corde anhelanti id communicare, è Laïcis nemo à quoquam Sacerdote ritè ordinato idem percipere metuerat.

Quod de aliis complusculis ejusdem prorsus momenti, quæ salvâ fide in disceptationem veniunt, dicendum habeo: dum enim exclusis aliorum interpreta-

mentis,

mentis, sine scripturarum sacrarum & Apostolicæ traditionis authoritate & subsidio, ad novas determinationes descenditur, dum, quod usu hodiè fit, Scholasticorum argutiæ & rixosæ Theologiæ, quam otiosi homines ingenio subtili malisque ratiocinationibus nimium quàm fidentes procuderant, placita tali in pretio apud quosvis sunt, ut necessariæ Christianæ religionis appendices esse censeantur, dum Articuli fidei, qui vetustiora Ecclesiæ Catholicæ secula prorsus latuère, quasi in immensum, uti ex hodierno Ecclesiæ Romanæ statu obscurisque aliarum Ecclesiarum confessionibus liquet, ad libitum augentur, quid aliud hoc zelo, hâc industriâ effectum fuisse experimur, nisi ut, orbe Christiano in tot partes distracto, penitus tollatur concordia? Sed de hoc secundo dissidiorum fonte satis à me dictum est, & fortasse plusquàm satis. In reliquis, quæ supersunt, explicandis, non est, quod longo sermone vos morer, vestramque macem patientiam.

III. Non leve momentum promovendis augendisque Christianorum discordiis adhibetur ex effræni ista, quæ Romanis Pontificibus olim adhæserat, &

etiamnum adhæret, dominandi libidine. Ecclesiæ Romanæ magnitudini parum convenisse videbatur, ut antiquo regionum suburbicariarum limite includeretur: quippe non ordinis primatu, non veteri Patriarchatu, cui tamen Ecclesiæ Britannicæ non subiacebant, reliquisque privilegiis ob honorem majestatemque urbis, quæ principem & mundi domitorem populum è sinu ipsius quaquaversum diffuderat, tandem collatis contenta, majorum exemplo, imperium in universum orbem, ubi ubi degunt Christiani, superbè ambit. Si cæteri Patriarchæ, quibus id honoris eadem auctoritate, h. e. Imperatorum gratiâ, Consiliorumque generalium decretis & constitutionibus delatum erat, (in quo assignando eos ad civiles earundem civitatum dignitates & privilegia solum respexisse ex penultimo canone Concilii Chalcedonenfis liquet) jura ac libertates adversus Romani Pontificis molitiones tueantur; si alieno jugo subesse noliint, ni Romam tanquam magistram & dominam turpi obsequio adorent, ipsiusque decretis obsequantur, actum est illicò de iis, postulantur Schismatis, nec digni judicabuntur, quibuscum sacram
retineant

retineant communionem. Cum post divisum etiam Imperium diu inter Orientem & Occidentem, saltem simulata pace, concordatum fuerit, post omnia turbavit Romanorum Pontificum, qui Græcorum rebus quasi suis intercesserant, ambitio. Neque enim aliam originem fatale illud dissidium habuit, licet vulnus magis magisque recruduerit, cum articulus ille de processione Spiritus Sancti à Filio symbolo Constantinopolitano Romæ adderetur, inconsultis primum Orientalibus Episcopis, imò post acerrime refragantibus contendentibusque, id per canones Synodi Ephesinæ nullatenus licuisse. At res in Occidente securius agebatur, nisi quod unus & alter huic tyrannidi subinde sese opposuerint, irritò licet conatu.

Dum vero spretis canonibus in omne jus divinum humanumque grassandi licentiam sumunt, dum quicquid est uspiam Ecclesiasticæ authoritatis ad se trahunt, dum in conscientias dominari cupiunt, nec quippiam credendum fuerat, nisi quod Romanæ Curiae liberet, eccui mirandum videbitur, orbem Christianum, tot malis è veterno excitatum, de hujus tyrannicæ potestatis exercitio tandem

tandem queri, & de recuperanda libertate seriò meditari cœpisse? Interim quid Romæ agitur? num ut tot Regum, Principum, rerúmque publicarum æquissimis postulatis sæpè sapius repetitis debito modo & cum effectu satisfiat, deliberatur? num prædia & possessiones, quas diu vi planè manifestâ infederant, h. e. communia religionis jura Episcopis & populo Christiano, quibus postliminio debebantur, cedunt? nihil minus: exclamant, frendent, insaniunt, è monte Capitolino Vejoves hi excommunicationis fulmina contorquent in eos, quasi in tot sacra capita, à quibus hoc piaculare crimen admissum erat, eo quòd eos Romanæ servitutis fuerit pertæsum. Hoc est, quod ipsi adhuc doleat, quod tot malis artibus præstigiisq; hodiè eant repetitum: hoc est, quod Schisma, ni omen avertat Deus, æternum esse faciat. Neque enim quicquam aliud expectandum est, cum non alia conditione, quantum per ipsos est, pax acquiratur, nisi amissæ libertatis, nec quieti esse sinamur, nisi ad jugum defuetum excussúmque stupidi redeamus.

IV. Has circa sacra lites discordiásque, quibus miseri mortales agitamur, in tot
Sectas

Sectas discissi, hinc quoque oriri tristi experimento satis liquet, quòd, obrepente animis desidiâ, pietatis studium refrixerit, & à sanctissima vivendi, quam præscripsit Christus beatissimus noster Salvator, normâ adeò turpiter descitum fuerit. Non est, quod in mollitiem, in luxum, in malefanos affectus, in ferinos Christianorum mores, quibus orbis hic noster vix sibi integer constat, tot bellis divulsus, ut penè fatiscat, & extremum expiraturus videatur, in præsentì convocatis argumentorum, quæ affatim suppetunt, copiis tragicè exclamem. Singultibus & lachrymis quam satyrâ res mihi longè dignior visa est. Nec cum his Christiani nominis propudiis & dehonestamentis mihi jam agendum est. Quam minimum veræ & solidæ pietatis apud eos reperitur, qui illam profiteri pro vitæ instituto suarum esse partium ducunt! quam plurimum verò superstitionis! dum peculiaria, quibus ab invicem distinguimur, dogmata in indicium Christianismi cedunt. Ita nimirum, pro genio seculi, non expolendis moribus, sed opinionibus sedulò incumbitur, nec ut vita sanctissimæ professioni aliquatenus quadret, sed ut ad-

versarios

versarios argumentis vincamus, illorúmque sententiam falsi demus convictam, nobis curæ est. At! at! quanto minus pietatis officiorum studio attenditur, magis detrahitur charitati: acriori quidem zelo pro rebus leviuſculis dimicandum esse autumamus, de vita parùm Christiana, hâc fallaci & adulatoriâ methodo, cum Deo quasi decisuri. Frustra de nostrorum temporum infelicitate quærelas effundimus; per nos ipsos, si velimus, meliora sperari fas est; si redeunte, quæ diu exsulavit, pietate, morúmque disciplinâ restitutâ, rem Christianam, quæ verâ in Deum pietate, in proximum charitate, bonisqne operibus, non irâ, non odio, non rixis subtilibúſque, ubi de summa religionis convenit, quæſtionibus perficitur, tandem seriò agamus, tot partes hodiè avulsas distractâſque citò coïturas, pacémque Ecclesiasticam de facili redintegratum iri, non vanum erit augurium.

Dum verò adeò malis moribus & præter propter vitam religiosam vivitur, dum relictis charitate & modestiâ adeò altùm sapimus, ut cæteros, qui à nobis paulùm dissident, desipuisse censeamus, dum Sectæ adhærescere & in
partium

partium diversarum patronos fulminatrice sententiâ invehi præcipuum religionis argumentum habetur, dum ritibus placitisque Scholasticorum intenti, quod Christus & Apostoli faciendum præceperint, securè, quasi longè minoris esset momenti, negligimus parvique facimus, ex hac malè collocatâ industriâ, ex hac insanâ ingeniorum pugnâ, interruptâ communione, rem Christianam pessimè habitum iri, &, succrescentibus quotidie novis præjudiciis, malum hoc magis adolescere, nemo est consilio aut misericordiâ adeò vacuus, ut non id dolens gemensque quidem fateatur. Non mihi imputabitur, quod à vobis, Auditores, maximè deprecor, quasi senserim, nostrâ non referre, cuinam è tot Christianorum Sectis nos ipsos addixerimus; absit. Pares tanto beneficio gratias Deo opt. max. referre non opis est nostræ, eò quòd Ecclesiæ Anglicanæ verè Catholicæ, quæ inter reformatum regiminis Apostolici, & purioris doctrinæ tenax, à labe & corruptelis, quibus pulcherrimam Religionis faciem deturparant Romanenses, tantùm recesserat, sinu nascentes & sacro lavacro tincti excipiamur. Interim, ut iniquissimæ

quissimæ censuræ, quam præcavendam cupio, Apostolicam objurgationem opponam, vers. 4. Tu quis es, qui condemnas alienum famulum? proprio Domino perstat, aut cadit: stabilietur autem, potest enim Deus eum stabilire. Nec dicere verebor, nullusque dubito, quin vos omnes, Patres & Fratres in Christo venerandi, ejusdem sententiæ fautores juxta mecum sim habiturus, extremo judicii die majorem probæ & honestæ vitæ quam sanæ opinionis à Christo iudice habitum iri rationem; neminem, qui Christianam professionem laudabili vitæ instituto decoraverit, licet in quibusdam, ni obstinatio mentis accedat, perperam sentientem, damnandum; & denique eos, qui, diversæ utpote communionis, in terris se mutuis convitiis proscindunt, deque ipsorum mutuâ salute penè desperant, ob salutarem fundamentalium Articulorum vim, modò iisdem vita pura & verè Christiana superstruatur, per gratiam & misericordiam Dei, aternâ pace in cœlo simul regnatos.

Sed de dissidiorum originibus hætenus; restat, ut de Remediis, quod secundo loco proponebatur enarrandum, quorum

quorum ope tot malis inde in orbem Christianum irruentibus, occurri possit, paulò differamus.

De componendis dissidiis frustra laboramus, vanique ad Ecclesiæ primitivæ unitatem anhelamus, nisi de Censuris, quæ hætenus exclusere omnem charitatem, quibus ab invicem impetimur, quippiam alterutrinque remittatur, & iisdem mediis, quibus in sacris Communionem sartam tectam retinere veteres Christiani, in ea revocanda pariter utamur. In hac methodo si utriusque pacatis affectibus sit consensus, non erit desperandum, quin felicem exoptatumque exitum habeant pacifica consilia, piique dissidentium animos conciliandi conatus. Media autem pacem Ecclesiasticam redintegrandi, quæ dissidiorum causis suprâ recensitis directè respondent, in præsentî, quâ poterò brevitate, exhibebo.

Quorum primum esto hoc. Sola simplex vetusque fides, è Scripturis æq; Generalium Consiliorum Symbolis eruenta, usu ab universis Ecclesiis Christianis recepta, rejectis quibuslibet opinionum laciniis assumentisque, tanquam creditu ad salutem necessaria urgeatur.

Cum

Cum hac fide communi tanquam glutine Ecclesiam Catholicam sibi firmiter coherentem sancta communione usam fuisse certo certius sit, cum Catechumeni hanc fidem, quæ paucis constabat articulis, post debitam institutionem professi, Baptismatis gratiam consequerentur, hoc ipso nomine sacratissima Eucharistiæ mysteria percipiendi jus habituri, nulla alia conditione exactâ, cum in hac apud omnes Christianos (neque enim hoc sacro nomine dignandi sunt Socinistæ, qui totum Christianæ Doctrinæ compagem Sophisticis ratiociniis & mente arrogantissimâ convulsum eunt, qui in Christum æternum Dei filium blasphemî, Dei nostri gratiam transferunt in lasciviam humani ingenii, & solum illum Deum ac Dominum nostrum Jesum Christum negant) plenissima sit ubique animorum consensus, quidni sacræ Communionis fundamentum primævæ Ecclesiæ exemplo & praxi in hac quoque solidetur? Quo prætextu post fidem ubilibet receptam, & à Christo Apostolisque stabilitam, post tot secula quippiam dogma ut necessario credendum superaddi licet, de quo apud veteres nemo vel fando unquam inaudiverit?

diverit? quo jure tantus Articulorum numerus obtrudi debet, præsertim verò cum testatum habeamus, hoc non religionis sed solius commodi secularis & famæ promovendæ gratiâ factum fuisse? Quod adeò malè inter Christianos conveniat, ac si non eadem sed multiplex credendi regula olim proponeretur, non Christo, non Apostolis, non Religioni, quæ totum illud, quod salutis assequendæ satis superque conducit, absque perplexa verborum, ne quispiam crassioris ingenii criminetur difficultatem, ambagè cuivis vel mentis compoti expandit; sed Zelotis quibusdam, qui nova dogmata pro oraculis venditantes, ea sub diris & anathemate amplectenda orbi Christiano fastuosè obtrudunt, id unicè referendum est. Quanti furoris erit argumentum, quod Romanenses faciunt, in nos ob hæc opinioniones rejectas, nudiustertius enatas, nullâque Scripturarum aut Antiquitatis auctoramento communitas debacchari? At non soli, quod fortasse aliquantillum solatii miseris exhibebit, infelix posteritas damnabimur, quin & purissimæ Antiquitatis cultores, qui no-

vi symboli, quod Pius IV^{us}. condidit, Articulos neutiquàm admisère, in eandem societatem trahendi sint. At ! at ! si de iis ipsis, qui Fidem ac Religionem Christianam adversus hæresium pestem latè grassantem symbolis & scriptis tanquam amuletis munierunt, qui vitæ & sanguinis effusissimè prodigi & crucis candidati erant, qui flammæ amplexi igneis vehiculis petière cælum, tuendæ fidei veræ intentissimi, quos meritissimo Sanctorum titulo grati colimus, benè sentiendum sit, nos eorundem vestigia secuti, satis tuti, satis securi erimus ; neque est, quod ab his brutis fulminibus, quæ in nos vibrantur, ullatenùs metuamus. Ubicunque dispersi erant Christiani, sive sub Patriarcha Romano, sive Alexandrino, sive quocunque alio, hujus fidei auctoramento tanquam fratres agniti, ad eandem salutem, quam neque sibi invicem invidebant, neque negabant, omnes simul & concorditè eorundem sacrorum consortio anhelabant ; tantæque charitate, ut illud obitè interponam, flagrabant, ut nec de Donatistis, qui de iis pessima dixerint, malè ominarentur ; ne dicam ipsos de Arianis

* Arianis cæterisque Hæreticis non omnem spem abjecisse.

II. Articulis, sine quorum explicitâ fide nemo Christianus futurus est, admissis, de cæteris dogmatibus liberum cuique esto iudicium. Non enim magis opinionum quam rituum varietas fidei unitatem dissolvit. Quam vulnus illud hiulcum, quod dudum corpori Ecclesiæ inflixit Schisma, de facili coiisset, si, hâc medicinâ adhibitâ, tot confessionibus, tot novis canonibus Tridentinis, quibus Christianorum mentes opprimuntur, fidésque subtilibus argutiis redditur implicatissima, de rebus incertæ & planè dubiæ veritatis non adeò dogmaticè decerneretur! Optandum foret Christianis universis, & potissimum Reformatis, quotquot à Romanæ Ecclesiæ communione expulsi recessêre, de singulis Religionis apicibus convenire potuisse: sed cum id vix quispiam speret præ multiplici hominum ingenio & captu, præ iudiciorum diversitate, præ variis interpretandi sacram Scripturam modis, cum non idem lumen, non eadem copia argumentorum, non eadem con-

* Vide Salvianum de gubernatione Dei, lib. 5. pag. 100. ex editione Baluzii.

cludendi vis cuivis suppetat, quidni pacis amori pervicaciam mentis posthabentes, dogmata propria ita amplectantur, ut cætera concordēs, siqui, in fidei fundamentum non impingentes, aliter sentiant, Christianâ moderatione & *συγκαταβόλαι* ferant. Faceſſat ideò illud maledicendi cacoethes, quod in naturam & religionem vertitur, dogmatumque, si commodè sine dispendio veritatis explicari possint, odiosa infectatio. Hâc enim vicissim concessâ indulgentiâ, quam moderatioris ingenii homines, pacis sequestri & arbitri, ut æquissimam suadent, quantum commodi in orbem Christianum redundaturum sit, nemo est ingenii adeò deplorati, qui non facile præſagiat.

III. Antiqui de regimine canones Ecclesiastici restituantur, ut Episcopo Romano in ordinem coacto, & evanescente Oecumenicæ potestatis prætextu, quicquid juris Ecclesiastici ipsis canonum vigore competit, singulæ Ecclesiæ tandem recipiant. Meminerint interim Romanenses, hâc iniquissimâ usurpatione violatæ pacis tandem convicti, communionem cum ipsorum Ecclesiâ in necessariis ad salutem olim non habitam fuisse,

isse, nisi quatenus ipsi cum Ecclesia Catholica convenisset. Quantæ olim concertationes litésq; cum Romana sede agitantur, ne quippiam de jure periret! Privilegia sua vindicavit Ecclesia Orientalis, sua Meridionalis, utraque ac Romana in varios Patriarchatus distincta, ex decreto Consilii Nicæni, iisdem privilegiis suo limite & districtu singulæ fruebantur. Neminem huc usque Oecumenicæ authoritatis adipiscendæ desiderium titillârat, nemini in titulum noménq; cesserat, Episcopus universalis. Solus id sibi & successoribus adscribere ausus est Bonifacius, quasi totus mundus intra civitatis Romæ pœmeria esset concludendus. Obstupuit mundus, nec sibi adeò foedè imponi passus est. Carthago Christianismum amplexa, Romæ æmula, Romanum Pontificem æquè sprexit, ac olim Senatuum. Constantinopolis honorem primæ Sedis, licet interdum invita, cedens, sui juris mansit; nec licet hodiè captiva, pristinæ dignitatis adeò stupidè obliviscens, ut Romanæ Sedi tanquam Dominæ blandiatur: Turcarum tyrannidi cedens, Romanensium verò, ut conjectari fas est, nunquam cessura. Communionem cum ipsa, uti & cum cæteris Ecclesiis Catholi-


cis totius orbis Christiani, actu vel saltem desiderio, si tolleretur impedimentum, sibi retinendam sui esse officii duxerunt, auctoritate, quam illa arreptam adeo impendiò voluit, interim rejectâ, quod & nos hodie præstaremus, si per ipsam liquisset. Esto Episcoporum primus Pontifex Romanus, modò non solus, quasi cæteri ipsius Vicarii essent, modò non universalis, modò aliorum jura, quæ eadem lege Ecclesiasticâ nituntur, inviolata maneant, modò constitutionibus Apostolicis Romanæ Curia decreta non repugnent, ac intra antiquorum canonum limites sese contineat Romana jurisdictio. Quo obice amoto, ineundæ paci via lata sterneretur. Hoc omnes probi, omnes, nisi quorum intererit æterna esse diffidia, usque & usque ardentissimis votis efflagitant, unionem his conditionibus avidissimè amplexuri, si quicquid est superstitionis in ritibus & cultu sacro tollatur, sique diris, quas in dissentientes evibrant, subductis, sola creditu necessaria veritas, juxta veteres formulas, proponatur, in cæteris relictâ judicandi libertate.

Hoc ni fiat, coram Deo Romanenses violatæ Communionis usque postulabimus, per quos planè stat, ut tali beneficio

Ecclesia

Ecclesia Christi Catholica hodie destitatur. Interim quascunque pacis Ecclesiasticæ conditiones cum gaudio quidem arrepturi sumus, modò exinde non lædatur conscientia, modò principiis & analogiæ fidei non contra eant; modò Scriptura ejúsque genuina interpret primæva Antiquitas in dogmatibus statuendis summæ authoritatis esse admittantur, modò regimini Ecclesiastico nullum fiat præjudicium, modò denique cuncta ad normam canonum consuetudinúmque, quæ per universam Ecclesiam pristinis seculis obtinuère, exigantur. O felicem illum diem, quo diffidiis, ad quorum memoriam horret animus, sublatis, omnes, qui unicum eundémque Salvatorem crucifixum colunt, fraterno affectu in unum coibunt! At! at! per improbos Christianorum mores illud neutiquam exspectandum est. Pristinâ pietate nobis opus est, si pristinam concordiam velimus restitutam. Eheu! deside ac propudiosâ Christianorum vitâ à veterum exemplo ubiq; desciscitur: in artem rixandi abit religio, quasi vita morúmque norma esse desiisset. Per vitia nostra nobis non licet esse tam felicibus, tam beatis. Hæc impedimento sunt, quò minùs in eadem

eadem sacra Communionē concorditè vivamus. Deum ergo supplicibus votis exoremus, ut omnes, qui se Christianos profitentur, eodēque sacro insigniuntur nomine, unde exciderint, tandem memores resipiscant, & priora opera, opera veræ ac solidæ pietatis, faciant; ut iniquissimis censuris controversisque futilibus omisis, quæ ad pacem faciant & quæ ad mutuam ædificationem, sectentur; ut denique in viam veritatis conducti, in unitate Spiritus, in vinculo pacis, & in sanctitate vitæ, fidem verè Christianam, verè Apostolicam, verè Catholicam retineant. Ita laboranti inter tot tumultus Ecclesiæ succurrat ille misericordiarum Pater, propter merita Jesu Christi Salvatoris nostri, cui cum Patre & æterno Spiritu sit omnis laus & honor in secula seculorum. *Amen.*




Præter accentuationes perperam adhibitæ, literarumq; permutationes, quas quivis Lector facillimè perspiciet, multa verba, utpote ad sensum complendum necessaria, vitio Apographi malè admodum transcripti interciderunt, quæ hoc modo suppleri, uti & graviora errata emendari possunt.

P Ag. 5. l. 14. neque enim moror, p. 10. l. 17. paulo post, p. 13. l. 2. Presbyteris, p. 19. l. 17. collectis esse debet, p. 23. l. 6. quæ, p. 25. l. 25. eruditionis fama, p. 30. l. 3. dele qui, p. 31. l. 23. quarum, p. 35. l. 2. manducatum, p. 38. l. 13. illos, p. 40. l. 1. traditam explicantibus, p. 43. l. 12. incertus cum essem, p. 45. l. 21. ipse, p. 69. l. 23. nimium, p. 75. l. 23. cum cæteris communis est, p. 76. l. 14. reddebant, p. 80. l. 9. & p. 93. l. 16. quærimon, p. 78. l. 14. illum infami, p. 95. l. 12, 13. lachrymis rogans, p. 108. l. 23. Patriarchæ, p. 116. l. 3. venisset, p. 120. l. 22. Berthæensis, p. 123. l. 16. sibi olim, p. 124. l. 28. dele ingenuæ, p. 142. l. 9. exsectis, p. 144. l. 30. dele: p. 153. l. 9. usurpabat. Præf. p. 3. l. 9. infantes.

F I N I S.

5-7

eadem sacra Communionem concorditè vivamus. Deum ergo supplicibus votis exoremus, ut omnes, qui se Christianos profitentur, eodè que sacro insigniuntur nomine, unde exciderint, tandem memores resipiscant, & priora opera, opera veræ ac solidæ pietatis, faciant; ut iniquissimis censuris controversiisque futilibus omissis, quæ ad pacem faciant & quæ ad mutuam ædificationem, sectentur; ut denique in viam veritatis conducti, in unitate Spiritus, in vinculo pacis, & in sanctitate vitæ, fidem verè Christianam, verè Apostolicam, verè Catholicam retineant. Ita laboranti inter tot tumultus Ecclesiæ succurrat ille misericordiarum Pater, propter merita Jesu Christi Salvatoris nostri, cui cum Patre & æterno Spiritu sit omnis laus & honor in secula seculorum. *Amen.*



Præter accentuationes perperam adhibitas, literarumq; permutationes, quas quivis Lector facillimè perspiciet, multa verba, utpote ad sensum complendum necessaria, vitio Apographi malè admodum transcripti interciderunt, quæ hoc modo suppleri, uti & graviora errata emendari possunt.

P Ag. 5. lin. 14. neque enim moror, p. 10. l. 17. paulo post, p. 13. l. 2. Presbyteris, p. 19. l. 17. collectis esse debet, p. 23. l. 6. quæ, p. 25. l. 25. eruditionis fama, p. 30. l. 3. dele qui, p. 31. l. 23. quarum, p. 35. l. 2. manducatum, p. 38. l. 13. illos, p. 40. l. 1. traditam explicantibus, p. 43. l. 12. incertus cum essem, p. 45. l. 21. ipse, p. 69. l. 23. nimium, p. 75. l. 23. cum cæteris communis est, p. 76. l. 14. reddebant, p. 80. l. 9. & p. 93. l. 16. quærimon, p. 78. l. 14. illum infami, p. 95. l. 12, 13. lachrymis rogaris, p. 108. l. 23. Patriarchæ, p. 116. l. 3. venisset, p. 120, 122. Berthœensis, p. 123. l. 16. sibi olim, p. 124. l. 28. dele ingenuæ, p. 142. l. 9. exfectis, p. 144. l. 30. *ipse*: p. 153. l. 9. usurpabat. Præf. p. 3. l. 9. infantes.

F I N I S .